



Broj: 12-02- 7206 /24
Sarajevo, 04.03.2024. godine

1. PREDSJEDAVAJUĆI SKUPŠTINE KANTONA SARAJEVO
2. ZAMJENICI PREDSJEDAVAJUĆEG SKUPŠTINE KANTONA SARAJEVO
3. PREMIJER KANTONA SARAJEVO
4. GRAD SARAJEVO, n/r gradonačelnice, Obala Maka Dizdara broj 1,
5. OPĆINA STARI GRAD, n/r načelnika, Zelenih beretki broj 4,
6. OPĆINA CENTAR SARAJEVO, n/r načelnika, Mis Irbina broj 1,
7. OPĆINA NOVO SARAJEVO, n/r načelnika Zmaja od Bosne broj 55,
8. OPĆINA NOVI GRAD , n/r načelnika, Bulevar Meše Selimovića broj 97
9. OPĆINA ILIDŽA, n/r načelnika, Hrasnička cesta broj 2,
10. OPĆINA ILIJAŠ, n/r načelnika, 126. ilijaške brigade broj 6, Ilijaš 71380
11. OPĆINA TRNOVO, n/r načelnika, Trnovo broj 36, 71223, Delijaš
12. OPĆINA HADŽIĆI, n/r načelnika, ul. Hadželi broj 114, Hadžići 71240
13. OPĆINA VOGOŠĆA, n/r načelnika, Jošanička borj 80, Vogošća 71320
14. SAVEZ OPĆINA I GRADOVA FBiH, n/r sekretara, Musala broj 5 71000 Sarajevo,
15. URED ZA BORBU PROTIV KORUPCIJE KANTONA SARAJEVO (Ovdje)
16. MINISTARSTVO FINANSIJA KANTONA SARAJEVO, n/r ministra (Ovdje)
17. MINISTARSTVO PRIVREDE KANTONA SARAJEVO, n/r ministra (Ovdje)
18. MINISTARSTVO SAOBRAĆAJA KANTONA SARAJEVO, n/r ministra (Ovdje)
19. MINISTARSTVO ZA BORAČKA PITANJA KANTONA SARAJEVO, n/r ministra (Ovdje)
20. MINISTARSTVO ZDRAVSTVA KANTONA SARAJEVO, n/r ministra (Ovdje)
21. MINISTARSTVO ZA ODGOJ I OBRAZOVANJE KANTONA SARAJEVO, n/r ministrice, (Ovdje)
22. MINISTARSTVO ZA NAUKU, VISOKO OBRAZOVANJE I MLADE KANTONA SARAJEVO, n/r ministrice, (Ovdje)
23. MINISTARSTVO KOMUNALNE PRIVREDE, INFRASTRUKTURE, PROSTORNOG UREĐENJA, GRAĐENJA I ZAŠTITE OKOLIŠA KANTONA SARAJEVO n/r ministra, (Ovdje)
24. MINISTARSTVO ZA RAD, SOCIJALNU POLITIKU, RASELJENA LICA I IZBJEGLICE KANTONA SARAJEVO, n/r ministrice (Ovdje)
25. MINISTARSTVO UNUTRAŠNJIH POSLOVA KANTONA SARAJEVO, n/r ministra (Ovdje)
26. MINISTARSTVO PRAVDE I UPRAVE KANTONA SARAJEVO, n/r ministrice (Ovdje)
27. KANTONALNA UPRAVA ZA INSPEKCIJSKE POSLOVE, n/r direktora Aleja Bosne Srebrene bb



28. URED ZA ZAKONODAVSTVO VLADE KANTONA SARAJEVO, n/r šefa (Ovdje)
29. URED ZA BORBU PROTIV KORUPCIJE I UPRAVLJANJE KVALITETOM KANTONA SARAJEVO, n/r šefa (Ovdje)
30. SLUŽBA ZA SKUPŠTINSKE POSLOVE SKUPŠTINE KANTONA SARAJEVO, n/r sekretara (Ovdje)
31. PRAVOBRANILAŠTVO KANTONA SARAJEVO, n/r pravobranioca ul. Branilaca Sarajeva broj 21/I,
32. EKONOMSKO-SOCIJALNO VIJEĆE KANTONA SARAJEVO, Reisa DŽ. Čauševića broj 1,
33. MINISTARSTVO CIVILNIH POSLOVA BiH, Trg Bosne i Hercegovine broj 1,
34. FEDERALNO MINISTARSTVO KULTURE I SPORTA, Maka Dizdara broj 4
35. OLIMPIJSKI KOMITET BiH, Alipašina bb Dvorana "ZETRA",
36. PARAOLIMPIJSKI KOMITET BiH, Titova 9 a 71000 Sarajevo,
37. SPECIJALNA OLIMPIJADA U BOSNI I HERCEGOVINI, Patriotske lige broj 41,
38. FAKULTET SPORTA I TJELESNOG ODGOJA Patriotske lige broj 41,
39. SPORTSKI SAVEZ KANTONA SARAJEVO, Obala Kulina bana broj 1, 71000 Sarajevo,
40. ODBOJKAŠKI SAVEZ KANTONA SARAJEVO, M. Tita broj 9 a, 71000 Sarajevo,
41. KOŠARKAŠKI SAVEZ KANTONA SARAJEVO, Mis Irbina broj 8, 71000 Sarajevo,
42. NOGOMETNI SAVEZ KANTONA SARAJEVO, Marka Marulića broj 2/III, 71000 Sarajevo,
43. HRVAČKI SAVEZ KANTONA SARAJEVO, Hamze Hume broj 2, 71000 Sarajevo,
44. SKIJAŠKI SAVEZ KANTONA SARAJEVO, Mis Irbina broj 8/3, 71000 Sarajevo,
45. STONOTENISKI SAVEZ KANTONA SARAJEVO, M Tita broj 9 a, 71000 Sarajevo,
46. TENISKI SAVEZ KANTONA SARAJEVO, Mis Irbina broj 8/2, 71000 Sarajevo,
47. ATLETSKI SAVEZ KANTONA SARAJEVO, Mis Irbina broj 10, 71000 Sarajevo,
48. GIMNASTIČKI SAVEZ KANTONA SARAJEVO, ul Spasoja Blagovčanina broj 5 71320 Vogošća,
49. ŠAHOVSKI SAVEZ KANTONA SARAJEVO, Pruščakova broj 21, 71000 Sarajevo,
50. STRELJAČKI SAVEZ KANTONA SARAJEVO, Paromlinska broj 3 f, 71000 Sarajevo,
51. ZAVOD ZA SPORTSKU MEDICINU, Patriotske lige broj 36,
52. SAVEZ ZA SPORT I REKREACIJU INVALIDA KANTONA SARAJEVO, Mis Irbina broj 10,
53. UDRUŽENJE PROFESORA I STRUČNIH LICA U OBLASTI FIZIČKE KULTURE I SPORTA KANTONA SARAJEVO, Mis Irbina broj 10/I, 71000 Sarajevo,
54. OSTALI ZAINTERESOVANI



POZIV NA KONSULTACIJE - OBAVJEŠTENJE

Ministarstvo kulture i sporta Kantona Sarajevo u skladu sa članom 83. stav (2) Pravila i postupka za izradu zakona i drugih propisa Federacije Bosne i Hercegovine („Službene novine Federacije Bosne i Hercegovine“, broj: 71/14) i člana 3. stav (5) Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, br. 50/17, 2/18 - ispravka i 32/22), je na svojoj web stranici objavilo Nacrt Zakona o sportu Kantona Sarajevo.

Imajući u vidu značaj ovog Zakona, prije svega, obzirom na broj lica na koja direktno utiče primjena ovog Zakona, ministar kulture i sporta Kantona Sarajevo je odlučio da se obave prethodne konsultacije sa kantonalnim organima, jedinicama lokalne samouprave, sportskim institucijama i sportskim organizacijama, naučnim i stručnim ustanovama i drugim zainteresovanim licima, u cilju pripreme nacrtu Zakona o sportu.

Pozivamo vas da uzmete učešće u konsultacijama, odnosno da svoje primjedbe, prijedloge, sugestije i mišljenja na tekst Nacrta Zakona o sportu dostavite najkasnije do utorka 19.03. 2024. godine, Ministarstvu kulture i sporta Kantona Sarajevo na adresu ulica Reisa Džemaludina Čauševića broj 1, Sarajevo ili na e-mail adresu: dragan.vujmilovic@mks.ks.gov.ba.

Ukoliko u utvrđenom roku ne dostavite svoje primjedbe, prijedloge, sugestije, mišljenja ili inicijative na tekst Nacrta Zakona smatraćemo da nemate primjedbe, prijedloge, sugestije, mišljenja ili inicijative.

Materijal možete preuzeti na web stranici Ministarstva kulture i sporta Kantona Sarajevo <http://mks.ks.gov.ba>.

Pripremio: Dragan Vujmilović, sekretar MKS KS

S postovanjem,

MINISTAR

Kenan Magoda

DOSTAVITI:

- Naslovu
- Evidenciji
- a/a



Na osnovu člana 11. i 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj dana __. __. 2024. godine, utvrdila je

ZAKON O SPORTU KANTONA SARAJEVO (NACRT)

DIO PRVI – OPŠTE ODREDBE

Član 1.

(Predmet)

Ovim zakonom se reguliše sport u Kantonu Sarajevo (u daljnjem tekstu: Kanton) i jedinicama lokalne samouprave na području Kantona (Grad Sarajevo i općine u sastavu Kantona), uključujući, ali ne ograničavajući se na, osnovne principe sporta, javni interes i ciljeve u sportu, organizaciju sporta, pravna i fizička lica u oblasti sporta, njihova prava i obaveze, zdravstvenu zaštitu u sportu i antidoping kontrolu, sportska takmičenja i priredbe, sportske objekte, suzbijanje nedoličnog ponašanja na sportskim priredbama, informatiku u sportu, finansiranje sporta, nadzor nad provođenjem zakona i kaznene odredbe. Detalji o svakom od ovih elemenata će biti dodatno razrađeni u poglavljima ovog zakona.

Član 2.

(Rodna ravnopravnost izraza)

Izrazi korišteni u ovom zakonu, a koji su radi preglednosti dati u jednom gramatičkom rodu, bez diskriminacije se odnose i na muškarce i na žene.

Član 3.

(Zabrana diskriminacije)

- (1) Zabranjena je svaka neposredna i posredna diskriminacija sportista u obavljanju sportskih aktivnosti, s obzirom na neko lično svojstvo, spol, status, opredjeljenje ili mjerilo, uključujući i diskriminaciju profesionalnih sportista i sportista koji to žele da postanu u pogledu zapošljavanja, zarade ili uslova rada, osim kada se pravljenje razlike temelji na bitnim i odlučujućim uslovima obavljanja određene sportske aktivnosti, a ciljevi koji se time žele postići su legitimni i opravdani.
- (2) Odredbe ugovora između sportista i sportske organizacije u oblasti sporta kojima se utvrđuje diskriminacija sportista ništave su, a odredbe sportskih pravila i opštih akata organizacija u oblasti sporta kojima se utvrđuje diskriminacija sportista ne primjenjuju se.
- (3) Sportisti koji nema punovažno zaključen ugovor sa određenom sportskom organizacijom ne može biti sportskim pravilima uskraćeno pravo zaključenja ugovora o radu sa drugom sportskom organizacijom, odnosno prelazak u drugu sportsku organizaciju i nastupanje za nju na sportskim takmičenjima u svojstvu profesionalnog sportiste.
- (4) Sportista ima pravo na naknadu štete koju pretrpi aktima diskriminacije sportske organizacije iz st. (1), (2) i (3) ovog člana.
- (5) Pravo na naknadu štete iz stava (4) ovog člana sportista ostvaruje u skladu sa Zakonom o obligacionim odnosima.

Član 4.

(Definicija sporta)

- (1) Sport u smislu ovog zakona obuhvata:
 - a) sportske aktivnosti i igre organizovane radi postizanja sportskih dostignuća koja se ostvaruju shodno utvrđenim pravilima (sportska takmičenja, sportske priredbe i manifestacije),

- b) sportske aktivnosti i igre organizovane s ciljem unapređenja zdravlja ili rekreacije (sportska rekreacija, sport za sve, i to u smislu ovog zakona kao organizovana ili samoorganizovana sistematska sportska aktivnost svih građana),
 - c) sportske aktivnosti organizovane za lica sa invaliditetom,
 - d) organizovani školski i studentski (univerzitetski) sport.
- (1) Pod sportskim aktivnostima u smislu ovog zakona podrazumijeva se naročito:
- a) priprema za takmičenje (trening),
 - b) sudjelovanje u sportskim takmičenjima,
 - c) poslovi lica koja obučavaju (pripremaju) sportiste,
 - d) poslovi organizovanja i vođenja sportskih priredbi,
 - e) poslovi upravljanja sportskim objektima.

Član 5.

(Definisanje osnovnih pojmova)

- (1) Pojedini pojmovi koji se koriste u ovom zakonu imaju sljedeće značenje:
- a) sportska aktivnost je svaki oblik fizičke aktivnosti koja obuhvata mentalno (psihičko) i fizičko vježbanje, sportski trening, ostvarivanje rezultata na takmičenju, sportsko-rekreativna aktivnost, sportska manifestacija ili stručno osposobljavanje ili usavršavanje građana, koja se obavlja samostalno ili u sportskoj i drugoj organizaciji u oblasti sporta,
 - b) sport za sve je oblast sporta koja promoviše bavljenje sportskom aktivnošću radi odmora i rekreacije, unapređenja zdravlja ili unapređenja sopstvenih rezultata djece, omladine i odraslih,
 - c) vrhunski (znajajući) sport je oblast sporta koja obuhvata sportsku aktivnost i djelatnost koja ostvaruje vrhunski (značajni) sportski rezultat i kvalitet (izvrstan, izuzetan), u skladu sa kantonalnom ili entitetskom ili državnom kategorizacijom i međunarodnim standardima,
 - d) sportska organizacija je organizacija osnovana radi obavljanja sportskih aktivnosti i sa njima povezanih sportskih djelatnosti, a u svom sastavu ima sportiste,
 - e) sportista je lice koje se bavi sportskim aktivnostima,
 - f) sportista amater je sportista koji se ne bavi sportskim aktivnostima u vidu zanimanja i kome osnovni cilj bavljenja sportskim aktivnostima nije zarada,
 - g) profesionalni sportista je sportista koji se bavi sportskom aktivnošću kao jedinim ili osnovnim zanimanjem,
 - h) sportista takmičar je sportista koji učestvuje na sportskom takmičenju kao član sportske organizacije ili samostalno, u skladu sa sportskim pravilima,
 - i) vrhunski (značajni) sportista je sportista koji je, na osnovu ostvarenih vrhunskih sportskih rezultata na sportskim takmičenjima, rangiran u skladu sa kantonalnom ili entitetskom ili državnom kategorizacijom sportista i međunarodnim standardima u kategoriji vrhunskih sportista,
 - j) kategorisani sportista je sportista koji je na osnovu ostvarenih sportskih rezultata rangiran u skladu sa kantonalnom ili entitetskom ili državnom kategorizacijom sportista,
 - k) sportski stručnjak – fizičko lice koje posjeduje duboko i specijalizovano znanje, vještine i iskustvo u jednoj ili više oblasti sporta. Ova stručnost može obuhvatati, ali nije ograničena na, fizički trening, taktike i strategije igre, sportsku medicinu, sportsku psihologiju, nutricionizam, sportsku statistiku i analitiku. Sportski stručnjak ima formalno obrazovanje u svojoj oblasti stručnosti, što ga osposobljava da pruža stručne savjete, usluge ili donosi odluke koje direktno utiču na performanse i rezultate u sportskom kontekstu,
 - l) stručnjak u sportu - lice koje posjeduje duboko i specijalizovano znanje, vještine i iskustvo u jednoj ili više oblasti sporta. Ova stručnost se može odnositi na teoretsko znanje, praktične vještine, strategije treninga, taktike takmičenja, sportsku medicinu, psihologiju sporta, nutricionizam ili sportsku analitiku. Stručnjak u sportu ima formalno obrazovanje u

svojoj oblasti stručnosti, što ga čini kompetentnim da pruži stručne savjete, usluge ili donosi odluke u kontekstu sportskih aktivnosti.

- m) sportski trener: profesionalac zadužen za instruktiranje i obučavanje sportista u određenom sportu, planira i provodi treninge, razrađuje strategije igara, pruža povratne informacije i motiviše sportiste da bi postigli najbolje moguće rezultate.
- n) sportski menadžer: lice zaduženo za upravljanje sportskim organizacijama ili karijerama sportista, planira, organizuje i provodi sportske aktivnosti te pregovara o ugovorima i transferima sportista.
- o) sportski psiholog: stručnjak za mentalno zdravlje sportista, pomaže sportistima u prevladavanju stresa, postizanju ciljeva i poboljšanju performansi kroz različite psihološke tehnike.
- p) sportski nutricionista: stručnjak za prehranu sportista, savetuje sportiste o optimalnoj ishrani za poboljšanje performansi i oporavka, a kreira i individualizirane prehrambene planove.
- r) sportski terapeut: stručnjak za zdravstvenu negu sportista, pruža tretmane i rehabilitaciju sportistima koji su povređeni koristeći različite tehnike, uključujući fizikalnu terapiju, masažu i vježbe za obnovu snage i fleksibilnosti.
- s) sportski sudija: lice koje nadgleda i presuđuje tokom sportskih događaja, zadužen za primjenu pravila igre i osiguranje fer i poštenog takmičenja.
- t) sportski delegat: predstavnik sportskih organizacija ili saveza koji prisustvuje sportskim događajima ili sastancima, zastupajući interese svoje organizacije i donoseći odluke u njenom ime.
- u) sportski komesar: lice koje nadgleda i upravlja sportskim ligama ili organizacijama, donoseći odluke o pravilima, disciplini, rasporedu događaja i drugim aspektima operacija lige ili organizacije.
- v) sportski novinar: medijski profesionalac koji izveštava o sportskim događajima i novostima, piše članke, snima intervjuje, prenosi događaje uživo i analizira sportske rezultate.
- z) sportski agent: lice koje zastupa sportiste u pregovorima o ugovorima sa timovima, sponzorima i drugim pravnim ili fizičkim licima, te pomaže sportistima u vođenju njihovih finansija, marketingu i drugim aspektima njihove karijere. Sportski radnik kao stručno lice je pojedinac koji poseduje odgovarajuće stručne kvalifikacije i angažovan je na različitim profesionalnim zadacima u okviru sportskih organizacija. Ovi zadaci mogu uključivati, ali nisu ograničeni na: treniranje sportista, menadžment sportskih organizacija, organizaciju i upravljanje sportskim događajima, vođenje sportskih objekata, kao i pružanje različitih vrsta podrške sportistima, kao što su psihološko savetovanje, nutricionističko savetovanje, sportska terapija, i slično.
- aa) sportski radnik kao stručno lice je pojedinac koji poseduje odgovarajuće stručne kvalifikacije i angažovan je na različitim profesionalnim zadacima u okviru sportskih organizacija. Ovi zadaci mogu uključivati, ali nisu ograničeni na: treniranje sportista, menadžment sportskih organizacija, organizaciju i upravljanje sportskim događajima, vođenje sportskih objekata, kao i pružanje različitih vrsta podrške sportistima, kao što su psihološko savetovanje, nutricionističko savetovanje, sportska terapija, i slično.
- bb) licenca u sportu je zvanična dozvola kojeg izdaje relevantna sportska organizacija ili savez, koja potvrđuje da je pojedinac ili tim ispunio određene standarde, propise i uslove kako bi se bavio određenim sportom, djelovao u određenoj ulozi (npr. trener, sudija), ili učestvovao u određenim takmičenjima. Licenca u sportu služi kao potvrda kompetencije i kvalifikacije, te može biti neophodna za rad u određenim sportskim oblastima ili za učešće u određenim ligama i takmičenjima. Licenciranje je proces koji obezbeđuje određeni nivo kvaliteta, bezbednosti, i profesionalizma u sportu. To može uključivati razne aspekte, kao što su edukacija i obuka, praktično iskustvo, zdravstveni i bezbjednosni standardi, i etički kodeksi. Licenciranje se mora redovno obnavljati kroz proces kontinuiranog profesionalnog razvoja, što može uključivati dodatnu edukaciju, testiranje, ili pridržavanje

- određenih standarda ponašanja.
- cc) certifikat u sportu je javna isprava ili uvjerenje koje dokazuje osposobljenost za obavljanje stručnih poslova u određenoj grani sporta ili sportskoj disciplini. Osposobljenost se stiče kroz formalno i neformalno obrazovanje. Certifikat je trajnog karaktera i može se izdati od strane nadležne sportske organizacije, obrazovne ustanove koje su registrovane za formalno i neformalno obrazovanje. Certifikat se može izdati od strane nadležnog regulativnog tijela za potvrdu postignuća, akreditaciju objekata, validaciju zdravstvenog stanja sportista, ili potvrdu o usklađenosti s određenim standardima ili regulativama.
 - dd) kantonalni sportski granski savez ili sportski granski savez lokalne samouprave je sportski savez pojedinog sporta koji djeluje na teritoriji Kantona ili lokalne samouprave u koji su neposredno ili posredno učlanjena pravna lica obuhvaćena sportskim pravilima tog saveza.
 - ee) sportski savez na nivou Bosne i Hercegovine (u daljem tekstu: BiH) je sportski savez koji se osniva u skladu sa zakonom kojim se uređuje oblast sporta u BiH, na osnovu odluka entitetskih sportskih saveza o dobrovoljnom udruživanju.
 - ff) sportska manifestacija (priredba, takmičenje, dešavanje) je određeni, planski pripremljen i sproveden, vremenski ograničen, sportski događaj, za koji postoji javni interes i na kojem učestvuje više sportista.
 - gg) međunarodna sportska manifestacija je zvanična, prijateljska ili revijalna sportska manifestacija, svjetskog, evropskog i regionalnog značaja, koju organizuje i u njima učestvuju sportske organizacije i sportisti.
 - hh) sportsko takmičenje se odvija prema unaprijed utvrđenim i poznatim sportskim pravilima, koja mogu biti opštevažeća za konkretnu sportsku granu ili samo konkretnu sportsku manifestaciju u kojoj svaki učesnik teži postizanju što boljeg sportskog rezultata.
 - ii) sportsko pravilo je opšti akt nadležnog kantonalnog sportskog saveza, kojim se uređuje obavljanje sportskih aktivnosti i djelatnosti i ostvarivanje utvrđenih sportskih ciljeva.
 - jj) školski sport je sportska aktivnost i djelatnost koja se odvija u okviru odgojno-obrazovnog procesa Kantona.
 - kk) studentski odnosno univerzitetski sport je sportska aktivnost i djelatnost koja se odvija u okviru visokoškolskog sistema Kantona.
 - ll) rekreativni sport je sportska aktivnost i djelatnost koja se odvija s ciljem zadovoljenja potreba za očuvanjem, održavanjem i unapređenjem psihofizičkih sposobnosti i zdravlja i obogaćivanja slobodnog vremena, a može imati i takmičarski karakter.
 - mm) sportska grana je kategorija sportske aktivnosti sa jasno definisanim pravilima i sistemom takmičenja.
 - nn) grana sporta je potkategorija sportske grane sa manjim ili većim odstupanjima od pravila i sistema takmičenja.
 - oo) dijete je, u skladu sa ovim zakonom, svako lice koje nije navršilo 18 godina života.
 - pp) mladi su, u skladu sa ovim zakonom, lica koja su navršila 18 godina života, sve do navršenih 35 godina života.
 - rr) odrasli su, u skladu sa ovim zakonom, lica koja su navršila 35 godina života i više.
 - ss) sistem sportske kulture obuhvata organizovani školski i univerzitetski sport, sport i sportsku rekreaciju koji se organizuju na načelu jednake dostupnosti svim građanima, bez diskriminacije po bilo kojem osnovu.

POGLAVLJE I.

OSNOVNI PRINCIPI U SPORTU

Član 6.

(Osnovni principi u sportu)

- (1) Osnovni principi na kojima se organizira sport na teritoriji Kantona su:
 - a) poštovanje prava i sloboda sportista, uključujući njihovu zaštitu od bilo kakve diskriminacije ili zloupotrebe.
 - b) afirmacija duha olimpizma, uključujući promociju mira, solidarnosti, prijateljstva i poštovanja fer pleja.
 - c) garantovanje prava svih građana da se bave sportom pod jednakim uslovima bez diskriminacije na bilo kojoj osnovi, uključujući ravnopravno učešće muškaraca i žena u sportu.
 - d) angažovanje svih nivoa vlasti u stvaranju povoljnih uslova za razvoj sporta, uključujući materijalnu podršku, osposobljavanje i usavršavanje, te promociju vrhunskih sportskih rezultata.
 - e) osiguravanje zdravstvene zaštite sportista i nultu toleranciju prema upotrebi nedozvoljenih stimulativnih sredstava.
 - f) promocija stručnosti, naučno-istraživačkog rada, inovacija i digitalizacije u svim aspektima sportske prakse.
 - g) rješavanje svih sporova kroz sportske organe i arbitražne sportske tijela, uz garantovanje prava na pravično suđenje.
 - h) poštovanje autonomije sportskih organizacija u uređivanju unutrašnjih odnosa i udruživanja.
 - i) stvaranje efikasnog sistema stručnog osposobljavanja i usavršavanja stručnih kadrova u sportu.
 - j) primjena drugih principa koji regulišu dostupnost sporta, slobodu izbora, jednakost prava i obaveza, posebnu zaštitu djece i omladine, zaštitu dostojanstva i ličnog integriteta, te promociju sportskog i općeg razvoja.
- (1) Organizatori i učesnici u sportskim aktivnostima su obavezni da razvijaju duh olimpizma, podstiču fer plej, suzbijaju nasilje, doping i sve vidove nesportskog ponašanja, uz posvećenost razvoju sportske kulture i etike.

Član 7.

(Osnovna načela u sportu)

- (1) Svi građani (djeca, omladina, odrasli i lica sa invaliditetom) imaju pravo da provode sportske aktivnosti na bazi interesa i dobrovoljnosti u skladu sa odredbama ovog zakona i međunarodnim konvencijama: Evropskom konvencijom o zaštiti ljudskih prava i osnovnih sloboda, Evropskom poveljom o sportu, Konvencijom UN-a o pravima djeteta, Međunarodnom konvencijom protiv dopinga u sportu, Konvencijom o pravima osoba sa invaliditetom, Konvencijom o pravima osoba sa invaliditetom namijenjenoj djeci, Evropskom konvencijom o nasilju i nedoličnom ponašanju gledalaca na sportskim priredbama, Olimpijskom poveljom, Paraolimpijskom poveljom, Evropskim kodeksom o sportskoj etici, Deklaracijom o sportu, toleranciji, fer pleju, pravilima međunarodnih sportskih asocijacija, te Izjavom iz Lozane o organizovanju sporta u Bosni i Hercegovini, kao i konvencijama i drugim međunarodnim multilateralnim i bilateralnim ugovorima kojima pristupi ili koje prihvati Bosna i Hercegovina nakon stupanja na snagu ovog zakona.
- (2) Posebna pažnja treba biti posvećena zaštiti djece u sportu, uključujući, ali ne ograničavajući se na, zaštitu od fizičkog, seksualnog i emocionalnog zlostavljanja.
- (3) Sve sportske organizacije i pojedinci uključeni u sport trebaju prepoznati i aktivno se baviti mentalnim zdravljem sportista kao integralnim dijelom njihovog ukupnog zdravlja i dobrobiti.
- (4) Odredbe ovog zakona odgovarajuće se primjenjuju na lica sa invaliditetom.

Član 8.

(Posebna zaštita djece i omladine u sportu)

Svi učesnici sportskog sistema Kantona obavezni su da sa posebnom pažnjom suprotstavljaju se i prijavljuju sve vrste zloupotreba, zlostavljanja, diskriminacije i nasilja, a posebno nad djecom i omladinom u sportu. Učesnici sportskog sistema moraju također preduzeti preventivne mjere za zaštitu djece i omladine.

Član 9.

(Dostojanstvo i lični integritet)

U bavljenju sportom svi građani imaju pravo na zaštitu dostojanstva i ličnog integriteta.

Član 10.

(Podsticanje sportskog i javnog (općeg) razvoja Kantona i jedinica lokalne samouprave)

Sport je djelatnost od javnog (općeg društvenog) interesa za čije se ostvarenje staraju Kanton i jedinice lokalne samouprave na području Kantona.

Član 11.

(Suprotstavljanje upotrebi nedozvoljenih stimulativnih sredstava)

U sportskom sistemu Kantona svi učesnici su obavezni da se suprotstavljaju upotrebi nedozvoljenih stimulativnih sredstava. Postupak kontrole sportista vrši se u skladu sa nadležnostima Kantona i njegovih institucija i može se prepustiti drugom relevantnom tijelu na drugom nadležnom nivou administrativnog organizovanja u Bosni i Hercegovini. Također, sportski sistem treba provoditi obrazovne programe za sportiste o štetnosti i posljedicama upotrebe nedozvoljenih stimulativnih sredstava.

Član 12.

(Sprečavanje svih oblika nasilja)

S ciljem obezbjeđenja i zaštite života, ličnog integriteta i dostojanstva sportista, gledalaca i drugih učesnika sportskih takmičenja, priredbi i manifestacija, te s ciljem zaštite njihove imovine i imovine drugih lica, Kanton putem svojih relevantnih nadležnih institucija uređuje i obezbjeđuje, a nadležni sportski savezi sprovode mjere i aktivnosti na sprečavanju svih oblika nasilja.

Član 13.

(Poštovanje međunarodnih sportskih pravila)

Kantonalni sportski savezi i svi njihovi članovi u određenoj grani sporta obavezni su u obavljanju svojih sportskih aktivnosti i djelatnosti pridržavati se međunarodnih sportskih pravila utvrđenih za određenu granu sporta.

Član 14.

(Stručnost u radu)

Sportski sistem Kantona zasniva se na načelu stručnosti u radu, koja uključuje primjenu specijalizovanog znanja, vještina, iskustva i profesionalnih standarda u cilju postizanja optimalnih sportskih rezultata. Ova stručnost obuhvata kvalitetno planiranje, izvođenje i evaluaciju sportskih aktivnosti, korištenje najboljih praksi, stalno usavršavanje, kao i odgovorno, etičko i profesionalno postupanje. Poseban fokus je na maksimalnoj zaštiti sportista i prilagodenom pristupu djeci i omladini, uključujući posebno osmišljene programe za njihov siguran i učinkovit razvoj.

Član 15.
(Ostvarivanje prava)

Sportska organizacija i sportista ostvaruju svoja sportska prava i obaveze putem sportskog granskog saveza Kantona, a u skladu sa svojim statutom, odredbama ovog zakona i međunarodnim sportskim pravilima.

Član 16.
(Međunarodna zastupljenost)

Kantonalni sportski savezi ostvaruju svoja prava i obaveze u međunarodnim sportskim savezima samostalno ili preko sportskih saveza na nivou Federacije Bosne i Hercegovine ili Ministarstva civilnih poslova Bosne i Hercegovine (države BiH i njenih organa, tijela i institucija) i Olimpijskog komiteta Bosne i Hercegovine i Paraolimpijskog komiteta Bosne i Hercegovine, a u skladu sa Zajedničkom izjavom iz Lozane o organizovanju sporta u Bosni i Hercegovini.

Član 17.
(Oblast odnosa koji se uređuju Zakonom)

Prava i obaveze utvrđene ovim zakonom primjenjuju se na sve organizacije u oblasti sporta koje imaju svoje sjedište na teritoriji Kantona i na svako obavljanje djelatnosti i aktivnosti na teritoriji Kantona.

Član 18.
(Shodna primjena zakona)

(1) Na pitanja koja nisu uređena ovim zakonom shodno se primjenjuju propisi kojima je uređena oblast obligacionih odnosa, oblast rada, privrednih društava, javnih preduzeća, udruženja i fondacija i posebnog registra lica pravosnažno osuđenih za krivična djela seksualne zloupotrebe i iskorištavanja djece i omladine, druga krivična djela zbog kojih je zabranjeno obavljanje funkcija, djelatnosti i aktivnosti u oblasti sporta.

(2) Na sva ostala pitanja koja nisu uređena ovim zakonom primjenjuje se Zakon o sportu u Bosni i Hercegovini ("Službeni glasnik BiH", br. 27/08, 102/09 i 66/16).

Član 19.
(Decentralizacija)

(1) Sport u Kantonu Sarajevo organizuje se na decentralizovan način sa utvrđenim pravima, obavezama i nadležnostima Kantona i jedinica lokalne samouprave na području Kantona.

(2) U skladu sa Ustavom Kantona, te ovim zakonom, regulišu se i pitanja iz oblasti sporta koja nisu regulisana Zakonom o sportu u Bosni i Hercegovini.

Član 20.
(Autonomnost)

Sportske organizacije i drugi oblici sportskog organizovanja u Kantonu samostalni su u uređivanju svojih unutrašnjih odnosa i samostalno donose sportska pravila, u skladu sa ovim zakonom i međunarodnim sportskim pravilima.

JAVNI INTERES I CILJEVI U SPORTU

Član 21.

(Javni interes i ciljevi u sportu)

- (1) Sport u Kantonu je djelatnost od javnog interesa za Kanton i jedinice lokalne samouprave na području Kantona.
- (2) Javni interes sporta za Kanton i jedinice lokalne samouprave na području Kantona utvrđen je zbog njegovog neposrednog i posrednog uticaja na zdravlje i zdravstveni sistem, privredno-ekonomski razvoj, kulturni i socijalni ambijent i ukupan razvoj društva na temeljima općeprihvaćenih civilizacijskih dostignuća na dobrobit svih građana.
- (3) Javni interes i ciljevi u sportu Kantona su:
 - a) podsticanje sistematskog i organizovanog bavljenja sportom u slobodnom vremenu.
 - b) sistemsko stvaranje uslova za ostvarivanje vrhunskih sportskih rezultata.
 - c) organizacija sistema takmičenja u skladu sa pravilima međunarodnih sportskih organizacija (asocijacija),
 - d) sport i sportska rekreacija za lica sa invaliditetom,
 - e) školski i studentski (univerzitetski) sport.

(1) Kanton i jedinice lokalne samouprave na području Kantona ostvaruju javni interes u sportu i tako što planiraju, finansiraju ili sufinansiraju gradnju i kontrolišu namjensko korištenje javnih sportskih objekata od kantonalnog odnosno značaja za jedinice lokalne samouprave u sastavu Kantona i namjensku upotrebu novčanih sredstava.

(2) Javni interes društvene zajednice u oblasti sporta obezbjeđuju i provode nadležni organi Kantona i jedinice lokalne samouprave na području Kantona.

(3) Za ostvarivanje javnog interesa u oblasti sporta, u skladu sa godišnjim programom razvoja sporta Kantona i Grada i općine, iz javnih sredstava se podstiče ostvarivanje sljedećih ciljeva:

- a) prvi zdravstveni pregled prije izbora sportske aktivnosti, naročito djece i rekreativaca,
- b) sportsko obrazovanje i osposobljavanje djece, omladine i odraslih usmjereno ka kvalitetnom i vrhunskom rezultatu u sportu odnosno vrhunskom sportu,
- c) sportska takmičenja, priredbe i manifestacije lica sa invaliditetom,
- d) kvalitetni sport,
- e) vrhunski (značajni) sport,
- f) preventivne sistematske i specifične selektivne zdravstvene preglede u djelatnosti kvalitetnog i vrhunskog sporta,
- g) sportska rekreacija, sport za sve, razvojni sport,
- h) obrazovanje i specijalistička obuka stručnih lica osposobljenih za rad u sportu,
- i) finansiranje i sufinansiranje izgradnje i održavanje javnih sportskih objekata,
- j) aktivnosti pravnih i fizičkih lica u sportu i djelatnost sportskih organizacija (saveza i klubova, te udruženja u oblasti sporta),
- k) javno informisanje o sportu,
- l) izdavačka djelatnost,
- m) promotivne aktivnosti i savjetovanja u sportu,
- n) eksperimentalni programi u sportu,
- o) obavljanje stručnog nadzora u sportu,
- p) nagrađivanje u sportu i
- r) međunarodne, nacionalne i entitetske aktivnosti u sportu.

Član 22.

(Potrebe i interesi građana u oblasti sporta u jedinici lokalne samouprave)

Potrebe i interesi građana za čije se ostvarivanje obezbjeđuju sredstva u budžetu jedinice lokalne samouprave, u skladu sa ovim zakonom su:

- a) podsticanje i stvaranje uslova za unapređenje sporta za sve, odnosno bavljenja građana sportom, posebno djece, omladine, žena i lica sa invaliditetom,

- b) izgradnja, održavanje i opremanje sportskih objekata na teritoriji jedinice lokalne samouprave, a posebno javnih sportskih terena u stambenim naseljima, ili u njihovoj blizini i školskih sportskih objekata, i nabavka sportske opreme i rekvizita,
- c) organizacija sportskih takmičenja od posebnog značaja za jedinicu lokalne samouprave,
- d) sportski razvoj talentovanih sportista i unapređenje kvaliteta stručnog rada sa njima,
- e) učešće sportskih organizacija sa teritorije jedinice lokalne samouprave na međunarodnim takmičenjima,
- f) školski i studentski (univerzitetski) sport,
- g) djelatnost organizacija u oblasti sporta čiji je osnivač ili član jedinica lokalne samouprave,
- h) aktivnosti sportskih organizacija, sportskih društava, udruženja, općinskih i gradskih sportskih saveza na teritoriji jedinice lokalne samouprave od posebnog značaja za jedinicu lokalne samouprave,
- i) unapređenje zaštite zdravlja sportista i obezbjeđivanje adekvatne sportsko-zdravstvene edukacije sportista, posebno mladih, uključujući i antidoping edukaciju,
- j) stipendiranje za sportsko osposobljavanje ili usavršavanje kategorisanih sportista, posebno perspektivnih sportista,
- k) sprečavanje negativnih pojava u sportu,
- l) sprečavanje svih oblika nasilja nad djecom u sportu,
- m) unapređenje naučnoistraživačkog rada u sportu,
- n) namjensko korištenje sportskih sala i sportskih objekata,
- o) nagrade i priznanja za postignute sportske rezultate i doprinos razvoju sporta.

Član 23.

(Ostvarivanje javnog interesa i cilja Kantona u sportu)

Kanton ostvaruje javni interes u sportu tako što:

- a) obezbjeđuje sredstva za ostvarivanje programa u oblasti sporta Kantona,
- b) podstiče i obezbjeđuje uslove za obavljanje i razvoj sportskih djelatnosti Kantona,
- c) planira, sufinansira izgradnju i kontroliše namjensko korištenje javnih sportskih objekata od kantonalnog značaja;
- d) obezbjeđuje podršku obrazovnim programima i programima za osposobljavanje relevantnih aktera u sportskom sistemu Kantona.

Član 24.

(Ostvarivanje javnog interesa i cilja jedinice lokalne samouprave u sportu)

Grad/općina ostvaruje javni interes u sportu stvaranjem uslova za zadovoljavanje lokalnih potreba građana u oblasti sporta i sportske rekreacije tako što:

- a) programira i planira razvoj sporta i sportske rekreacije na području Grada/općine,
- b) obezbjeđuje sredstva za ostvarivanje godišnjeg programa razvoja sporta Grada/općine,
- c) podstiče i obezbjeđuje uslove za odvijanje i razvoj sporta na području Grada/općine,
- d) planira, izgrađuje, održava i kontroliše namjensko korištenje javnih objekata za sport i sportsku rekreaciju na području Grada/općine.

Član 25.

(Sadržaj Strategije razvoja sporta Kantona)

Strategijom razvoja sporta Kantona (u daljem tekstu: Strategija) se utvrđuju:

- a) osnovna polazišta i pravci razvoja sporta,
- b) sadržaj i obim sportskih djelatnosti koji se finansiraju, odnosno sufinansiraju iz budžeta Kantona i budžeta jedinica lokalne samouprave na području Kantona,
- c) razvojni i stručni zadaci u sportu,

- d) okvirni kriteriji za vrednovanja programa i njihovog finansiranja u sportu,
- e) nosioci razvoja i mjere kontrole njegove realizacije.

Član 26.

(Utvrdjivanje Strategije i programa razvoja)

- (1) Da bi se ostvario javni interes i ciljevi u sportu u Kantonu, utvrđuje se Strategija.
- (2) Strategija se donosi za period osam godina, odnosno dva olimpijska ciklusa.
- (3) Na osnovu Strategije donose se programi razvoja sporta.

Član 27.

(Strategija razvoja sporta Kantona - Sadržaj Strategije)

- (1) Strategiju donosi Skupština Kantona Sarajevo (u daljem tekstu: Skupština), za period osam godina, odnosno dva olimpijska ciklusa, na prijedlog Vlade Kantona Sarajevo (u daljem tekstu: Vlada).
- (2) Strategijom se utvrđuju:
 - a) stanje u oblasti sporta koje postoji u trenutku donošenja Strategije,
 - b) osnovni principi na kojima se zasniva razvoj sporta u Kantonu,
 - c) kratkoročni, periodični i dugoročni sportsko-razvojni ciljevi u periodu za koji se donosi, kao i nosioci realizacije tih ciljeva,
 - d) sadržina, obim i procijenjena vrijednost aktivnosti na realizovanju postavljenih sportsko-razvojnih ciljeva,
 - e) obaveze i zadaci nosilaca javne vlasti svih nivoa i nosilaca sportskih programa na realizaciji postavljenih sportsko-razvojnih ciljeva,
 - f) program izgradnje sportskih objekata i terena od posebnog značaja za Kanton.
- (1) Sredstva za realizaciju Strategije obezbjeđuju se u budžetu Kantona i u budžetu jedinica lokalne samouprave.
- (2) Jedinica lokalne samouprave, u roku od šest mjeseci od usvajanja Strategije, utvrđuje program razvoja sporta na svojoj teritoriji, u skladu sa Strategijom.
- (3) Strategija obuhvata i:
 - a) osnovna polazišta i pravci razvoja aktivnosti pri čemu će se voditi računa o ravnopravnosti spolova, kao i osiguranju učešća svih lica i grupa bez obzira na rasu, boju kože, nacionalnu ili etničku pripadnost, socijalni status, vjersko, političko ili drugo uvjerenje, invaliditet, zdravstveni status, dob, spol, rod, seksualnu orijentaciju, rodni identitet ili bilo koje drugo lično svojstvo,
 - b) sadržaj i obim sportskih djelatnosti koji se finansiraju, odnosno sufinansiraju iz budžeta Kantona i ostalih nivoa administrativnog organizovanja u Kantonu,
 - c) razvojne i stručne zadatke u sportu,
 - d) okvirne kriterijume za vrednovanje programa i njihovo finansiranje u sportu,
 - e) nosioce razvoja i mjere kontrole njegove realizacije.

Član 28.

(Validnost Strategije i Program razvoja sporta)

Strategiju i Program razvoja sporta u Kantonu usvaja Skupština na prijedlog Vlade i Ministarstva.

Član 29.

(Strategije i programi razvoja na nižim nivoima vlasti)

U skladu sa Strategijom, ovim zakonom i drugim zakonskim propisima jedinice lokalne samouprave donose svoje strategije i programe razvoja sporta.

Član 30.

(Godišnji programi razvoja sporta)

- (1) Na osnovu Strategije, donose se godišnji programi razvoja sporta Kantona i jedinica lokalne samouprave na području Kantona.

- (2) Godišnji program razvoja sporta Kantona za tekuću kalendarsku godinu donosi Vlada na prijedlog Ministarstva.
- (3) Godišnji program razvoja sporta jedinica lokalne samouprave u Kantonu za tekuću kalendarsku godinu donosi gradonačelnik i općinski načelnik.
- (4) Godišnji programi razvoja sporta iz st. (2) i (3) ovog člana za tekuću godinu donose se najkasnije do 01. marta tekuće godine.

Član 31.

(Sadržaj godišnjeg programa razvoja sporta Kantona)

Godišnjim programom razvoja sporta Kantona utvrđuju se naročito:

- a) načela i ciljevi politike u oblasti sporta na području Kantona.
- b) sadržaj i obim posebnih oblika sportskih aktivnosti, koje se finansiraju ili sufinansiraju iz javnih sredstava kao što su sportski odgoj i obrazovanje, sportska rekreacija, sport za sve i razvojni sport, vrhunski sport, kvalitetni sport, sportske aktivnosti učenika i studenata i sport lica sa invaliditetom.
- c) kriteriji za finansiranje godišnjeg programa razvoja sporta Kantona.
- d) razvojni i stručni poslovi u sportu.
- e) odgovarajuća medicinska zaštita i praćenje psihosomatskog statusa sportista i sportskih rekreativaca.
- f) organizovanje sporta i kantonalnih sportskih takmičenja i
- g) subjekti, način i rokovi za realizaciju godišnjeg programa razvoja sporta Kantona.

Član 32.

(Godišnji program razvoja sporta jedinica lokalne samouprave /Grada i općine/ u Kantonu)

Godišnjim programom razvoja sporta jedinice lokalne samouprave (Grada i općine) na području Kantona utvrđuju se naročito:

- a) osnovna pitanja i usmjerenja u oblasti sporta na području Grada/općine.
- b) sadržaj i obim posebnih sportskih aktivnosti, koje se finansiraju iz javnih sredstava Grada/općine.
- c) kriteriji za finansiranje godišnjeg programa razvoja sporta Grada/općine.
- d) organizovanje sporta Grada/općine i gradskih/općinskih sportskih takmičenja te
- e) subjekti, način i rokovi za realizaciju godišnjeg programa razvoja sporta Grada/općine.

Član 33.

(Vijeće za razvoj sporta Kantona)

(1) Vijeće za razvoj sporta Kantona (u daljem tekstu: Vijeće) broji devet (9) članova i predstavlja savjetodavno tijelo Vlade, koje se brine za razvoj i kvalitet sporta na nivou Kantona.

(2) Vijeće je nadležno za:

- a) davanje mišljenja o Strategiji,
- b) davanje mišljenja o godišnjem programu razvoja sporta Kantona.
- c) davanje mišljenja o godišnjim planovima i finansijskim potrebama sporta za narednu godinu najkasnije do 30. septembra tekuće godine.
- d) raspravu o pitanjima značajnim za sport, te predlaganje i podsticanje donošenja mjera za unapređenje sporta,
- e) predlaganje prioriternih projekata, elaborata i studija za njihovo finansiranje u sistemu javnih potreba u sportu,
- f) analizu stanja sporta sa prijedlogom i podsticajima za donošenje mjera za unapređenje sporta,
- g) davanje mišljenja i preporuka za nacрте i prijedloge propisa koji se odnose na sport,
- h) pripremu dokumentacione podloge za izradu godišnjeg programa razvoja sporta Kantona;

- i) obavljanje i drugih poslova utvrđenih ovim zakonom i drugim propisima.

Član 34.

(Imenovanje i sastav Vijeća)

- (1) Vijeće se sastoji od devet (9) članova koje imenuje i razrješava Vlada, na prijedlog ministra kulture i sporta Kantona Sarajevo (u daljem tekstu: Ministar), u skladu sa Zakonom o ministarskim, vladinim, i drugim imenovanjima Federacije Bosne i Hercegovine.
- (2) Ministar će detaljno definisati sastav Vijeća, način izbora, period mandata, kriterijume za izbor, zastupljenost spolova, pravo na naknadu i druge relevantne aspekte rada Vijeća kroz poseban Pravilnik.
- (3) Vijeće ima ulogu savjetodavnog tijela i podnosi godišnji izvještaj o svom radu Ministarstvu i Vladi.
- (4) Vijeće može biti razriješeno prije isteka perioda na koji je imenovano, ako se utvrdi da je rad Vijeća neuspješan u realizaciji poslova propisanih ovim zakonom.

DIO DRUGI – ORGANIZOVANJE SPORTA

Član 35.

(Sportska djelatnost i aktivnost)

- (1) Sportsku djelatnost i aktivnost predstavlja svaki oblik fizičke i mentalne aktivnosti koja doprinosi unapređenju i poboljšanju psihofizičkog razvoja učesnika u sportu i postizanju što boljih rezultata na sportskim takmičenjima.
- (2) Mišljenje da li neka djelatnost i aktivnost spada u sportsku u određenoj grani sporta daje Ministarstvo u skladu sa ovim zakonom, uvažavajući pravila međunarodnih sportskih asocijacija.

Član 36.

(Nosioци sportskih aktivnosti)

Nosioци sportskih aktivnosti u Kantonu Sarajevo su pravna i fizička lica registrovana da obavljaju sportske aktivnosti u skladu sa ovim zakonom. Zakonom o udruženjima i fondacijama Bosne i Hercegovine ("Službeni glasnik Bosne i Hercegovine", br. 32/01, 42/03, 63/08, 76/11 i 96/16), Zakonom o udruženjima i fondacijama Federacije Bosne i Hercegovine ("Službene novine Federacije Bosne i Hercegovine", broj 45/02), Zakonom o sportu u Bosni i Hercegovini, Zakonom o privrednim društvima ("Službene novine Federacije Bosne i Hercegovine", br. 81/15 i 75/21) i Zakonom o javnim preduzećima u Federaciji Bosne i Hercegovine ("Službene novine Federacije Bosne i Hercegovine", br. 8/05, 81/08, 22/09 i 109/12) kao i Zakonom o ustanovama ("Službeni list RBiH, br. 6/92, 8/93 i 13/94), te ostalim propisima koji regulišu rad institucija.

Član 37.

(Upis u registar)

- (1) Pravna i fizička lica u oblasti sporta upisuju se u posebne registre u skladu sa ovim zakonom, zakonima Federacije Bosne i Hercegovine, države Bosne i Hercegovine i drugih nivoa administrativnog organizovanja u Bosni i Hercegovini.
- (2) Pravilnik o vođenju registra pravnih lica u oblasti sporta na nivou Kantona i Pravilnik o vođenju registra fizičkih lica u oblasti sporta na nivou Kantona donosi Ministar u skladu sa pravilnikom o vođenju registra pravnih i fizičkih lica u oblasti sporta na nivou Bosne i Hercegovine kojeg donosi ministar civilnih poslova BiH.
- (3) Pored upisa pravnih lica u sudski, odnosno registar udruženja u Ministarstvu pravde i uprave Kantona, i fizička i pravna lica u oblasti sporta se upisuju u Registar fizičkih i Registar pravnih lica u oblasti sporta (u daljem tekstu: Registar) koji vodi Ministarstvo.

- (4) Rješenje o upisu u Registar donosi ministar.

Član 38.

(Uslovi za obavljanje sportskih djelatnosti i sportskih aktivnosti)

- (1) Sportska organizacija može obavljati sportske djelatnosti i sportske aktivnosti ako, pored uslova propisanih sportskim pravilima, ima i:
- a) učlanjene ili ugovorom angažovane sportiste,
 - b) angažovane sportske stručnjake u zavisnosti od vrste djelatnosti,
 - c) obezbjeđen odgovarajući prostor, odnosno sportske objekte i sportsku opremu i
 - d) odgovarajuću unutrašnju organizaciju.
- (1) Riječ "klub" može biti korišćena samo u nazivu sportske organizacije koja učestvuje u takmičenjima u okviru nadležnog sportskog saveza.
- (2) Ukoliko sportska organizacija nije učlanjena u kantonalni sportski savez, uslovi iz stava (1) ovog člana određuju se prema sportskim pravilima kantonalnog sportskog saveza.
- (3) Ministar donosi pravilnik o postupku utvrđivanja ispunjenosti uslova za oblast sportskih djelatnosti i aktivnosti iz stava (1) ovog člana.
- (4) Za obavljanje poslova iz st. (1) i (2) ovog člana Sportski savez lica sa invaliditetom Kantona sufinansira se iz sredstava predviđenih za tjelesnu kulturu i sport u budžetu Kantona.

POGLAVLJE I.

PRAVNA LICA U OBLASTI SPORTA

Član 39.

(Pravna lica)

Pravna lica u oblasti sporta u smislu ovog zakona, a koja se bave sportskom djelatnošću (u daljem tekstu: sportske organizacije) su:

- a) sportski klub (amaterski i profesionalni) u određenom/pojedinom sportu,
- b) sportsko društvo određenih sportova,
- c) sportski savez Kantona Sarajevo,
- d) sportski savez u određenom/pojedinom sportu (granski sportski savez),
- e) sportski klub lica sa invaliditetom (amaterski i profesionalni) u određenom/pojedinom sportu,
- f) sportsko društvo lica sa invaliditetom određenih sportova,
- g) sportski savez lica sa invaliditetom u određenom sportu (granski sportski savez lica sa invaliditetom),
- h) udruženje sportske rekreacije,
- i) savez udruženja sportske rekreacije,
- j) javna ustanova u oblasti sporta,
- k) privredno društvo i javno preduzeće u oblasti sporta,
- l) školsko sportsko društvo grada/općine,
- m) školski sportski savez Kantona,
- n) studentski/univerzitetski sportski klub,
- o) studentsko/univerzitetsko sportsko društvo,
- p) studentski/univerzitetski sportski savez Kantona,
- r) institucije u oblasti sporta,
- s) udruženje stručnih lica osposobljenih za rad u sportu i
- t) druga udruženja koja se prema svojim registrovanim djelatnostima bave sportom.

Član 40.

(Sportska organizacija)

Radi obavljanja sportskih aktivnosti i sportskih djelatnosti, sportska organizacija se može osnovati kao udruženje ili kao privredno društvo.

Član 41.

(Sticanje svojstva pravnog lica)

Sportska udruženja stiču svojstvo pravnog lica upisom u registar koji vodi nadležni organ u skladu sa Zakonom o udruženjima i fondacijama Bosne i Hercegovine na nivou Bosne i Hercegovine, odnosno entiteta i drugih nivoa administrativnog organizovanja u Bosni i Hercegovini, u sjedištu organizacija.

Član 42.

(Skupština udruženja)

Pravna lica koja su u smislu ovog zakona registrovana kao udruženje u oblasti sporta, osim osnivačkog akta i statuta, moraju imati skupštinu kao najviši organ udruženja.

Član 43.

(Organizacioni dijelovi sportskog udruženja)

- (1) Sportsko udruženje može formirati jedan ili više organizacionih dijelova, sekcija, podružnica i sličan oblik organizovanja.
- (2) Organizacioni dio sportskog udruženja nema svojstvo pravnog lica.
- (3) Organizacioni dio ima mjesto obavljanja aktivnosti i djelatnosti i zastupnika, a poslove sa trećim licima obavlja u ime i za račun sportskog udruženja.

Član 44.

(Osnivači sportskog udruženja)

Sportsko udruženje mogu osnovati najmanje tri fizička koja su državljani Bosne i Hercegovine, odnosno tri pravna lica ili stranci koji su stalno nastanjeni ili borave duže od jedne godine na teritoriji Federacije sami ili zajedno s građanima Federacije u skladu sa zakonima koji regulišu osnivanje i registraciju udruženja.

Član 45.

(Osnivanje sportskog udruženja)

- (1) Sportsko udruženje se osniva na osnivačkoj skupštini, usvajanjem i potpisivanjem osnivačkog akta i statuta.
- (2) Osnivački akt sportskog udruženja sačinjava se u pisanoj formi i obavezno sadrži:
 - a) lična imena, odnosno nazive osnivača i njihove adrese, odnosno sjedišta,
 - b) osnovne ciljeve sportskog udruženja,
 - c) naziv i sjedište sportskog udruženja,
 - d) lično ime i adresu lica ovlaštenog za zastupanje i predstavljanje sportskog udruženja,
 - e) potpise osnivača i
 - f) datum usvajanja.

Član 46.

(Članstvo u sportskom udruženju)

- (1) Članovi sportskog udruženja su osnivači i lica koja naknadno pristupe sportskom udruženju u skladu sa statutom.
- (2) Svako lice može pod jednakim uslovima utvrđenim statutom da postane član sportskog udruženja.

- (3) Statutom sportskog udruženja mogu se utvrditi kriterijumi, uslovi i postupak sticanja i gubitka posebnih prava pojedinih članova u upravljanju udruženjem, srazmjerno doprinosu u radu udruženja, za vrijeme dok taj poseban doprinos traje.
- (4) Sportsko udruženje može imati različite kategorije članova, sa različitim pravima i obavezama, s tim da članovi iste kategorije moraju imati ista prava i obaveze, u skladu sa statutom.
- (5) Izjavu o pristupanju, odnosno učlanjenju u sportsko udruženje dijete daje uz saglasnost roditelja, usvojitelja ili staratelja, u pisanoj formi.
- (6) Sportski savez utvrđuje formu i načine davanja pismene saglasnosti iz stava (5) ovog člana.
- (7) Sportsko udruženje vodi knjigu članova, uključujući i podatke o njihovom pravu upravljanja udruženjem.

Član 47.

(Istupanje iz sportskog udruženja)

- (1) Članovi sportskog udruženja imaju pravo da u svako doba istupe iz udruženja.
- (2) Izuzetno od stava (1) ovog člana, sportskim pravilima nadležnog kantonalnog sportskog saveza može se propisati da je istupanje sportiste takmičara dozvoljeno samo po isteku određenog otkaznog roka, s tim da otkazni rok u sportskim granama ili granama sporta u kojima pravila predviđaju prelazni rok može da traje do početka prvog narednog prelaznog roka, a u ostalim sportskim granama ili granama sporta najviše šest mjeseci.
- (3) Sportista ne može da istupi iz sportskog udruženja u slučaju kada se ugovorom obavezao da ostaje član do određenog roka, osim ako je sporazumno, odlukom nadležnog suda ili sportske arbitraže odlučeno drugačije.
- (4) Članstvo u sportskom udruženju ne može se prenositi, niti naslijediti.

Član 48.

(Isključivanje iz sportskog udruženja i disciplinski postupak)

- (1) Član sportskog udruženja može biti isključen iz sportskog udruženja iz opravdanih razloga i po postupku utvrđenim statutom.
- (2) Opštim aktima sportskog udruženja mora biti obezbijedeno pravo na žalbu na odluku organa upravljanja udruženja kojom je odlučivano o pravima i obavezama članova udruženja, osim ako je za donošenje odluke nadležna sportska arbitraža u skladu sa ovim zakonom.
- (3) Članu sportske organizacije mogu se izreći disciplinske mjere i sankcije u skladu sa zakonom, sportskim pravilima i opštim aktima sportske organizacije, s tim da mu ne može biti izrečena sankcija za disciplinski prekršaj koji, prije nego što je učinjen, nije bio opštim aktom sportske organizacije, odnosno disciplinskim pravilnikom utvrđen kao disciplinski prekršaj i za koji nije bila propisana kazna, ako zakonom nije drugačije propisano.
- (4) Član sportskog udruženja ima u disciplinskom postupku pravo na:
 - a) vođenje postupka bez odugovlačenja i sa što manje troškova,
 - b) nezavisnost,
 - c) stručnost i nepristrasnost organa koji odlučuje o odgovornosti,
 - d) branioca o ličnom trošku,
 - e) izjašnjenje i izvođenje dokaza,
 - f) obrazloženu odluku, u pisanoj formi,
 - g) žalbu.

Član 49.

(Organi upravljanja sportskim udruženjem)

- (1) Sportsko udruženje sa više od 20 članova u seniorskoj konkurenciji ima organe upravljanja, izabrane od skupštine udruženja, na način određen statutom.
- (2) Organ upravljanja sportskog udruženja je upravni odbor.

- (3) Lice ovlašteno za zastupanje i predstavljanje sportskog udruženja je član organa upravljanja sportskog udruženja.
- (4) Odluke organa upravljanja sportskog udruženja donose se većinom glasova od ukupnog broja članova organa upravljanja, a može se propisati i kvalifikovana većina za određene odluke od posebnog interesa za sportsko udruženje.

Član 50.

(Skupština sportskog udruženja)

- (1) Skupština je najviši organ sportskog udruženja i čine je, ako statutom nije drugačije određeno, svi članovi sportskog udruženja, sa jednakim pravom glasa.
- (2) Skupština sportskog udruženja se saziva najmanje jednom godišnje.
- (3) Mandat članova skupštine traje do pet godina.
- (4) Skupština sportskog udruženja odlučuje o:
 - a) donošenju statuta sportskog udruženja, njegove izmjene i dopune i druge akte određene statutom sportskog udruženja,
 - b) usvajanju finansijskog izvještaja,
 - c) statusnim promjenama i promjenama pravnog oblika sportskog udruženja,
 - d) prestanku rada sportskog udruženja,
 - e) davanju saglasnosti na pravne radnje preduzete u ime sportskog udruženja prije njegovog upisa u registar kod nadležnog organa za registraciju odnosno kantonalnog organa uprave nadležnog za upravu (u daljem tekstu: Ministarstvo pravde i uprave Kantona Sarajevo),
 - f) biranju i razrješavanju dužnosti članove organa upravljanja i lica ovlaštena za zastupanje i predstavljanje,
 - g) utvrđivanju godišnjeg plana i programa rada sa finansijskim planom,
 - h) potvrđivanju godišnjih finansijskih izvještaja i izvještaja o radu koji sačinjavaju organi upravljanja ili ovlašteno lice,
 - i) drugim pitanjima utvrđenim zakonom i statutom sportskog udruženja.
- (1) Sportsko udruženje mora dostavljati statusne izmjene nadležnim organima u kojim se vode sudski i sportski registri.
- (2) Odluka skupštine o promjeni statuta, statusnim promjenama i prestanku rada sportskog udruženja donosi se većinom glasova od ukupnog broja članova skupštine, ako statutom nije utvrđeno da je za donošenje odluke potreban veći broj glasova.

Član 51.

(Vanredna sjednica skupštine sportskog udruženja)

- (1) Sazivanje vanredne sjednice skupštine sportskog udruženja može tražiti najmanje jedna polovina članova skupštine.
- (2) Zahtjev za sazivanje vanredne sjednice skupštine dostavlja se predsjedniku skupštine, u pisanoj formi, sa potpisima članova koji čine najmanje polovinu broja članova skupštine.
- (3) Uz zahtjev za sazivanje vanredne sjednice, dostavlja se prijedlog dnevnog reda.
- (4) Vanredna sjednica se saziva najkasnije u roku od 30 dana od dana podnošenja zahtjeva.
- (5) Ukoliko predsjednik skupštine ne sazove vanrednu sjednicu skupštine, to mogu učiniti podnosioci zahtjeva.
- (6) O statusnim promjenama usvojenim na vanrednoj sjednici podaci se dostavljaju nadležnom organu za registar odnosno nadležnom organu za registraciju, hitno i bez odlaganja, a najkasnije u roku od 15 dana od dana usvojenih promjena.

Član 52.

(Zastupanje i predstavljanje sportskog udruženja)

- (1) Sportsko udruženje ima lice ovlašteno za zastupanje i predstavljanje sportskog udruženja (u daljem tekstu: ovlašteno lice), izabrano, odnosno imenovano na način utvrđen statutom.

(2) Ovlašteno lice odgovara za zakonitost rada sportskog udruženja, organizuje i vodi aktivnosti i poslovanje sportskog udruženja, brine se o urednom vođenju propisanih evidencija i poslovnih knjiga, sprovodi odluke organa upravljanja sportskog udruženja.

Član 53.

(Informisanje o radu sportskog udruženja)

Ovlašteno lice je dužno da informiše skupštinu i organe upravljanja sportskog udruženja o aktivnostima i djelatnostima sportskog udruženja i njegovom finansijskom poslovanju, najmanje jednom godišnje.

Član 54.

(Nadzorni odbor sportskog udruženja)

- (1) Sportsko udruženje čija skupština prema odredbama statuta ima više od 20 članova ima nadzorni odbor.
- (2) Nadzorni odbor iz stava (1) ovog člana vrši kontrolu finansijskog poslovanja i godišnjeg završnog računa.
- (3) Članovi nadzornog odbora ne mogu biti članovi skupštine i organa upravljanja.
- (4) Sportsko udruženje može imati revizora sa nadzornim ovlaštenjima utvrđenim u skladu sa propisima o računovodstvu i reviziji.
- (5) Statutom se mogu odrediti i drugi organi sportskog udruženja.

Član 55.

(Sukob interesa)

- (1) Ovlašteno lice i član organa upravljanja sportskog udruženja dužni su da postupaju savjesno, pažljivo i lojalno prema sportskom udruženju i da poštuju druge dužnosti utvrđene ovim zakonom i opštim aktima sportskog udruženja.
- (2) Lica iz stava (1) ovog člana koja imaju lični interes ne smiju koristiti sportsko udruženje za lično bogaćenje, odnosno lične potrebe. Pod Ličnim interesom ovlaštenog lica ili člana organa upravljanja podrazumijeva se sticanje materijalne ili druge koristi korišćenjem svog položaja, za njega lično, i za njegovu porodicu, bliske rođake, prijatelje ili druga pravna i fizička lica sa kojima ostvaruje privatni, poslovni ili politički kontakt i saradnju.
- (3) Ovlašteno lice sportskog udruženja ne može biti direktno ili indirektno angažovano u drugoj konkurentskoj sportskoj organizaciji.
- (4) Lični interes u smislu stava (2) ovog člana postoji ako je član organa upravljanja sportskog udruženja, odnosno ovlašteno lice ili član njegove porodice:
 - a) ugovorna strana u pravnom poslu sa sportskim udruženjem,
 - b) vlasnik ili na drugi način u poslovnom odnosu sa licem iz pravnog posla ili radnje koje zaključuje ugovor sa sportskim udruženjem, ili koje ima finansijske interese u tom poslu ili radnji, po osnovu kojih se razumno može očekivati da utiču na postupanje člana organa upravljanja, odnosno ovlaštenog lica, suprotno interesu sportskog udruženja,
- (1) Pod članom porodice, u smislu ovog zakona, smatraju se:
 - a) njegov bračni drug, roditelji, brat ili sestra tog bračnog druga,
 - b) njegovo dijete, roditelji, brat, sestra, unuk ili bračni drug bilo koga od ovih lica,
 - c) njegov krvni srodnik u pravoj liniji i u pobočnoj liniji do drugog stepena srodstva,
 - d) usvojilac i usvojenik, srodnik po tazbini zaključno sa prvim stepenom i
 - e) druga lica koja sa tim licem žive u zajedničkom domaćinstvu.
- (6) Lica iz stava (5) ovog člana smatraju se povezanim licima u smislu ovog zakona (u daljem tekstu: povezana lica).
- (7) Pravni posao između ovlaštenog lica i sportskog udruženja može da se zaključi po odobrenju organa upravljanja sportskog udruženja ili drugog organa određenog statutom.
- (8) Ukoliko zbog povrede odredbi o zabrani sukoba interesa i konkurencije iz st. (2) i (3) ovog člana nastane šteta za sportsko udruženje, sportsko udruženje ima pravo na naknadu štete i

pravo da se poslovi koje je lice izvršilo za svoj račun na štetu sportskog udruženja priznaju kao poslovi izvršeni za račun sportskog udruženja radi namirenja nastale štete.

- (9) Statutom sportskog udruženja uređuje se zastupanje udruženja u slučaju sukoba interesa između sportskog udruženja i ovlaštenog lica.
- (10) Postojanje sukoba interesa u smislu ovog zakona utvrđuje komisija od tri člana koju imenuje Vijeće za sport iz reda svojih članova.
- (11) Vijeće za sport donosi pravila postupka utvrđivanja postojanja sukoba interesa u skladu sa ovim Zakonom.

Član 56.

(Izuzeci od prava glasanja)

Član organa upravljanja sportskog udruženja, odnosno ovlašteno lice nema pravo glasa na sjednici organa upravljanja sportskog udruženja kada se odlučuje o:

- a) pokretanju spora ili odustajanju od spora protiv njega.
- b) odobravanju poslova između njega i sportskog udruženja u slučaju sukoba interesa, odnosno postojanja ličnog interesa pri odlučivanju.
- c) njegovoj odgovornosti ili razrješenju.

Član 57.

(Naziv, sjedište, simboli i upotreba naziva sportskog udruženja)

- (1) Sportsko udruženje ima naziv i sjedište, a može imati i skraćeni naziv.
- (2) Sportsko udruženje može imati svoj znak, logotip i druge simbole u skladu sa statutom.
- (3) Naziv sportskog udruženja mora biti na jednom od jezika u službenoj upotrebi u Kantonu, a može biti i na stranom jeziku, odnosno može da sadrži i pojedine strane riječi, ako one čine ime, odnosno naziv osnivača i kao takve su uobičajene.
- (4) U istoj jedinici lokalne samouprave i pod istim imenom ne mogu se registrovati u jednoj sportskoj grani ili grani sporta dva sportska udruženja, izuzev ako se radi o ženskoj i muškoj kategoriji članstva.
- (5) Sjedište sportskog udruženja mora biti na teritoriji Kantona, s tim da se kao sjedište određuje ono mjesto iz kojeg se upravlja aktivnostima i djelatnostima udruženja.
- (6) U poslovnoj korespondenciji i javnom pismenom istupanju sportsko udruženje uz svoj naziv navodi i svoje sjedište.
- (7) Simboli vizuelnog identiteta sportskog udruženja moraju se jasno razlikovati od simbola drugih sportskih organizacija i ne smiju dovoditi u zabludu identitet i ciljeve sportskog udruženja.
- (8) Simboli vizuelnog identiteta sportskog udruženja ne mogu da sadrže simbole strane države ili međunarodne organizacije.
- (9) Naziv sportskog udruženja ne smije dovoditi u zabludu o tome o kakvoj se vrsti pravnog lica radi i ciljeve sportskog udruženja.
- (10) Iz naziva sportskog udruženja mora biti vidljivo da je to sportska organizacija.
- (11) Naziv sportskog udruženja može da sadrži službeni naziv Kantona, Bosne i Hercegovine, jedinice lokalne samouprave ili teritorijalne jedinice, uz prethodnu saglasnost nadležnog organa.

Član 58.

(Upis sportskog udruženja u registar)

- (1) Sportsko udruženje stiče svojstvo pravnog lica upisom u registar kod Ministarstva pravde i uprave Kantona Sarajevo.
- (2) Sportsko udruženje stiče pravo obavljanja sportskih aktivnosti i djelatnosti upisom u registar kod Ministarstva pravde i uprave Kantona Sarajevo, a nakon upisa u sportski registar kod Ministarstva.

- (3) Zahtjev za upis u sportski registar sportska organizacija podnosi najkasnije u roku od 30 dana od dana pravosnažnosti rješenja o upisu u registar kod nadležnog organa za registraciju.
- (4) Sportska Udruženja sa svih nivoa vlasti, čija su sjedišta i aktivnosti djelovanja na Kantonu Sarajevu, dužna su da se upišu u Sportski registar kod Ministarstva u roku od 90 dana od dana objave ovog Zakona u Službenim novinama Kantona Sarajevo, u suprotnom ne mogu se finansirati iz budžeta Kantona Sarajevo i gradskih i lokalnih samouprava.
- (5) Na osnovu zahtjeva iz stava (3) ovog člana, ministar donosi rješenje o upisu u sportski registar.
- (6) Nakon upisa u sportski registar, sportska organizacija stiče pravo na obavljanje sportskih aktivnosti i djelatnosti.
- (7) Zabranjen je rad organizaciji koja se bavi aktivnostima iz oblasti sporta, a nije upisana u sportski registar.

Član 59.

(Podaci koji se upisuju u registar kod nadležnog organa za registraciju)

U registar kod nadležnog organa za registraciju upisuje se osnivanje i prestanak rada sportskog udruženja, statusne promjene i promjene pravne forme sportskog udruženja, podaci o vođenju stečajnog postupka nad sportskim udruženjem, kao i drugi podaci utvrđeni aktom o registraciji i zakonom kojim se uređuje registracija udruženja i fondacija.

Član 60.

(Podaci koji se upisuju u sportski registar)

U sportski registar obavezno se upisuju sljedeći podaci o sportskom udruženju:

- a) naziv, sjedište i adresa.
- b) podaci o (pravnom i fizičkom licu) osnivaču,
- c) datum osnivanja.
- d) sportska grana ili grana sporta kojoj pripada.
- e) ime, prezime, datum i mjesto rođenja, prebivalište i funkcija lica ovlaštenog za zastupanje i predstavljanje.
- f) ciljevi udruživanja i osnivanja.
- g) naziv suda i broj pod kojim je udruženje upisano u sudski registar.

Član 61.

(Postupak upisa sportskog udruženja u sportski registar)

- (1) Sportsko udruženje podnosi zahtjev Ministarstvu za upis u sportski registar u obliku registracione prijave.
- (2) Uz registracionu prijavu sportsko udruženje prilaže:
 - a) dokaz o identitetu osnivača, foto-kopiju lične karte ili pasoša fizičkog lica, odnosno izvod iz registra u kome je registrovano pravno lice ili foto-kopija rješenja o upisu u nadležni registar.
 - b) osnivački akt sportskog udruženja,
 - c) statut sportskog udruženja.
 - d) rješenje nadležnog registarskog organa,
 - e) ovjeren potpis ovlaštenog lica,
 - f) saglasnost na naziv sportskog udruženja u slučajevima propisanim ovim zakonom.
 - g) spisak organa upravljanja sportskog udruženja,
 - h) zapisnik sa sjednice skupštine.
 - i) saglasnost kantonalnog sportskog saveza za upis u sportski registar.
- (1) Registracionu prijavu podnosi ovlašteno lice sportskog udruženja.
- (2) Registraciona prijava se podnosi Ministarstvu u jednom primjerku, u roku od 30 dana od dana pravosnažnosti rješenja nadležnog registarskog organa o upisu u registar kod nadležnog organa za registraciju.

(3) Sportsko udruženje je dužno da prijavi Ministarstvu svaku promjenu podataka koji se upisuju u sportski registar u roku od 30 dana od dana nastale promjene, odnosno izdavanja rješenja nadležnog registarskog organa o upisu promjena u registar kod nadležnog organa za registraciju.

(4) Ministar donosi Pravilnik o postupku upisa, sadržaju i načinu vođenja sportskog registra.

Član 62.

(Imovina sportskog udruženja)

(1) Imovinu sportskog udruženja čine:

- a) nepokretnosti upisane u javnim evidencijama kao svojina sportskog udruženja,
- b) dobrovoljni prilozi i pokloni koji imaju novčanu vrijednost,
- c) finansijska sredstva iz budžeta Kantona,
- d) subvencije,
- e) prihodi odnosno prava i obaveze proistekli iz ugovora zaključenih sa fizičkim pravnim licima,
- f) prihodi od kamata, dividendi, dobiti od kapitala, zakupnina, honorara i sličnih izvora pasivnog prihoda,
- g) prihodi od usluga, sponzora i drugih komercijalnih, marketinških, poslovnih i privrednih djelatnosti i aktivnosti,
- h) prihod stečen putem ostvarivanja ciljeva i aktivnosti sportskog udruženja, članarina,
- i) ostali prihodi.

(1) Sportsko udruženje raspolaže svojom imovinom u skladu sa statutom i zakonom.

(2) Imovina iz stava (1) ovog člana je svojina sportskog udruženja i ne može se dijeliti između članova udruženja.

Član 63.

(Poslovne knjige i finansijski izvještaji sportskog udruženja)

Sportsko udruženje obavezno vodi poslovne knjige i sastavlja finansijske izvještaje u skladu sa propisima kojima se uređuje oblast računovodstva i revizije.

Član 64.

(Korišćenje imovine sportskog udruženja)

(1) Imovina sportskog udruženja može da se koristi za ostvarivanje njegovih ciljeva definisanih statutom.

(2) Imovina sportskog udruženja ne može se dijeliti njegovim članovima.

(3) Neto dobit ostvarena obavljanjem djelatnosti sportskog udruženja koristi se isključivo za ostvarivanje ciljeva iz stava (1) ovog člana.

Član 65.

(Sticanje dobiti sportskog udruženja)

(1) Sportsko udruženje može da, radi pribavljanja sredstava potrebnih za ostvarivanje svojih statutarnih ciljeva i djelatnosti osnivati subjekte za privrednu i drugu djelatnost pod uslovima utvrđenim zakonom i statutom udruženja, te obavljati nesrodne privredne djelatnosti (privredne djelatnosti koje nisu neposredno povezane s ostvarivanjem osnovnih statutarnih ciljeva udruženja) samo preko posebno osnovanog pravnog lica.

(2) Dobit koju sportsko udruženje ostvari na način iz stava (1) ovog člana može se upotrijebiti samo za ostvarivanje osnovnih ciljeva i zadataka koji se utvrde statutom sportskog udruženja i ne može se dijeliti između osnivača i članova udruženja.

Član 66.

(Raspodjela imovine nakon prestanka rada sportskog udruženja)

- (1) Preostala imovina udruženja koje se briše iz registra nadležnog organa za registraciju raspoređuje se shodno odluci nadležnog organa udruženja, u skladu s odredbama statuta.
- (2) Izuzetno od stava (1) ovog člana, imovina udruženja koje je uživalo poreske, carinske i druge povlastice, ili koje je primilo budžetske donacije ili donacije od građana ili pravnih lica u ukupnom iznosu većem od 10.000,00 KM u prethodnoj ili tekućoj kalendarskoj godini, dodjeljuje se drugom udruženju registriranom na području Kantona koje obavlja istu ili sličnu statutarnu djelatnost.
- (3) Udruženja iz stava (1) i (2) ovog člana dužna su da dobijena sredstava ili imovinu upotrijebe za ostvarivanje sportskih ciljeva utvrđenih statutom udruženja.
- (4) Ukoliko nadležni organ udruženja ne donese odluku o raspodjeli imovine do dana brisanja iz registra, Ministarstvo će donijeti odluku o raspodjeli preostale imovine drugom udruženju registriranom na području Kantona koje obavlja istu ili sličnu statutarnu djelatnost.

Član 67.

(Prestanak rada sportskog udruženja)

- (1) Sportsko udruženje prestaje sa radom:
 - a) ako nadležni organ sportskog udruženja donese odluku o prestanku rada ili odluku o pripajanju, spajanju, podjeli, odvajanju i transformaciji,
 - b) ako se broj članova smanji ispod broja potrebnog za osnivanje, a skupština ne donese odluku u roku od tri mjeseca od dana nastupanja ove okolnosti,
 - c) ako skupština sportskog udruženja nije održana u dvije kalendarske godine uzastopno, odnosno ako je proteklo dvostruko više vremena od vremena utvrđenog statutom za održavanje skupštine sportskog udruženja,
 - d) ako mu je izrečena mjera zabrane obavljanja sportskih aktivnosti i djelatnosti zbog toga što ne ispunjava uslove za njihovo obavljanje, a u roku određenom u izrečenoj mjeri ne ispuni te uslove,
 - e) ako je pravosnažnom odlukom nadležnog suda utvrđeno da je registracija osnivanja sportskog udruženja bila ništavna,
 - f) ako mu je zabranjen rad,
 - g) u drugim slučajevima utvrđenim zakonom, osnivačkim aktom ili statutom sportskog udruženja koji su navedeni kao osnov za prestanak rada, i
 - h) stečajem.
- (1) Odredbe st. (1) tač. c) i d) ovog člana o prestanku rada sportskog udruženja se primjenjuju nakon sprovedenog inspeksijskog nadzora ovlaštenog organa.
- (2) Sportsko udruženje prestaje sa radom kada nadležni organ za upis u registar odnosno registraciju donese rješenje o prestanku njegovog rada.
- (3) Nadležni organ za upis u registar odnosno registraciju obavještava Ministarstvo o prestanku rada sportskog udruženja i brisanju iz registra nadležnog organa za registraciju.

Član 68.

(Stečajni postupak nad sportskim udruženjem)

- (1) Nad sportskim udruženjem koje je platežno nesposobno sprovodi se stečajni postupak, u skladu sa zakonom kojim se uređuje stečajni postupak.
- (2) Ako je nad sportskim udruženjem sproveden stečajni postupak, organ koji je taj postupak sproveo u roku od 15 dana od dana okončanja postupka dostavlja nadležnom sudu i nadležnom organu za upis odnosno registraciju dokaz o tome, nakon čega se, po službenoj dužnosti, sprovodi brisanje sportskog udruženja iz registra kod nadležnog organa za registraciju.

Član 69.

(Statusne promjene sportskog udruženja)

- (1) Statusne promjene sportskog udruženja su pripajanje, spajanje, podjela, odvajanje i transformacija.

(2) Statusnom promjenom sportsko udruženje prenosi cijelu svoju imovinu ili njen dio na jedno ili više postojećih ili novih sportskih udruženja, i privredno društvo, koja su njegovi pravni sljedbenici.

(3) U istoj statusnoj promjeni može da se kombinuje pripajanje, spajanje, podjela i odvajanje.

(4) Sportska udruženja koja učestvuju u ligaškim sportskim takmičenjima mogu vršiti statusne promjene ako se statusnom promjenom ne utiče na regularnost takmičenja i uz prethodnu saglasnost nadležnog kantonalnog sportskog saveza.

Član 70.

(Obaveza sačinjavanja finansijskog izvještaja)

Svako sportsko udruženje koje učestvuje u statusnoj promjeni sačinjava finansijski izvještaj prema stanju na dan statusne promjene, u skladu sa propisima o računovodstvu i reviziji.

Član 71.

(Pripajanje i spajanje sportskih udruženja)

(1) Pripajanjem se prenosi cijela imovina, uključujući sva prava i obaveze jednog sportskog udruženja, koje je pripojenik, na drugo sportsko udruženje koje je pripojilac, na osnovu ugovora o pripajanju.

(2) Spajanjem se osniva novo sportsko udruženje na koje se prenosi cijela imovina, uključujući sva prava i obaveze dva ili više sportskih udruženja koja se spajaju.

Član 72.

(Upis pripajanja sportskog udruženja u registar)

(1) U registar kod nadležnog organa za registraciju i sportski registar, pripajanjem jednog ili više sportskih udruženja drugom, upisuje se sjedište sportskog udruženja koje je pripojilac.

(2) Na upis pripajanja primjenjuju se odredbe ovog zakona i zakona kojim se uređuje oblast udruženja i fondacija.

(3) Upisom pripajanja u nadležne registre prestaju da postoje pripojena sportska udruženja.

(4) Upisom pripajanja zaposleni i članovi pripojenika postaju zaposleni i članovi pripojioaca.

Član 73.

(Prijava za upis pripajanja sportskog udruženja u sportski registar)

Uz prijavu za upis pripajanja u sportski registar, pored dokumentacije propisane ovim zakonom o upisu osnivanja sportskog udruženja, prilažu se i:

- a) odluke skupština sportskih udruženja koja učestvuju u pripajanju o prihvatanju zaključenja ugovora o pripajanju (u istovjetnom tekstu),
- b) ugovor o pripajanju,
- c) rješenje o upisu u sportski registar sportskih udruženja koja se pripajaju,
- d) oglas o namjeri pripajanja objavljen u sredstvima javnog informisanja koji izlazi na teritoriji Kantona, i
- e) saglasnost nadležnog kantonalnog sportskog saveza.

Član 74.

(Ugovor o pripajanju sportskog udruženja)

(1) Ugovor o pripajanju sadrži:

- a) nazive i sjedišta sportskih udruženja,
- b) odredbe u vezi sa prenosom sportske imovine i obaveza sportskog udruženja koje se pripaja tačan opis dijelova imovine i obaveza koji se prenose, pri čemu je dozvoljeno upućivanje na posebne isprave,
- c) odredbe o pravima članova sportskog udruženja koje se pripaja.

(1) Povjerioci sportskih udruženja koja učestvuju u pripajanju mogu, u roku od 30 dana od dana objavljivanja oglasa o pokretanju postupka pripajanja, zahtijevati obezbjeđenje svojih potraživanja ili njihovu isplatu.

(2) Obezbjedenjem povjerilaca iz stava (2) ovog člana smatra se izjava zastupnika sportskih udruženja koja učestvuju u pripajanju da će se imovinom tih sportskih udruženja upravljati odvojeno, do namirenja povjerilaca svakog sportskog udruženja posebno, u protivnom, nadležni sud može poništiti pripajanje na zahtjev povjerilaca.

Član 75.

(Spajanje sportskih udruženja)

(1) Na spajanje sportskih udruženja shodno se primjenjuju odredbe ovog zakona o pripajanju, a na novonastalo sportsko udruženje - odredbe o osnivanju sportskog udruženja.

(2) Upisom novog sportskog udruženja u registar kod nadležnog organa za registraciju i sportski registar prestaju da postoje sportska udruženja koja su se spojila.

(3) Upisom novog sportskog udruženja u registar kod nadležnog organa za registraciju i sportski registar imovina spojenih sportskih udruženja prelazi na novo sportsko udruženje.

(4) Zaposleni i članovi sportskih udruženja koja su se spojila postaju zaposleni i članovi novog sportskog udruženja.

Član 76.

(Podjela sportskog udruženja)

(1) Podjela sportskog udruženja je statusna promjena kojom se sportsko udruženje dijeli na više udruženja, čime ono prestaje da postoji.

(2) Odluka o podjeli sportskog udruženja ima pravno dejstvo akta o osnivanju.

(3) Podjelom sportsko udruženje dijeli svoju imovinu na više dijelova koju prenosi na više sportskih udruženja.

(4) Imovina sportskog udruženja koje se briše iz registra raspoređuje se odlukom organa udruženja u skladu sa njegovim statutom.

(5) Izuzetno ukoliko ne bude donesena odluka iz stava (4) ovog člana do dana brisanja udruženja iz registra, imovina udruženja koje je uživalo poreske, carinske i druge povlastice, ili koje je imalo prihode iz budžeta ili donacije građana i pravnih lica u ukupnom iznosu većem od 10.000,00 KM u prethodnoj ili tekućoj kalendarskoj godini, dodjeljuje se drugom udruženju registrovanom u Kantonu koje obavlja istu ili sličnu djelatnost.

(6) Odluku iz stava (5) ovog člana donosi Ministarstvo.

Član 77.

(Odvajanje sportskog udruženja)

(1) Odvajanje je statusna promjena kojom se od sportskog udruženja odvaja njegov dio, a sportsko udruženje ostaje da postoji kao pravno lice.

(2) Odvajanjem, sportsko udruženje prenosi jedan ili više dijelova svoje imovine na jedno ili više novih odvajanjem, odnosno osnivanjem nastalih sportskih udruženja, ili postojećih sportskih udruženja kojim se pripaja odvojeno sportsko udruženje.

(3) Na podjelu i odvajanje primjenjuju se odredbe ovog zakona o osnivanju, spajanju i pripajanju sportskih udruženja.

(4) U slučaju podjele ili odvajanja, za obaveze sportskog udruženja koje su postojale prije upisa podjele, odnosno odvajanja u nadležne registre, solidarno odgovara svako učestvujuće sportsko udruženje koje postoji nakon upisa podjele, odnosno odvajanja.

(5) Sportsko udruženje kome je prenesen dio imovine podjelom ili odvajanjem, kao opšti pravni sljedbenik stupa u sve pravne odnose podijeljenog sportskog udruženja, odnosno sportskog udruženja od kojeg je odvojen njegov dio sa trećim licima, a u vezi sa prenesenim dijelom imovine.

Član 78.

(Upis u registar odvajanjem nastalog sportskog udruženja)

- (1) Sportska udruženja nastala podjelom, odnosno odvajanjem upisuju se u registar kod nadležnog organa za registraciju i sportski registar nakon zaključenja ugovora o diobnom bilansu o razgraničenju sredstava, i definisanju prava i obaveza između novoosnovanih sportskih udruženja.
- (2) Diobnim bilansom iz stava (1) ovog člana regulišu se i pitanja koja se odnose na status članova sportskog udruženja i zaposlenih lica.
- (3) Sportsko udruženje ne prestaje sa radom odvajanjem njegovog dijela.
- (4) Sportsko udruženje iz stava (3) ovog člana dužno je da uskladi svoj statut u skladu sa st. (1) i (2) ovog člana.

Član 79.

(Organizacija za obavljanje sportske djelatnosti)

- (1) Organizaciju za obavljanje sportske djelatnosti može osnovati fizičko ili pravno lice u obliku privrednog društva.
- (2) Fizičko lice iz stava (1) ovog člana koje se bavi stručnim radom u oblasti sporta mora imati odgovarajuće sportsko zvanje u skladu sa ovim zakonom.
- (3) Sportsko privredno društvo može obavljati sportsku djelatnost ako:
 - a) ima obezbijeden odgovarajući prostor, odnosno objekat,
 - b) ima odgovarajuću opremu,
 - c) ima angažovane sportske stručnjake u zavisnosti od vrste djelatnosti,
 - d) ispunjava uslove bezbjednosti u obavljanju djelatnosti, uključujući i odgovarajuću dokumentaciju,
 - e) da ima unutrašnju organizaciju, odnosno službe propisane za pravna lica.
- (1) Sportista može da se profesionalno bavi sportskim djelatnostima i aktivnostima u individualnim sportovima i kao samostalni profesionalni sportista, odnosno preduzetnik u skladu sa ovim zakonom i međunarodnim sportskim pravilima.
- (2) Nadležni registracioni organ jedinice lokalne samouprave dostavlja rješenje o upisu samostalnog profesionalnog sportiste Ministarstvu u roku od osam dana od dana upisa.

Član 80.

(Sportski klub)

- (1) Osnovni oblik organizovanja u sportu je sportski klub.
- (2) Klub može obavljati sportsku aktivnost amaterski i profesionalno.

Član 81.

(Amaterski sportski klub)

Amaterski sportski klub je dobrovoljna nevladina neprofitna organizacija koja se organizuje kao udruženje za obavljanje sportske djelatnosti u skladu sa Zakonom o udruženjima i fondacijama Bosne i Hercegovine, Zakonom o udruženjima i fondacijama Federacije Bosne i Hercegovine, ovim zakonom i Zakonom o sportu u Bosni i Hercegovini.

Član 82.

(Profesionalni sportski klub)

- (1) Profesionalni sportski klub osniva se kao privredno društvo s ciljem obavljanja sportske djelatnosti.
- (2) Profesionalni sportski klub osniva se i registruje kao poslovni subjekat kod nadležnog suda u skladu sa Zakonom o privrednim društvima ("Službene novine Federacije Bosne i Hercegovine", br. 81/15 i 75/21), Zakonom o registraciji poslovnih subjekata u Federaciji Bosne i Hercegovine ("Službene novine Federacije Bosne i Hercegovine", br. 27/05, 68/05, 43/09 i 63/14), ovim zakonom i Zakonom o sportu u Bosni i Hercegovini, kao i statutima sportskih saveza.

Član 83.
(Sportsko društvo)

- (1) Sportski klubovi mogu se udruživati u sportska društva radi uređivanja i ostvarivanja zajedničkih ciljeva i interesa, kao i zajedničkog nastupanja u oblasti sporta.
- (2) Međusobne odnose i prava sportski klubovi udruženi u sportsko društvo regulišu osnivačkim aktom i drugim aktima sportskog društva (ugovorom).
- (3) Sportsko društvo je nosilac prava na zajednički naziv i zajedničke simbole, ako osnivačkim i drugim aktima nije drugačije određeno.
- (4) Na osnivanje, upis u registar, obavljanje sportskih aktivnosti i sportskih djelatnosti, rješavanje sporova, odgovornost, kao i na druga pitanja u vezi sa radom sportskih društava, shodno se primjenjuju odredbe ovog zakona koje se odnose na sportska udruženja, ako ovim zakonom nije drugačije određeno.

Član 84.
(Sportski Savez Kantona Sarajevo)

- (1) Sportske organizacije, gradski i općinski sportski savezi, samostalni profesionalni sportisti i stručna udruženja, uključujući one iz različitih sportskih grana, mogu se udružiti u jedinstveni Sportski Savez Kantona Sarajevo (u daljem tekstu: Sportski savez Kantona).
- (2) Sportski Savez Kantona je jedinstveni sportski savez na nivou Kantona i može biti osnovan od strane najmanje tri organizacije upisane u sportski registar.
- (3) Sportski Savez Kantona je obavezan primati u članstvo sve subjekte iz stava (1) ovog člana koji ispunjavaju uslove određene statutom Sportskog Savez Kantona za prijem u članstvo.
- (4) Sportske organizacije koje okupljaju lica sa invaliditetom mogu se udruživati u skladu sa sportskim pravilima nadležnih međunarodnih sportskih saveza lica sa invaliditetom.
- (5) Sportski Savez Kantona, u okviru svojih sportskih djelatnosti, obezbjeđuje neophodnu podršku srodnim sportskim organizacijama lica sa invaliditetom.
- (6) Osnovna sredstva za rad Sportskog Saveza Kantona obezbjeđuju se iz budžeta Kantona.
- (7) Ministarstvo kulture i sporta Kantona Sarajevo rješenjem utvrđuje pravo Sportskog Saveza Kantona na obavljanje sportskih djelatnosti i aktivnosti.
- (8) Sportski savez Kantona može organizovati tradicionalne i druge manifestacije u saradnji sa strukovnim savezima, Fakultetom za sport i tjelesni odgoj, Rektoratom univerziteta u Sarajevu, Ministarstvom obrazovanja, nauke i mladih, Ministarstvom odgoja, osnovnog i srednjeg obrazovanja i Ministarstvom.
- (9) U slučajevima iz stava (8) ovog zakona međusobna prava obaveze i odgovornosti uređuju se ugovorom zainteresiranih strana.

Član 85.
(Cilj osnivanja i reprezentativnost)

- (1) Sportski savez Kantona je najviši oblik udruživanja u Kantonu u oblasti sporta.
- (2) Sportski savez Kantona osniva se prvenstveno sa ciljem:
 - a) usklađivanja aktivnosti svojih članova,
 - b) reprezentovanja sporta u području svog djelovanja,
 - c) učešća u unapređenju stručnog rada sportskih stručnjaka,
 - d) podsticanja bavljenja sportom, posebno djece i omladine u svom području djelovanja,
 - e) organizovanja i vođenja sportskih takmičenja,
 - f) organizovanja sportskih kampova i
 - g) vođenja evidencija sportskih rezultata za potrebe Ministarstva.

Član 86.
(Sportska pravila)

- (1) Sportski savez Kantona utvrđuje opšta sportska pravila koja su u skladu sa međunarodnim sportskim pravilima i koja obuhvataju sve sportske organizacije, granske

saveze, klubove, pojedince i sve ostale relevantne subjekte unutar Kantona.

(2) Opštim sportskim pravilima utvrđuju se:

- a) pravila o sportskom ponašanju, etici i fair playu,
- b) zdravstvena zaštita sportista,
- c) program kontinuirane edukacije (formalne ili neformalne) u sportu radi stručnog osposobljavanja i usavršavanja, certificiranja i licenciranja sportskih stručnjaka,
- d) pravila o preventivnim merama protiv negativnih pojava u sportu,
- e) pravila o vođenju evidencije aktivnih sportskih organizacija,
- f) pravila o učlanjivanju granskih saveza, sportskih organizacija i pojedinaca u Sportski savez Kantona.

(1) Granski savezi, u okviru Sportskog saveza Kantona, utvrđuju specifična sportska pravila za svoje sportske grane, u skladu sa opštim sportskim pravilima, međunarodnim sportskim pravilima i specifičnostima svoje sportske grane.

(2) Sportski savez Kantona je dužan da u roku od šest mjeseci od dana stupanja na snagu ovog zakona, utvrdi opšta sportska pravila i prikupi specifična sportska pravila od granskih saveza, i da sva ta pravila dostavi Ministarstvu. Granski savezi su dužni da u tom roku dostave svoja specifična sportska pravila Sportskom savezu Kantona.

Član 87.

(Granski i općinski sportski savezi)

(1) Sportske organizacije mogu se radi uređivanja i ostvarivanja sportskih pitanja od zajedničkog interesa, u zavisnosti od razvijenosti sporta i sistema takmičenja, udruživati u sportske saveze na gradskom i općinskom nivou (u daljem tekstu: sportski savezi nižeg nivoa organizovanja).

(2) U sportske saveze nižeg nivoa organizovanja iz stava (1) ovog člana mogu se udruživati i druge zainteresovane sportske organizacije, u skladu sa statutom nadležnog kantonalnog sportskog saveza.

(3) Na osnivanje, upis u registar i obavljanje sportskih aktivnosti i djelatnosti, kao i na druga pitanja u vezi sa radom sportskog saveza nižeg nivoa organizovanja, primjenjuju se odredbe ovog zakona koje se odnose na sportska udruženja, ako ovim zakonom nije drugačije određeno.

(4) Sportski savezi nižeg nivoa organizovanja iz stava (1) ovog člana upisuju se u sportski registar.

(5) Ako na području Grada/općine djeluje najmanje tri sportska kluba u istom sportu, može se osnivati granski sportski savez grada/općine u tom sportu. U granski sportski savez grada/općine, udružuju se sportski klubovi pojedinog (određenog) sporta ili sportske grane te iste grane tog određenog sporta u čijoj sportskoj grani zbog nerazvijenosti nije osnovan granski sportski savez grada/općine, putem kojeg grad/općina ostvaruje svoj javni interes u oblasti sporta. Sportski savez grada/općine je nositelj prava na zajednički naziv i zajedničke simbole, ukoliko osnivačkim aktom ili drugim aktima sportskog saveza grada/općine nije drugačije određeno.

Član 88.

(Sportska arbitraža)

(1) Sportski savez Kantona Sarajevo, osim za sporove za koje je određena isključiva nadležnost suda ili međunarodne sportske arbitraže, osniva sportsku arbitražu kao nezavisno i nepristrano tijelo za rješavanje sportskih sporova između svojih članova.

(2) Sportska arbitraža sastoji se od tri člana. Članove Sportske arbitraže imenuje i razrješava Upravni odbor Sportskog saveza Kantona Sarajevo. Kandidati za arbitre moraju ispunjavati opće uvjete propisane Zakonom o ministarskim, vladinim, i drugim imenovanjima Federacije Bosne i Hercegovine, kao i posebne standarde i kriterije koje donosi Upravni odbor Sportskog saveza Kantona Sarajevo. Kandidati za arbitre ne mogu biti članovi organa upravljanja, nadzora ili provedbe Sportskog saveza Kantona.

(3) Sportska arbitraža odlučuje o sporovima iz stava (1) ovog člana u skladu sa sportskim pravilima, zakonima Bosne i Hercegovine i statutom Sportskog saveza Kantona.

(4) Postupak pred Sportskom arbitražom je hitan. Sportska arbitraža dužna je donijeti odluku u roku od 60 dana od dana podnošenja zahtjeva za pokretanje postupka. Odluka Sportske arbitraže je konačna.

(5) Detaljnija pravila o radu Sportske arbitraže, postupcima, rokovima, kao i druga pitanja od značaja za rad Sportske arbitraže, uređuju se posebnim pravilnikom kojeg donosi Upravni odbor Sportskog saveza Kantona Sarajevo.

Član 89.

(Granski sportski savez Kantona, Grada i općine)

- (1) U granski sportski savez Kantona ili lokalne samouprave i to Grada (Sarajevo) i općina (prema sjedištu udruženja koje se udružuje) u pojedinim sportovima udružuju se sportski klubovi te pripadajuće grane sporta ili sportske grane radi ostvarivanja zajedničkih ciljeva i interesa, zajedničkog nastupanja u oblasti sporta i organizovanja takmičenja na nivou Kantona. Grada (Sarajevo) i općine.
- (2) Granski sportski savez Kantona se udružuju u granske sportske saveze organizovane na nivou Federacije Bosne i Hercegovine i Bosne i Hercegovine, a granski sportski savezi općine u Kantonu Sarajevo udružuju se u granski sportski savez Grada prema lokaciji općine u gradskoj zoni, te granski sportski savez općine iz prigradske zone udružuje se u kantonalni granski sportski savez kao i ostali granski sportski savezi općine koji pripadaju gradskoj zoni.
- (3) Za jedan sport može se na nivou Kantona, Grada i općine osnovati jedan granski sportski savez.
- (4) Granski sportski savezi Kantona se osnivaju u skladu sa ovim zakonom i Zakonom o udruženjima i fondacijama Federacije Bosne i Hercegovine.
- (5) Ako zbog nerazvijenosti određenog sporta na području Kantona nisu ispunjeni uslovi iz ovog zakona za organizovanje granskog sportskog saveza Kantona, registracija granskog sportskog saveza na nivou Kantona može se izvršiti uz saglasnost Ministarstva, a do ispunjenja uslova iz ovog zakona.

Član 90.

(Nadležnost sportskih saveza Kantona)

Sportski savezi Kantona nadležni su za:

- a) organizovanje i sprovođenje sistema takmičenja,
- b) zastupanje i predstavljanje sporta u entitetskim, državnim i međunarodnim sportskim organizacijama,
- c) pripremanje i nastupanje kantonalnih reprezentacija na zvaničnim entitetskim i državnim međunarodnim takmičenjima,
- d) pripremanje i nastupanje kantonalnih reprezentacija na zvaničnim međunarodnim takmičenjima u sportovima u kojima je to moguće i opravdano, uz prethodnu saglasnost Ministarstva,
- e) utvrđivanje programa razvoja u skladu sa Strategijom,
- f) saradnju sa nadležnim sportskim i drugim organima u Bosni i Hercegovini.

Član 91.

(Reprezentativnost)

- (1) Ako je u jednoj sportskoj grani, u skladu sa zakonom, registrovano više kantonalnih sportskih saveza, sufinansiraju se programi onog kantonalnog sportskog saveza kojim se ostvaruje opšti interes.
- (2) Ako se u jednoj sportskoj grani, zbog svoje specifičnosti, samostalno organizuje neka od grana sporta, ministar može, na zahtjev najmanje tri sportske organizacije, utvrditi pravo na formiranje i reprezentativnost granskog saveza u toj grani sporta ukoliko u toj grani sporta u tom sportu postoji formirana međunarodna sportska asocijacija.
- (3) Ministar donosi rješenje kojim jednom u toku kalendarske godine utvrđuje:

- a) preko kojih se kantonalnih sportskih saveza ostvaruje opšti interes u oblasti sporta u Kantonu,
 - b) sportske grane i grane sporta u Kantonu.
 - c) sportske grane koje su od posebnog značaja za Kanton.
- (1) Ministar donosi rješenje iz stava (3) ovog člana na osnovu podataka o:
- a) organizaciji saveza,
 - b) broja učlanjenih organizacija i sportista,
 - c) ekonomske snage,
 - d) medijskog i društvenog uticaja, razvijenosti sportske grane, kantonalne i međunarodne organizovanosti i tradicije, kao i sportskih rezultata.

Član 92.

(Kantonalna kategorizacija u sportu)

- (1) Pod kantonalnom kategorizacijom podrazumijeva se kategorizacija sportova, sportista i sportskih stručnjaka i stručnjaka u sportu, na nivou Kantona.
- (2) Kantonalnom kategorizacijom sportova utvrđuju se kriterijumi za kategorisanje i određuje kategorija sportskih grana i grana sporta na osnovu ostvarenih rezultata, masovnosti, kantonalne i međunarodne tradicije, zastupljenosti i popularnosti, zdravstvenog, socijalnog i drugog uticaja na učesnike, finansijskog značaja i finansijske samostalnosti, promotivni i marketinški potencijal, pristupačnosti pojedinih sportskih grana i grana sporta i drugih značajnih faktora.
- (3) Kantonalnom kategorizacijom sportista utvrđuju se kriterijumi za kategorisanje sportista na osnovu rezultata, uzrasta, pola i kantonalne kategorizacije sportova, i uređuje način dodjeljivanja odgovarajuće kategorije sportskog statusa, statusa vrhunskog sportiste, statusa perspektivnog sportiste i druga statusa rangiranja sportista u Kantonu.
- (4) Kantonalnom kategorizacijom sportskih stručnjaka i stručnjaka u sportu utvrđuju se kriterijumi i mjerila za kategorisanje sportskih stručnjaka na osnovu kvaliteta rada, ostvarenih rezultata, stepena stručnosti i kantonalne kategorizacije sportova i uređuje način dodjeljivanja odgovarajuće kategorije sportskog statusa.
- (5) Sportski status može steći lice koje ima državljanstvo Bosne i Hercegovine.
- (6) Ministar donosi Pravilnik o kategorizaciji sportova, sportista i sportskih stručnjaka i stručnjaka u sportu iz st. (2), (3), i (4) ovog člana.

Član 93.

(Kategorizacija na lokalnom nivou)

Jedinice lokalne samouprave utvrđuju kategorizaciju sportova, sportista i sportskih stručnjaka za svoje područje, polazeći od utvrđene kantonalne kategorizacije.

Član 94.

(Sportski klub lica sa invaliditetom)

- (1) Radi organizovanja sportsko-rekreativne aktivnosti i sportskih takmičenja lica sa invaliditetom, osnivaju se sportski klubovi lica sa invaliditetom.
- (2) Sportski klub lica sa invaliditetom može obavljati sportsku aktivnost amaterski i profesionalno.

Član 95.

(Amaterski sportski klub lica sa invaliditetom)

Amaterski sportski klub lica sa invaliditetom je dobrovoljna nevladina neprofitna organizacija koja se organizuje kao udruženje građana za obavljanje sportske djelatnosti u skladu sa Zakonom o udruženjima i fondacijama Federacije Bosne i Hercegovine, ovim zakonom i drugim pozitivnim propisima.

Član 96.

(Profesionalni sportski klub lica sa invaliditetom)

- (1) Profesionalni sportski klub lica sa invaliditetom osniva se kao privredno društvo, odnosno preduzeće s ciljem obavljanja sportske djelatnosti.
- (2) Profesionalni sportski klub lica sa invaliditetom osniva se i registruje kao poslovni subjekat kod nadležnog suda u skladu sa Okvirnim zakonom o registraciji poslovnih subjekata u Bosni i Hercegovini i Federalnim i kantonalnim zakonima kojima se uređuje osnivanje poslovnih subjekata, ovim zakonom, kao i statutima sportskih saveza.

Član 97.

(Sportsko društvo lica sa invaliditetom)

- (1) Sportski klubovi lica sa invaliditetom mogu se, radi uređivanja i ostvarivanja zajedničkih ciljeva i interesa, kao i zajedničkog nastupanja u određenoj oblasti sporta, udruživati u sportska društva lica sa invaliditetom.
- (2) Međusobne odnose i prava sportski klubovi lica sa invaliditetom, udruženi u sportsko društvo lica sa invaliditetom, reguliraju osnivačkim aktom i drugim aktima sportskog društva lica sa invaliditetom (ugovorom).
- (3) Sportsko društvo lica sa invaliditetom je nositelj prava na zajednički naziv i zajedničke simbole, ukoliko osnivačkim aktom ili drugim aktima sportskog društva lica sa invaliditetom nije drugačije određeno.
- (4) Na osnivanje, upis u registar, obavljanje sportskih aktivnosti i sportske djelatnosti, rješavanje sporova, odgovornost, kao i na druga pitanja u svezi sa radom sportskog društva lica sa invaliditetom primjenjuju se odredbe ovog zakona koje se odnose na sportska udruženja, ako ovim zakonom nije drugačije propisano.

Član 98.

(Sportski savez lica sa invaliditetom Kantona, Grada i općine)

- (1) Granski sportski savezi lica sa invaliditetom Kantona, Grada i općine, sportski klubovi lica sa invaliditetom u čijoj sportskoj grani zbog nerazvijenosti granski sportski savez lica sa invaliditetom nije osnovan i udruženja lica sa invaliditetom za sportsku rekreaciju udružuju se u sportski savez lica sa invaliditetom Kantona, Grada i općine, putem kojeg Kanton, Grad i općina ostvaruje svoj javni interes u oblasti sporta za lica sa invaliditetom.
- (2) Sportski savez lica sa invaliditetom je nositelj prava na zajednički naziv i zajedničke simbole, ukoliko osnivačkim aktom ili drugim aktima sportskog saveza lica sa invaliditetom Kantona, Grada i općine nije drugačije određeno.
- (3) Sportski savez lica sa invaliditetom organizuje se na nivou Kantona, a u zavisnosti od razvijenosti sporta za lica sa invaliditetom. Za jedan sport na nivou Kantona može da se osnuje samo jedan sportski savez lica sa invaliditetom.
- (4) Sportski savez lica sa invaliditetom Kantona osniva se u skladu sa ovim zakonom i Zakonom o udruženjima i fondacijama Federacije Bosne i Hercegovine, na osnovu odluka sportskih saveza za lica sa invaliditetom o dobrovoljnom udruživanju, a u slučaju spora između sportskih saveza, odluku o tome donosi Vlada.
- (5) Sjedište sportskih saveza pojedinog sporta za lica sa invaliditetom Kantona određuje se na osnovu razvijenosti pojedinog sporta, tradicije, masovnosti i kvaliteta određene sportske grane.
- (6) Ukoliko zbog nerazvijenosti sporta ne postoji organizovan sportski savez lica sa invaliditetom na nivou Kantona, registracija saveza na nivou Kantona za taj sport izvršiće se uz saglasnost Ministarstva, a do ispunjenja uslova iz stava (2) ovog člana.
- (7) Granski sportski savezi lica sa invaliditetom Grada i općina i sportski klubovi osoba sa invaliditetom u čijoj sportskoj grani zbog nerazvijenosti nije osnovan granski sportski savez osoba sa invaliditetom Grada i općine udružuju se u granske sportske saveze lica sa invaliditetom Kantona, radi ostvarivanja zajedničkih ciljeva i interesa, zajedničkog nastupanja u oblasti sporta i organiziranja natjecanja na razini Kantona, te obavljanja drugih aktivnosti u skladu s ovim zakonom.

- (8) Granski sportski savezi lica sa invaliditetom Kantona se udružuju u sportski savez osoba sa invaliditetom organiziran na nivou Federacije Bosne i Hercegovine i Bosne i Hercegovine.
- (9) Za jedan sport može se na nivou Kantona organizirati samo jedan granski sportski savez lica sa invaliditetom.
- (10) Granski sportski savezi lica sa invaliditetom Kantona se osnivaju u skladu sa ovim zakonom i Zakonu o udruženjima i fondacijama Federacije Bosne i Hercegovine.
- (11) Ako zbog nerazvijenosti određenog sporta za lica sa invaliditetom na području Kantona nisu ispunjeni uslovi iz ovog zakona za organiziranje granskog sportskog saveza lica sa invaliditetom Kantona, registracija granskog sportskog saveza lica sa invaliditetom na nivou Kantona, do ispunjenja uslova propisanih ovim zakonom, može se izvršiti uz saglasnost Ministarstva.

Član 99.

(Nadležnost sportskih saveza lica sa invaliditetom Kantona Sarajevo)

- (1) Sportski savezi lica sa invaliditetom Kantona Sarajevo nadležni su za:
- organizovanje i provođenje sistema takmičenja.
 - zastupanje i predstavljanje sporta lica sa invaliditetom u entitetskim, državnim i međunarodnim sportskim organizacijama.
 - pripremanje i nastupanje kantonalnih reprezentacija na zvaničnim i entitetskim, državnim takmičenjima.
 - pripremanje i nastupanje kantonalnih reprezentacija na zvaničnim međunarodnim takmičenjima u sportovima u kojima je to moguće i opravdano, uz prethodnu saglasnost Ministarstva,
 - utvrđivanje programa razvoja u skladu sa Strategijom,
 - saradnju sa nadležnim sportskim i drugim organima u Bosni i Hercegovini.
 - obavljanje drugih poslova u skladu sa zakonom i podzakonskim propisima.
- (1) Pored poslova iz stava (1) ovog člana, Sportski savez lica sa invaliditetom Kantona obavlja i druge poslove po nalogu Vlade i Ministarstva.

Član 100.

(Udruženja sportske rekreacije)

- (1) Radi zadovoljavanja potreba građana za održavanjem i poboljšanjem zdravlja i psihofizičkih sposobnosti i organizovanja bavljenja vježbanjem i sportskim aktivnostima u slobodno vrijeme, osnivaju se udruženja sportske rekreacije.
- (2) Udruženje sportske rekreacije u Kantonu osniva se u skladu sa Zakonom o udruženjima i fondacijama Federacije Bosne i Hercegovine i ovim zakonom.
- (3) Udruženja sportske rekreacije udružuju se u Savez sportske rekreacije Bosne i Hercegovine, u skladu sa Zakonom o sportu u Bosni i Hercegovini.
- (4) Odredbe ovog člana na odgovarajući način primjenjuju se i na udruženja lica sa invaliditetom za sportsku rekreaciju.
- (5) Uz saglasnost Ministarstva, ukoliko ne egzistira, može se organizovati Savez sportske rekreacije Kantona u skladu sa Zakonom o udruženjima i fondacijama Federacije Bosne i Hercegovine i ovim zakonom.
- (6) Udruženja sportske rekreacije registrovana u Kantonu, uz prethodnu saglasnost Ministarstva, mogu se udruživati u Savez sportske rekreacije Kantona, u skladu sa Zakonom o udruženjima i fondacijama Federacije Bosne i Hercegovine i ovim zakonom.

Član 101.

(Ustanove u oblasti sporta)

- (1) Javne ustanove za obavljanje djelatnosti u oblasti sporta mogu, u skladu sa propisom kojim se uređuju javne službe odnosno ustanove, osnivati Kanton ili jedinica lokalne samouprave (u daljem tekstu: osnivač).

- (2) Ustanove iz stava (1) ovog člana osnivaju se za obavljanje:
- a) stručno razvojnih poslova, praćenja tjelesnih sposobnosti djece i omladine, studenata, osoba sa invaliditetom i drugih kategorija građana,
 - b) testiranje i pripremu vrhunskih sportista,
 - c) edukaciju i trening sportskih talenata.
- (1) Ustanove u oblasti sporta mogu osnivati druga pravna i fizička lica, pod uslovima propisanim zakonom.
- (2) Ustanove iz st. (1) i (3) ovog člana mogu obavljati sportsku djelatnost ako imaju obezbijeden odgovarajući prostor, opremu, odgovarajuće sportske stručnjake u zavisnosti od vrste djelatnosti, ako ispunjavaju uslove bezbjednosti za obavljanje djelatnosti i ako imaju odgovarajuću unutrašnju organizaciju, odnosno službu.
- (3) Ustanove iz st. (1) i (3) ovog člana mogu se osnovati pod uslovima utvrđenim Zakonom o ustanovama ("Službeni list RBiH", br. 6/92, 8/93 i 13/94).

Član 102.

(Javno preduzeće za obavljanje sportske djelatnosti)

- (1) Javno preduzeće za proizvodnju, promet i usluge u oblasti sporta osniva se i registruje u skladu sa Zakonom o javnim preduzećima, a mogu ga osnivati Kanton ili jedinica lokalne samouprave (u daljem tekstu: vlasnik).
- (2) Javno preduzeće osniva se za obavljanje djelatnosti, poslova i aktivnosti propisanih ovim i drugim zakonom.
- (3) Javna preduzeća mogu obavljati sportsku djelatnost ako imaju obezbijeden odgovarajući prostor, opremu, odgovarajuće sportske stručnjake u zavisnosti od vrste djelatnosti, ako ispunjavaju uslove bezbjednosti za obavljanje djelatnosti i ako imaju odgovarajuću unutrašnju organizaciju, odnosno službu.

Član 103.

(Školski i univerzitetski sport)

- (1) Školski sport, u smislu ovog zakona, obuhvata organizovane nastavne i vannastavne sportske aktivnosti u oblasti školskog tjelesnog i zdravstvenog odgoja i obrazovanja, uključujući i školska sportska takmičenja koja se sprovode u okviru odgojno-obrazovnog procesa na osnovu nastavnog plana i programa utvrđenih u skladu sa zakonom koji uređuje tu oblast.
- (2) Univerzitetski sport u smislu ovog zakona, obuhvata sportske aktivnosti studenata i studentska sportska takmičenja.
- (3) Organizovano vannastavno bavljenje sportskim aktivnostima učenika i studenata sprovodi se kroz školske, odnosno studentske sportske sekcije, koje organizuju škole i visokoškolske ustanove na teritoriji Kantona.
- (4) Organizovane školske nastavne i vannastavne sportske aktivnosti iz st. (1) i (2) ovog člana imaju prioritet u vezi sa korišćenjem školskih i univerzitetskih sportskih sala, terena ili prostora u odnosu na aktivnosti lica izvan škole ili visokoškolske ustanove.
- (5) Škole, visokoškolske ustanove, nastavnici, profesori, učenici i studenti mogu osnivati i odgovarajuće školske, odnosno studentske sportske organizacije, u skladu sa ovim zakonom i zakonom kojim se uređuje rad udruženja i fondacija.

Član 104.

(Studentski/univerzitetski sportski savez)

- (1) Savezi studenata osnivaju studentske sportske saveze na nivou univerziteta, u skladu sa ovim zakonom, uz prethodnu saglasnost rukovodioca odnosno odgovornog lica fakulteta i

univerziteta i Ministarstva za nauku, visoko obrazovanje i mlade Kantona Sarajevo i konačnu saglasnost Ministarstva.

(2) Studentski sportski savezi osnivaju Univerzitetski sportski savez Kantona, u skladu sa ovim zakonom, uz prethodnu saglasnost rukovodioca odnosno odgovornog lica univerziteta i Ministarstva za nauku, visoko obrazovanje i mlade Kantona Sarajevo i konačnu saglasnost Ministarstva.

(3) Univerzitet sa fakultetima i jedinicama lokalne samouprave obezbjeđuju sredstva za razvoj studentskog sporta, odnosno finansiraju takmičenja i rad općinskog, odnosno gradskog studentskog sportskog saveza.

(4) Kanton finansira organizacije studentskih sportskih takmičenja na nivou univerziteta, kao i rad Univerzitetskog sportskog saveza Kantona.

Član 105.

(Osnivanje školskog i univerzitetskog sportskog saveza)

(1) Organizacija, pravila i način osnivanja općinskog, odnosno gradskog školskog sportskog saveza i Saveza za školski sport Kantona Sarajevo, kao i način i uslovi za održavanje i organizaciju školskih sportskih takmičenja u Kantonu, uređuju se Pravilnikom o organizovanju školskog sporta Kantona Sarajevo.

(2) Ministar donosi Pravilnik iz stava (1) ovog člana, uz prethodno pribavljenu saglasnost ministra za odgoj i obrazovanje Kantona Sarajevo.

(3) Organizacija, pravila i način osnivanja studentskog sportskog saveza i Univerzitetskog sportskog saveza Kantona, kao i način i uslovi za održavanje i organizaciju studenskih sportskih takmičenja u Kantonu, uređuju se Pravilnikom o organizaciji studenskih sportskih takmičenja Kantona.

(4) Ministar donosi Pravilnik iz stava (3) ovog člana, uz prethodno pribavljenu saglasnost ministra za nauku, visoko obrazovanje i mlade Kantona Sarajevo.

Član 106.

(Udruženja stručnih lica osposobljenih za rad u sportu)

(1) Odgovarajuća visokoškolska ustanova radi organizovanja i poboljšanja ukupnog sistema školskog i univerzitetskog sporta, takmičenja, priredbi i manifestacija, svih vidova tjelesnog vježbanja, formalne i neformalne edukacije i osposobljavanja za rad u sportu kao i formalne i neformalne edukacije stručnih lica osposobljenih za rad u sportu, certificiranjima i licenciranjima u oblasti sporta, provođenja vannastavnih sportskih aktivnosti u Kantonu, a s ciljem uključivanja što većeg broja građana Kantona u sportske aktivnosti i u oblasti sporta, naučnonastavničko vijeće odgovarajuće visokoškolske ustanove u Kantonu uz saglasnost nadležnih ministarstava može osnovati, u saradnji sa drugim pravnim i fizičkim licima zainteresiranim za oblast sporta, udruženje stručnih, certificiranih, licenciranih, lica osposobljenih za rad u sportu i ostalih zainteresiranih lica za oblast sporta u skladu sa Zakonom o udruženjima i fondacijama Federacije Bosne i Hercegovine i ovim zakonom kao i ostalim propisima koji regulišu oblast visokog obrazovanja obzirom na ostale pozitivne zakonske propise

(2) Udruženje stručnih lica osposobljenih za rad u sportu ima status pravnog lica koji stiče upisom u registar kod Ministarstva pravde i uprave Kantona Sarajevo.

(3) Odgovarajuća visokoškolska ustanova je dužna stvoriti uslove za rad Udruženja stručnih lica osposobljenih za radu u sportu u Kantonu.

(4) Rektorat odnosno Dekanat na prijedlog naučnonastavničkog vijeća, svojom odlukom utvrđuje način rada i organizovanja Udruženja stručnih lica osposobljenih za rad u sportu.

Član 107.

(Stručna i druga udruženja u oblasti sporta)

(1) Sportski stručnjaci i stručnjaci u sportu mogu se, radi uređivanja i ostvarivanja stručnih sportskih pitanja od zajedničkog interesa, udruživati u stručna sportska udruženja.

(2) Udruženja iz stava (1) ovog člana smatraju se sportskim ukoliko ispune uslove sportskog saveza u određenoj grani sporta.

(3) Sportske organizacije, sportska društva, sportski savezi i druga pravna i fizička lica mogu, radi ostvarivanja zajedničkih ciljeva i interesa u oblasti sporta, osnivati druga udruženja u oblasti sporta koja se smatraju sportskim ukoliko ispune uslove za upis u sportski registar.

(4) Sportisti Kantona Sarajevo imaju pravo da se udružuju u svoje posebne organizacije radi ostvarivanja svojih specifičnih interesa, u skladu sa zakonom i pravilima međunarodnih sportskih asocijacija kojim pripadaju.

Član 108.

(Sportski sindikat)

Sportisti i sportski stručnjaci mogu osnovati sportski sindikat u skladu sa zakonom i pravilima Saveza sindikata BiH, Saveza sindikata Federacije Bosne i Hercegovine i Saveza sindikata Kantona Sarajevo.

Član 109.

(Druge sportske organizacije)

(1) Radi obavljanja sportske aktivnosti i sportske djelatnosti, mogu se osnovati i druge sportske organizacije koje su osnovane kao udruženja ili kao privredna društva i vrše obuku svojih članova.

(2) Ukoliko se obuka članova vrši u okviru jedne sportske grane, sportske organizacije su obavezne ispuniti sve uslove u skladu sa ovim zakonom i pravilima nadležnog Ministarstva i odgovarajuće visokoškolske ustanove i kantonalnog sportskog saveza.

(3) Ukoliko sportska organizacija vrši obuku svojih članova u više različitih sportskih grana, obavezna je ispuniti posebne uslove koji se odnose na:

- a) stručni kadar,
- b) zdravstvenu zaštitu svojih članova,
- c) objekte i prostor,
- d) sportsku opremu,
- e) posebnu zaštitu svojih članova.

(1) Ministar donosi Pravilnik o ispunjenosti posebnih uslova iz stava (3) ovog člana za sportske organizacije koje vrše obuku svojih članova u više sportskih disciplina.

POGLAVLJE II.

PRAVA I OBAVEZE PRAVNIH LICA

Član 110.

(Sportska organizacija kao udruženje)

(1) Sportska organizacija kao udruženje (u daljem tekstu: sportsko udruženje), u smislu ovog Zakona, jeste dobrovoljno udruženje organizovano na osnovu osnivačkog akta i statuta, zasnovano na slobodi udruživanja više fizičkih ili pravnih lica.

(2) Na spontana i privremena povezivanja više lica radi ostvarivanja određenih sportskih ciljeva, bez izričito utvrđene organizacije i članstva, shodno se primjenjuju propisi, odnosno pravna pravila o ortakluku, ako ovim zakonom nije drugačije određeno.

Član 111.

(Obavljanje privredne djelatnosti)

Pravna lica mogu obavljati privredne djelatnosti samo ako je osnovna svrha takvih djelatnosti ostvarivanje ciljeva utvrđenih ovim zakonom i statutom udruženja, internim normativnim aktom organizacije u oblasti sporta.

Član 112.

(Radni odnos u sportskim organizacijama)

- (1) Pravna lica mogu zasnovati radni odnos sa sportistima, sportskim stručnjacima i stručnjacima u sportu i licima koja učestvuju u organizaciji ili vođenju sportske aktivnosti i djelatnosti ili takmičenja, priredbe i manifestacije, stručnim i administrativnim osobljem.
- (2) Radni odnos u sportskim organizacijama, kao pravnim licima registrovanim na nivou Kantona, uređuje se ugovorom o radu u skladu sa Zakonom o radu Kantona Sarajevo ("Službene novine Kantona Sarajevo", broj 19/00) i Zakonom o radu ("Službene novine Federacije Bosne i Hercegovine", br. 26/16, 89/18 i 44/22), Kolektivnim ugovorom i Pravilnikom o radu.
- (3) Zaposleni iz stava (1) ovog člana ima sva prava i obaveze iz radnog odnosa koji su utvrđeni Zakonom o radu iz stava (2) ovog člana, kolektivnim ugovorom, ovim zakonom i Zakonom o sportu u Bosni i Hercegovini.

Član 113.

(Pripravnici i lica na stručnom osposobljavanju)

- (1) Lice koje je steklo stručnu spremu iz člana 128. stav (2) ovog zakona, sportska organizacija može primiti na stručno osposobljavanje ili usavršavanje, na period od 12 mjeseci ako ima završenu visoku stručnu spremu odnosno devet mjeseci ako ima završenu višu stručnu spremu, sa zasnivanjem radnog odnosa ili bez zasnivanja radnog odnosa.
- (2) Ukoliko sportska organizacija sa licem iz stava (1) ovog člana zasniva radni odnos, to lice ima status pripravnika, i sa istim se zaključuje ugovor o radu na određeno vrijeme.
- (3) Tokom trajanja radnog odnosa pripravnik ima pravo na 70% prosječne neto plaće isplaćene u Federaciji Bosne i Hercegovine, prema posljednjem objavljenom podatku Federalnog zavoda za statistiku, s tim da se sportska organizacija i pripravnik mogu dogovoriti i o većem iznosu plaće.
- (4) Prijem osoba na stručno osposobljavanje bez zasnivanja radnog odnosa sportska organizacija vrši zaključivanjem ugovora o stručnom osposobljavanju. Kopija ugovora dostavlja se nadležnoj službi za zapošljavanje, radi evidencije i nadzora, u roku od osam dana od dana potpisivanja istog.
- (5) Ukoliko nije drugačije propisano ovim zakonom, na sve odnose između sportske organizacije i pripravnika, odnosno sportske organizacije i osobe koja se prima na stručno osposobljavanje, primjenjuju se odredbe Zakona o radu Federacije Bosne i Hercegovine.
- (6) Tokom trajanja radnog odnosa pripravnika, odnosno ugovora o stručnom osposobljavanju, sportska organizacija obvezna je iz reda svojih zaposlenika odrediti lice odgovarajućeg profila i stručne spreme pod čijim nadzorom će se rad obavljati (mentor). Pod odgovarajućim profilom i stručnom spremom za imenovanje mentora podrazumijeva se stručna sprema iz člana 128. stav (2) ovog zakona.
- (7) Iznimno, ukoliko u sportskoj organizaciji nema lica koje ispunjava uslove iz stava (6) ovog člana, sportska organizacija može, kao mentora angažirati i lice koja nije njen zaposlenik ukoliko ispunjava uslove iz člana 128. stav (2) ovog zakona, u kojem slučaju sportska organizacija snosi sve troškove nastale povodom tog angažiranja.
- (8) Poslove osposobljavanja u smislu ovog člana pripravnici i lica na stručnom osposobljavanju ili usavršavanju ne mogu obavljati bez sertifikata i licence nadležnog Ministarstva.

POGLAVLJE III.

FIZIČKA LICA U OBLASTI SPORTA

Član 114.

(Učesnici u sistemu sporta)

- (1) U sistemu organizacije sporta nosioci sportske aktivnosti u Kantonu su fizička i pravna lica registrovana za obavljanje sportskih djelatnosti u skladu sa zakonom.
- (2) Učesnici u sistemu sporta su fizička i pravna lica.
- (3) Fizička lica u sistemu sporta su: sportisti, sportski stručnjaci i stručnjaci u sportu i lica koja učestvuju u organizaciji ili vođenju sportskog takmičenja, priredbi i manifestacija, te ostala lica navedena ovim zakonom.
- (4) Pravna lica u sistemu sporta su udruženja, fondacije i privredna društva.

Član 115.
(Sportista)

- (1) Sportista u smislu ovog zakona je lice koje se bavi sportom, priprema i učestvuje u organizovanim sportskim takmičenjima i priredbama (manifestacijama).
- (2) Sportista ima sva građanska prava utvrđena Ustavom i zakonima Bosne i Hercegovine, entitetskim ustavima i zakonima, zakonima i drugim propisima na drugim nivoima administrativnog organizovanja, kao i odredbama ovog zakona i Zakonom o sportu u Bosni i Hercegovini.
- (3) Sportista može da se bavi sportskim aktivnostima samostalno ili u okviru organizacije u oblasti sporta.
- (4) Sportista može da se bavi sportskim aktivnostima amaterski ili profesionalno.

Član 116.
(Prava sportista)

- (1) Sportista je obavezan da se pridržava opštih i posebnih pravila koji su propisani ovim zakonom, Zakonom o sportu u Bosni i Hercegovini, pravilima svojih organizacija i pravilima međunarodnih sportskih organizacija (asocijacija).
- (2) Osim prava iz ovog zakona, sportista ima pravo da:
 - a) bude zaštićen od svake vrste duhovnog i fizičkog nasilja, ugrožavanja slobode ljudskog i sportskog integriteta, zdravlja i sportskog dostojanstva.
 - b) koristi sportske objekte i opremu, usluge stručnog rada i zdravstvene zaštite u skladu sa propisima koji to regulišu,
 - c) na osnovu slobodno izražene volje učestvuje u reprezentativnim selekcijama.

Član 117.
(Obaveze sportista)

Sportista je obavezan da:

- a) poštuje norme i pravila sportskog ponašanja.
- b) redovno trenira i učestvuje na takmičenjima.
- c) poštuje sportska pravila, službena lica i gledaoce.
- d) svojim ponašanjem čuva ugled sportskog kolektiva i sredine koju predstavlja.
- e) saraduje sa zdravstvenim službama i posebnim organima koji provjeravaju upotrebu nedozvoljenih stimulativnih sredstava.

Član 118.
(Akti kojim se uređuju prava i obaveze sportista)

- (1) Prava i obaveze sportiste amatera uređuju se ovim zakonom, sportskim pravilima nadležnog kantonalnog sportskog saveza i opštim aktima sportske organizacije.
- (2) Prava i obaveze sportiste amatera kojem se obezbjeđuju novčana sredstva ili druga materijalna davanja za bavljenje sportom i učestvuje u takmičenjima uređuju se ovim zakonom, sportskim pravilima nadležnog kantonalnog sportskog saveza, opštim aktima sportske organizacije i ugovorom između sportiste takmičara amatera i sportske organizacije.

- (3) Prava i obaveze profesionalnog sportiste uređuju se ovim zakonom, sportskim pravilima nadležnog kantonalnog sportskog saveza, kolektivnim ugovorom, pravilnikom o radu i ugovorom o radu ili sportskom angažmanu između sportiste i sportske organizacije.
- (4) Ugovor o sportskom angažmanu sa sportistom koji nije punoljetan može da se zaključi samo uz saglasnost roditelja, usvojitelja ili staratelja, u pisanoj formi.
- (5) Sportski savezi utvrđuju sadržaj i način davanja pismene saglasnosti iz stava (4) ovog člana.

Član 119.

(Sportista strani državljanin)

- (1) U sportskim takmičenjima u Kantonu Sarajevo mogu učestvovati i strani državljani.
- (2) Prava i obaveze sportista stranih državljana regulišu se ugovorom sa sportskim udruženjima u skladu sa međunarodnim sportskim pravilima.
- (3) Sportista, sportski stručnjak i stručnjak u sportu i lice koje učestvuju u organizaciji ili vođenju sportske aktivnosti i djelatnosti ili takmičenja, priredbe, manifestacije, stručno i administrativno osoblje, a strani su državljani, moraju imati dozvolu za rad od nadležnog državnog organa i registrovati se u državnom ili entitetskom ili kantonalnom ministarstvu nadležnom za sport.

Član 120.

(Status vrhunskog sportiste)

- (1) Sportista stiče status vrhunskog sportiste Kantona Sarajevo ako ostvaruje izuzetne sportske rezultate na nacionalnom i/ili međunarodnom nivou u priznatom sportu ili disciplini.
- (2) Rezultati ili plasmani moraju biti ostvareni na zvaničnim takmičenjima na nivou Bosne i Hercegovine, odnosno na zvaničnim međunarodnim takmičenjima u organizaciji međunarodnih sportskih organizacija koje su priznate od strane Međunarodnog olimpijskog komiteta (IOC), Internacionalnog paraolimpijskog komiteta (IPC) ili Generalne asocijacije internacionalnih sportskih federacija (GAISF).
- (3) Sport mora biti priznat od strane IOC-a, IPC-a, GAISF-a ili neke druge relevantne sportske organizacije.
- (4) Detaljni kriterijumi za sticanje statusa vrhunskog sportiste, uključujući ali ne ograničavajući se na trajanje i kontinuitet postignutih rezultata, podršku koju sportista prima, status sportiste u odnosu na druge sportiste, utvrđuju se Odlukom o kategorizaciji sportista koju donosi Vlada na prijedlog Ministra, u skladu sa kategorizacijom vrhunskih sportista koju vrši na osnovu Pravilnika o kategorizaciji sportista na nivou Bosne i Hercegovine Ministarstvo civilnih poslova BiH.

Član 121.

(Profesionalni sportista)

- (1) Prava, obaveze i odgovornosti profesionalnih sportista uređuju se u skladu sa zakonom, sportskim pravilima nadležnog granskog sportskog saveza, kolektivnim ugovorom, pravilnikom o radu i ugovorom o radu između sportiste i sportske organizacije.
- (2) Profesionalni sportista iz stava (1) ovog člana zaključuje ugovor o radu na određeno vrijeme, na period od najduže tri godine. Profesionalni sportista može zaključiti više takvih ugovora, s tim da mu radni odnos ne može prerasti u radni odnos na neodređeno vrijeme.
- (3) Ugovor između profesionalnog sportiste i sportske organizacije zaključuje se u pisanoj formi i registruje kod nadležnog granskog sportskog saveza Kantona, ukoliko postoji granski sportski savez Kantona za taj sport.
- (4) Ukoliko ne postoji granski sportski savez Kantona za taj sport, ugovor iz stava (3) ovog člana registruje se kod Sportskog saveza Kantona.
- (5) Ugovor između profesionalnog sportiste i sportske organizacije potpisuju sportista i lice ovlašteno za zastupanje sportske organizacije, a u slučaju da je sportista maloljetno lice bez potpune poslovne sposobnosti, ugovor može punovažno da se zaključi samo uz pismenu

saglasnost roditelja, usvojitelja ili staratelja, uz nalaz zdravstvene ustanove kojim je prethodno utvrđena zdravstvena sposobnost maloljetnog lica.

(6) Profesionalni sportista i sportska organizacija, prilikom zaključivanja ugovora o radu, mogu posebno ugovoriti davanja naknade sportisti na ime zaključenja ugovora.

(7) Sportska organizacija dužna je da prije zaključivanja ugovora sportistu obavijesti o pravima, obavezama i odgovornostima iz stava (1) ovog člana.

(8) Sportska organizacija ne smije angažovati profesionalnog sportistu bez zaključenog ugovora o radu.

Član 122.

(Radni odnos profesionalnog sportiste)

(1) Profesionalni sportista zasniva radni odnos sa sportskom organizacijom zaključivanjem ugovora o radu u skladu sa zakonom kojim se uređuje oblast rada, te može da se angažuje ugovorom o sportskom angažmanu u skladu sa ovim zakonom i zakonom koji uređuje oblast rada i angažmana.

(2) Periodična davanja iz ugovora o radu ili sportskom angažmanu predstavljaju platu profesionalnog sportiste.

(3) Radno vrijeme, odmori i odsustva profesionalnog sportiste prilagođavaju se režimu priprema, odnosno takmičenja.

(4) Profesionalni sportista može biti privremeno upućen u drugu sportsku organizaciju ako da saglasnost, u pisanoj formi, i ako se o tome sporazumiju sportska organizacija sa kojom je u radnom odnosu ili je u sportskom angažmanu i sportska organizacija u koju se upućuje.

Član 123.

(Sportista amater)

(1) Prava, obaveze i odgovornosti sportista amatera uređuju se zakonom, sportskim pravilima nadležnog granskog sportskog saveza i opštim aktima sportske organizacije, a prava, obaveze i odgovornosti sportista amatera takmičara kojima se obezbjeđuje novčana naknada za bavljenje sportom i ugovorom između sportiste i sportske organizacije (ugovor o bavljenju sportom ili ugovor o stipendiranju maloljetnog sportiste ili za sportsko osposobljavanje ili usavršavanje).

(2) Ugovorom o bavljenju sportom sportista amater i sportska organizacija utvrđuju, u skladu sa sportskim pravilima, novčanu naknadu za bavljenje sportskim aktivnostima, novčane i druge naknade za ostvarene sportske rezultate, naknade troškova smještaja i ishrane za vrijeme sportskih priprema i sportskog takmičenja, naknadu za korištenje lika sportiste i naknadu za nabavku sportske opreme.

(3) Ugovorom o stipendiranju maloljetnog sportiste ili ugovorom za sportsko osposobljavanje ili usavršavanje utvrđuje se, u skladu sa sportskim pravilima novčana stipendija, naknada troškova smještaja i ishrane za vrijeme sportskih priprema i sportskog takmičenja, naknada za nabavku sportske opreme i novčane i druge nagrade za postignute sportske rezultate.

(4) Ugovorom iz st. (2) i (3) ovog člana može biti posebno utvrđena i naknada za zaključivanje ugovora.

(5) Ugovor iz st. (2) i (3) ovog člana zaključuje se u pisanoj formi i registruje kod nadležnog granskog sportskog saveza Kantona, ukoliko postoji granski sportski savez Kantona za taj sport.

(6) Ukoliko ne postoji granski sportski savez Kantona za taj sport ugovor iz st. (2) i (3) ovog člana registruje se kod Sportskog saveza Kantona.

(7) Sportska organizacija dužna je da prije zaključivanja ugovora sportistu obavijesti o pravima, obavezama i odgovornostima iz stava (1) ovog člana.

(8) Sportska organizacija ne smije angažovati sportistu amatera bez zaključenog ugovora o bavljenju sportom ili ugovora o stipendiranju ili ugovora za sportsko osposobljavanje ili usavršavanje.

Član 124.

(Ugovor o sportskom angažmanu sportiste amatera)

(1) Sportista amater koji se bavi sportskim aktivnostima kao član sportskog udruženja, bez naknade i ugovora, ima prava utvrđena sportskim pravilima i opštim aktom sportske organizacije.

(2) Sportista amater može zaključiti ugovor o sportskom angažmanu sa sportskom organizacijom pri čemu taj angažman nema karakter radnog odnosa.

(3) Ugovorom o sportskom angažmanu koji nema karakter radnog odnosa, sportista amater i sportska organizacija utvrđuju se:

- a) sportski razvoj,
- b) uslovi za trening i takmičenje,
- c) zdravstvena zaštita i zdravstveno osiguranje u skladu sa propisima kojima je uređena oblast zdravstvenog osiguranja,
- d) redovno izvršavanje obaveza učešća na treningu, u takmičenju, poštovanje sportskih pravila i kodeksa ponašanja.

(1) Ugovor može da sadrži i klauzulu koja se odnosi na:

- a) novčanu naknadu za bavljenje sportskim aktivnostima,
- b) novčanu naknadu i druge naknade za postignute sportske rezultate,
- c) naknadu troškova smještaja i ishrane za vrijeme sportskih priprema i sportskog takmičenja.

(1) Ugovorom može biti utvrđena i naknada za zaključivanje ugovora.

Član 125.

(Ugovor o stipendiranju sportiste do 24. godine)

(1) Ugovorom o stipendiranju sportiste do 24. godine zaključenom sa sportskom organizacijom radi sportskog usavršavanja, u skladu sa sportskim pravilima, utvrđuju se:

- a) novčana stipendija,
- b) naknada troškova smještaja i ishrane za vrijeme sportskih priprema i sportskog takmičenja.

(1) Novčana naknada po ugovoru o stipendiranju sportiste do 24. godine smatra se stipendijom i u skladu sa propisima koji uređuju oblast poreza na dohodak oslobođena je poreskih davanja do iznosa određenog u procentualnom iznosu u odnosu na iznos prosječne plate nakon oporezivanja u Kantonu za prethodni mjesec.

Član 126.

(Trener, kondicijski trener, instruktor i demonstrator)

(1) Trener i kondicijski trener, u smislu ovog zakona, je sportski stručnjak odnosno stručno lice koje programira i provodi sportsku pripremu, sportsku rekreaciju i sportsku obuku.

(2) Poslove trenera i kondicijskog trenera može obavljati lice koje je stručno osposobljeno za rad u sportu u smislu ovog zakona.

(3) Instruktor je lice koje podučava građane osnovnoj tehnici pojedinog sporta ili provodi sportsku rekreaciju građana na osnovu programa koji je izradilo stručno lice osposobljeno za rad u sportu u skladu sa odredbama člana 128. stav (2) ovog zakona.

(4) Demonstrator, u smislu ovog zakona, je sportski stručnjak ili stručnjak u sportu osposobljen za obavljanje određenih djelatnosti, aktivnosti, stručnih i ostalih poslova u oblasti sporta, a koji svojim radom doprinosi ostvarivanju sportskih aktivnosti i djelatnosti.

Član 127.

(Vrste stručnih poslova)

Stručni poslovi u sportu u smislu ovog zakona su:

- a) planiranje, programiranje i realizovanje sportskih aktivnosti djece i omladine,
- b) planiranje, programiranje i realizovanje sportske obuke,
- c) planiranje, programiranje i treniranje sportista,
- d) obučavanje građana u sportskim znanjima i vještinama,
- e) planiranje i realizovanje sportske rekreacije građana,
- f) dijagnosticiranje, praćenje i provjera psihofizičkih i motoričkih sposobnosti učesnika,
- g) planiranje i izvođenje korektivne gimnastike,
- h) sprovođenje pravila u sportu,
- i) informatika u sportu,
- j) menadžment, marketing i komunikacija u sportu,
- k) naučnoistraživačke djelatnosti i evaluacija učinaka sportskih programa,
- l) obrazovanje i edukacija (formalna i neformalna) lica u oblasti sporta, te osposobljavanje i usavršavanje za rad u sportu,
- m) koordinacija i implementacija politika u oblasti sportske etike i fair-playa,
- n) implementacija politika i postupaka za zaštitu sportista od svih oblika zloupotrebe i nasilja,
- o) upravljanje sportskim objektima i opremom.

Član 128.

(Stručna lica u sportu)

- (1) Stručna lica u sportu su sportski radnik, sportski trener, sportski menadžer, sportski psiholog, sportski nutricionista, sportski terapeut, sportski sudija, sportski delegat, sportski komesar, sportski novinar, sportski agent, menadžer sportista, menadžer sportskih organizacija, menadžer sportskih manifestacija, menadžer sportskih objekata, sportski stručnjak i stručnjak u sportu.
- (2) Sva stručna lica u sportu moraju posjedovati relevantne stručne kvalifikacije u skladu s pravilnikom koji će donijeti Vlada Kantona na prijedlog Ministra, a koji se odnosi na stručna lica u sportu i koje stručne kvalifikacije odnosno diplome formalnog i neformalnog obrazovanja, certifikate i licence trebaju posjedovati, kao i način stručnog osposobljavanja i usavršavanja u okviru kontinuirane edukacije u sportu, formalnog i neformalnog obrazovanja u sportu.
- (3) Sva stručna lica u sportu moraju redovno obnavljati svoje kvalifikacije i licence kroz kontinuiranu profesionalnu edukaciju i usavršavanje, u skladu sa standardima i zahtjevima postavljenim od strane odgovarajućeg saveza ili druge nadležne institucije.

Član 129.

(Lice koje se ne može baviti sportom)

- (1) Lice koje je osuđeno pravosnažnom presudom za krivično djelo protiv ustavnog poretka, protiv vrijednosti zaštićenih međunarodnim pravom, protiv života i tijela, protiv slobode i prava čovjeka i građanina, protiv spolne slobode i morala, protiv braka, porodice i omladine, protiv zdravlja ljudi, protiv čovječnosti, protiv opšte sigurnosti ljudi i imovine ne može učestvovati u sportskim takmičenjima, organizovati i voditi sportska takmičenja, obavljati stručne poslove u sportu ni učestvovati u radu tijela upravljanja pravnog lica u oblasti sporta dvije godine od izdržane, oprostene ili zastarjele kazne.
- (2) Lice protiv kojeg se vodi krivični postupak za krivična djela iz stava (1) ovog člana suspendovaće se do okončanja postupka.
- (3) Licu iz stava (2) ovog člana zabranjuje se: učestvovati u sportskim takmičenjima, organizovati i voditi sportska takmičenja, obavljati stručne poslove u sportu i učestvovati u radu tijela upravljanja pravnog lica u oblasti sporta.

Član 130.

(Ugovor o osiguranju sportiste)

- (1) Sportska organizacija dužna je da zaključi ugovor o osiguranju svog sportiste i lica koje obavlja stručne poslove u sportu od posljedica nesretnog slučaja za vrijeme obavljanja sportske aktivnosti.
- (2) Osigurana suma na koju mora biti ugovoreno obavezno osiguranje po jednom sportisti iz stava (1) ovog člana ne može biti niža od 3.000 KM za slučaj smrti sportiste i 6.000 KM za slučaj trajnog gubitka opšte radne sposobnosti sportiste, ili sposobnosti da se bavi sportskim aktivnostima.

Član 131.

(Ugovor o radnom i stručnom angažovanju sportskog stručnjaka i stručnjaka u sportu)

- (1) Sportski stručnjak i stručnjak u sportu može zasnovati radni odnos sa sportskom organizacijom, zaključivanjem ugovora o radu, u skladu sa ovom zakonom i propisima kojima se uređuje oblast rada.
- (2) Sportska organizacija može zaključiti sa sportskim stručnjakom i stručnjakom u sportu i ugovor o stručnom angažmanu koji nema karakter radnog odnosa.
- (3) Sportski stručnjak i stručnjak u sportu prilikom zaključenja ugovora o radu sa sportskom organizacijom, ili ugovora o stručnom angažmanu, mogu posebno ugovoriti naknadu koja nema karakter plate kao što je: naknada za zaključenje ugovora, naknada za korišćenje lika sportskog stručnjaka ili stručnjaka u sportu, novčana nagrada i druge nagrade za postignute sportske rezultate.

Član 132.

(Lice koje učestvuje u organizaciji ili vođenju takmičenja)

- (1) Lice koje učestvuje u organizaciji i vođenju sportskog takmičenja ili sportske manifestacije, kao što je sportski sudija, sportski delegat i komesar, (povjerenik) mora ispunjavati uslove propisane ovim zakonom, pravilima odgovarajućeg kantonalnog sportskog saveza i međunarodnog sportskog saveza, te nadležnog Ministarstva.
- (2) U organizaciji i vođenju sportskog takmičenja ili sportske manifestacije ne može učestvovati lice koje na bilo koji način učestvuje u priređivanju djelatnosti sportske kladionice.
- (3) Vlasnik, zaposleni ili član organa jedne sportske organizacije ne može u isto vrijeme biti i vlasnik ili član organa druge sportske organizacije koja se takmiči u istoj sportskoj grani, u istom rangu takmičenja, ili biti u njoj zaposlen.
- (4) Član organa sportske organizacije ne može biti, pored lica iz stava (2) ovog člana, ni lice koje poslovima i aktivnostima može neposredno da utiče na takmičenja u istom rangu takmičenja, niti da bude vlasnik sportskih kladionica.

Član 133.

(Zabrana za odgovorna lica organizatora takmičenja)

Odgovorna lica organizatora takmičenja ne mogu biti lica koja su pravosnažno osuđena za krivična djela protiv privrede, imovine i službene dužnosti, niti lica pravosnažno osuđena za krivična djela seksualne zloupotrebe i iskorišćavanja djeteta i radnje nasilja u porodici i porodičnoj zajednici na štetu djece, niti lica pravosnažno osuđena za prekršaje u vezi sa sportom.

Član 134.

(Inspeksijski nadzor nad obavljanjem stručnih poslova u oblasti sporta)

- (1) Ukoliko se u postupku inspeksijskog nadzora od strane nadležnog inspektora utvrdi da stručne poslove u oblasti sporta u okviru sportske organizacije obavlja lice koje za to ne ispunjava uslove propisane ovim zakonom, isti će sportskoj organizaciji i toj osobi izreći upravnu mjeru zabrane daljeg obavljanja tih poslova.
- (2) Ukoliko je lice iz stava (1) ovog člana, za koju je od strane nadležnog inspektora utvrđeno da ne ispunjava uslove propisane ovim zakonom za obavljanje stručnih poslova u oblasti sporta, u radnom odnosu sa sportskom organizacijom koja je subjekt inspeksijskog

nadzora, nadležni inspektor će uputiti sportsku organizaciju na obavezu poštivanja odnosno primjene ovog zakona.

POGLAVLJE IV.

ZDRAVSTVENA ZAŠTITA U SPORTU I ANTIDOPING KONTROLA

Član 135.

(Obavezna zdravstvena zaštita i utvrđivanje zdravstvene sposobnosti)

- (1) Svi sportisti, bez obzira na starosnu dob, registrovani kod nadležnog kantonalnog sportskog saveza i aktivni u sportskom sistemu Kantona, obavezni su da se podvrgnu utvrđivanju zdravstvene sposobnosti najmanje jednom godišnje, osim ako pravilima kantonalnog sportskog saveza nije određen kraći period. Utvrđivanje zdravstvene sposobnosti uključuje sistematski pregled koji obavlja ovlašteni doktor medicine - specijalista medicine sporta.
- (2) Sportski stručnjaci i stručnjaci u sportu koji treniraju bilo koju sportsku selekciju ili pojedinačne sportiste u sportskom sistemu Kantona dužni su se podvrgnuti utvrđivanju zdravstvene sposobnosti najmanje jednom u periodu od godinu dana.
- (3) Lica koja učestvuju u organizaciji i vođenju sportskog takmičenja na način da sprovede sportska pravila kantonalnog sportskog saveza i u direktnom su kontaktu sa sportistima takmičarima dužni su se podvrgnuti utvrđivanju zdravstvene sposobnosti na način i u obimu kako to odredi strukovna organizacija ili kantonalni sportski savez kojem pripadaju.

Član 136.

(Pravilnik o zdravstvenoj zaštiti sportista)

- (1) Sportske organizacije i pojedinci koji organizuju sistematsko fizičko vežbanje, sportsku aktivnost i takmičenja, dužni su obezbediti zdravstvenu zaštitu svojim članovima i učesnicima u takmičenju u skladu sa Pravilnikom o zdravstvenoj zaštiti sportista, koji donosi ministar zdravlja Kantona Sarajevo uz saglasnost Ministra.
- (2) Pravilnikom iz stava (1) ovog člana uređuje se način, vrsta, obim i dinamika u kojima se sprovode sistematski pregledi za sve takmičare koji učestvuju u sistemu takmičenja, shodno pravilima kantonalnih sportskih saveza kojima se definiše dinamika pregleda.

Član 137.

(Evidencija o zdravstvenoj zaštiti sportista)

- (1) O utvrđenoj zdravstvenoj sposobnosti sportista vodi se evidencija, unošenjem podataka u medicinsku dokumentaciju, od dana prve registracije za određenu sportsku organizaciju.
- (2) Sadržaj obrasca i način vođenja medicinske dokumentacije iz stava (1) ovog člana utvrđuje se u skladu sa zakonom kojim se uređuje statistika i evidencija u oblasti zdravstva.

Član 138.

(Zabrana izlaganja nedozvoljenim aktivnostima i upotrebi nedozvoljenih stimulativnih sredstava)

- (1) Pravnom i fizičkom licu zabranjeno je sportistu izložiti sportskim aktivnostima koje mogu ugroziti ili pogoršati njegovo zdravstveno stanje.
- (2) Sportisti je zabranjena upotreba nedozvoljenih stimulativnih sredstava, u skladu sa međunarodnim sportskim pravilima.
- (3) Fizičkom licu u oblasti sporta je zabranjeno navođenje na upotrebu i davanje nedozvoljenih stimulativnih sredstava sportisti.

Član 139.

(Zdravstvena sposobnost za bavljenje školskim sportom)

Zabranjeno je uključiti učenike i studente u van nastavne sportske aktivnosti i sportska takmičenja ako prethodno nije utvrđena njihova zdravstvena sposobnost za bavljenje sportom. Sistematski pregledi moraju biti obavljeni od strane ovlašćenog doktora medicine - specijaliste medicine sporta, i to pre uključivanja učenika ili studenata u sportske aktivnosti.

Član 140.

(Antidoping kontrola)

- (1) Antidoping kontrola se sprovodi u skladu sa međunarodnim sportskim pravilima i nacionalnim zakonodavstvom. Kontrolu vrše ovlašćene institucije, a sve u cilju zaštite zdravlja sportista i očuvanja fer plej duha u sportu.
- (2) Svi sportisti podložni su antidoping kontroli, a odbijanje testiranja tretira se kao povreda antidoping pravila.
- (3) Sportisti, treneri, i drugi sportski stručnjaci imaju dužnost da se edukuju o antidoping, njegovim posledicama i načinima prevencije.

Član 141.

(Postupak i sankcije u slučaju povrede antidoping pravila)

- (1) Postupak u slučaju povrede antidoping pravila, kao i sankcije za prekršioce, uređuju se u skladu sa međunarodnim sportskim pravilima i nacionalnim zakonodavstvom.
- (2) Zabranjeno je ometanje ili manipulisanje postupkom antidoping kontrole. Svaka takva radnja biće tretirana kao povreda antidoping pravila i biće adekvatno sankcionisana.
- (3) Sportske organizacije imaju dužnost da podrže borbu protiv dopinga i da saraduju sa relevantnim antidoping agencijama.

Član 142.

(Edukacija o antidoping)

Sportske organizacije, treneri i sportski stručnjaci imaju obavezu da obrazuju sportiste o štetnim posledicama dopinga i o važnosti fer-pleja. Edukacija o antidoping treba da bude deo redovnih programa obuke za sportiste, trenere i sportske stručnjake.

DIO TREĆI – SPORTSKA TAKMIČENJA I PRIREDBE, SPORTSKI OBJEKTI, SUZBIJANJE NEDOLIČNOG PONAŠANJA NA SPORTSKIM PRIREDBAMA I INFORMATIKA U SPORTU

Član 143.

(Uslovi za organizaciju takmičenja)

- (1) Sportsko takmičenje ili manifestacija može se organizovati ukoliko organizator ima obezbeđen odgovarajući objekat, odnosno teren ili prostor, opremu, stručna i druga lica, i ako ispunjava druge uslove u skladu sa zakonskim propisima i sportskim pravilima. Organizator mora obezbediti dokaz o ispunjavanju ovih uslova.
- (2) Sportista, sportska organizacija, sportski trener, sportski sudija, sportski delegat, odnosno drugo stručno i službeno lice, može da učestvuje na sportskom takmičenju ili manifestaciji ako ispunjava uslove utvrđene ovim zakonom i sportskim pravilima. U slučaju nepoštovanja ovih uslova, sleđuju odgovarajuće sankcije.
- (3) Sportski sudija, sportski delegat i drugo službeno lice koje učestvuje u organizaciji i održavanju sportskog takmičenja, priredbe i manifestacije, može ostvariti pravo na naknadu troškova i naknadu za obavljanje svojih dužnosti, u skladu sa pravilima nadležnog granskog saveza ili sportskog saveza Kantona. Naknade moraju biti transparentne i jasno definisane.
- (4) Naknada troškova i obavljanja dužnosti iz stava (3) ovog člana, ne odnosi se na sportsko takmičenje ili manifestaciju koja se organizuje pod rukovodstvom međunarodnog sportskog

saveza na teritoriji Kantona.

(5) Sportskoj organizaciji je zabranjeno da organizuje bilo koje takmičenje ili manifestaciju koja se zasniva na "slobodnoj borbi" dva ili više lica. Kršenje ovog stava će rezultirati sankcijama koje će biti utvrđene propisima sportskog saveza i/ili zakonskim propisima.

Član 144.

(Međunarodna sportska takmičenja)

(1) Sportska organizacija može se kandidovati za organizovanje međunarodnog sportskog takmičenja na teritoriji Kantona, ukoliko ispuni sledeće uslove:

- a) formira inicijativni odbor za pripremu kandidature.
- b) pripremi projekat realizacije, odnosno plan o organizovanju i finansiranju takmičenja.
- c) pribavi mišljenje jedinice lokalne samouprave.
- d) pribavi saglasnost Ministarstva.
- e) pribavi saglasnost Ministarstva civilnih poslova Bosne i Hercegovine i nadležnog entitetskog organa, Ministarstva.

(1) Međunarodna sportska takmičenja u smislu ovog zakona su: olimpijske i paraolimpijske igre, svjetsko i evropsko prvenstvo, mediteranske igre, univerzijada, svjetski, evropski kup i finalni turnir svjetske lige, zimski i ljetni olimpijski festival mladih Evrope, svjetski olimpijski festivali mladih, balkansko i drugo regionalno prvenstvo, finale i finalni turnir evropskog klupskog takmičenja, kriterijumski i kvalifikacioni međunarodni sportski turnir. Popis vrsta međunarodnih sportskih takmičenja može se ažurirati u skladu sa novim razvojem u svetu sporta.

(2) Sportska takmičenja i priredbe (manifestacije, susreti, smotre, igre) organizuju se s ciljem afirmacije i popularizacije sporta, postizanja vrhunskih sportskih rezultata, te afirmacije sportskih vrednosti Kantona.

(3) Saglasnost za podnošenje kandidature za organizovanje međunarodnog sportskog takmičenja daje se na osnovu sledećih kriterijuma:

- a) uticaj na razvoj i širenje sportske grane ili grane sporta u kojoj će se takmičenje održati,
- b) broj direktnih posmatrača događaja,
- c) ekonomski benefit,
- d) interes javnosti i ovlašćenih emitovanja za televizijski prenos i radio-prenos, i drugim načinima medijskog izveštavanja,
- e) afirmacija vrednosti sporta Kantona,
- f) takmičenje treba da se organizuje u sportskoj grani ili grani sporta koja ima organizacionu i takmičarsku tradiciju u Kantonu,
- g) ekološki uticaj događaja,
- h) dostupnost i pristupačnost događaja za osobe s invaliditetom.

Član 145.

(Sportska priredba)

(1) Pod pojmom sportske priredbe podrazumijeva se organizacija sportskog takmičenja ili sportske manifestacije.

(2) Organizovanjem sportskog takmičenja ili sportske manifestacije može se baviti sportska organizacija i drugo lice upisano u sportski registar pod uslovima utvrđenim ovim zakonom i sportskim pravilima.

Član 146.

(Sportski objekat)

(1) Sportski objekat je, u smislu ovog zakona, višenamjenski otvoren ili zatvoren prostor namijenjen obavljanju sportskih aktivnosti.

(2) Sportski objekat, osim prostora koji je namijenjen obavljanju sportskih aktivnosti, mora

da ima neophodne prateće sadržaje i opremu te da bude pristupačan licima sa invaliditetom.

(3) Sportski objekti moraju ispunjavati propise međunarodnih sportskih asocijacija kao i standarde propisane odgovarajućim zakonima i drugim propisima.

Član 147.

(Kategorizacija sportskih objekata)

(1) Prema vrsti prostora u kome se obavlja sportska aktivnost, sportski objekat može biti:

- a) zatvoreni sportski objekat.
- b) otvoreni sportski objekat/teren.

(1) Sportski objekat koji u svom sastavu ima i zatvorene i otvorene sportske prostore iz stava (1) ovog člana u kojima se obavljaju sportske aktivnosti razvrstava se prema pretežnoj površini otvorenog ili zatvorenog dijela prostora.

(2) Zatvoreni sportski objekat je objekat koji predstavlja fizičku, funkcionalnu i tehničko-tehnološku cjelinu sa svim instalacijama, postrojenjima i opremom namijenjenim za obavljanje određenih sportskih aktivnosti, kao što su hale, bazeni, balon-sale i slični objekti.

(3) Otvoreni sportski objekat/teren je posebno uređena površina namijenjena za obavljanje određenih sportskih aktivnosti koja je, u skladu sa ovim zakonom, klasifikovana kao javni sportski teren.

(4) Izuzetno, za potrebe obavljanja treninga i realizacije takmičenja, javni put, rijeka i jezero smatraju se otvorenim sportskim terenom u skladu sa ovim zakonom.

Član 148.

(Obaveze vlasnika sportskog objekta)

(1) Vlasnik, odnosno držalac sportskog objekta (u daljem tekstu: vlasnik) dužan je:

- a) da ga koristi u skladu sa propisima i namjenom sportskog objekta,
- b) da ga održava u tehnički ispravnom stanju i da obezbijedi odgovarajuće sanitarno-higijenske uslove,
- c) da preduzme mjere kojim se predupređuje rizik nastanka štete za korisnike i treća lica i kojim se utiče na povećane rizike.

(1) Pri izgradnji, rekonstrukciji i održavanju kapitalnih sportskih objekata obavezno se poštuju pravila nadležnih međunarodnih sportskih saveza.

(2) Vlasnik sportskog objekta je dužan da obezbijedi pristupačnost sportskog objekta licima sa invaliditetom.

(3) Pri izgradnji, rekonstrukciji i održavanju sportskih objekata koji su namijenjeni i organizovanju sportskih takmičenja ili manifestacija, obavezno se poštuju pravila nadležnih kantonalnih sportskih saveza.

Član 149.

(Namjena i promjena namjene sportskog objekta)

(1) Namjena sportskog objekta za koji postoji odgovarajuća urbanistička dokumentacija ne može se promijeniti.

(2) Ministarstvo, po pribavljanju saglasnosti Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo i mišljenja jedinice lokalne samouprave na čijoj se teritoriji nalazi objekat, izuzetno, može odobriti privremenu ili trajnu promjenu namjene sportskog objekta, ili njegovog dijela namijenjenog izvođenju sportskih aktivnosti, ukoliko je ispunjen jedan od sljedećih uslova:

- a) da je na odgovarajući način obezbijedeno obavljanje sportskih aktivnosti na području na kojem se nalazi objekat,
- b) da više ne postoji potreba za konkretnim sportskim objektom,
- c) da je promjena namjene u javnom interesu u bitno većoj mjeri nego što je održavanje namjene objekta,
- d) da objekat služi samo ličnim sportskim aktivnostima vlasnika, njegovih srodnika ili gostiju.

(1) Odredbe st. (1) i (2) ovog člana odnose se i na slučajeve potpunog ili djelimičnog rušenja sportskog objekta, ili zatvaranje objekta za korišćenje u sportske svrhe (osim ako su u pitanju mjere rekonstrukcije ili održavanja koje ne traju duže od godinu dana), kao i izmjene mogućnosti korišćenja sportskog objekta na način da objekat može da koristi značajno manji broj lica nego ranije.

(2) Dopuštena je promjena namjene dijela pratećeg prostora sportskog objekta, uključujući i zemljište koje pripada sportskom objektu, pod uslovom da nije u pitanju garderobni, sanitarni, gledališni, parking-prostor i sličan prostor, da promjene ne ugrožavaju izvođenje i praćenje sportskih aktivnosti i da ne umanjuju funkcionalnost objekta.

(3) Nadležni organ jedinice lokalne samouprave daje saglasnost na promjenu iz stava (4) ovog člana.

Član 150.

(Javni sportski teren)

(1) Javni sportski teren, u smislu ovog zakona, posebno je uređena površina namijenjena za određene sportske aktivnosti, kao što su trim-staze, skijališta, planinarske staze, biciklističke staze, ribolovne staze, plaže, otvoreni sportski tereni u naseljenim mjestima i slični tereni, dostupni građanima pod jednakim uslovima.

(2) Javni sportski teren mora biti uređen, obilježen, opremljen i održavan u stanju koje osigurava odgovarajući nivo sportskih aktivnosti i bezbjedno korišćenje, u skladu sa zakonom.

(3) Vlasnik javnog sportskog terena može da obavlja djelatnost, odnosno poslove u vezi sa korišćenjem terena:

- a) da uredi, obilježi, opremi i održava teren tako da je bezbjedan za korisnike,
- b) da na terenu obezbijedi odgovarajuću signalizaciju, tako da se ona ne može lako ukloniti i da odgovara stvarnim uslovima korišćenja terena,
- c) da uredi pravila o redu na terenu i da obezbijedi odgovarajući broj stručno osposobljenih i jasno označenih lica za održavanje reda na terenu u svojstvu redara, ako to priroda korišćenja terena zahtijeva,
- d) da obezbijedi odgovarajući broj spasilaca, ako priroda korišćenja terena zahtijeva,
- e) da obezbijedi pružanje hitne medicinske pomoći na terenu, ako to priroda korišćenja terena zahtijeva.

(1) Vlasnik javnog sportskog terena dužan je da prekine sa korišćenjem terena ili dijela terena i da to na pogodan način objavi, ukoliko nastupe okolnosti koji ugrožavaju bezbjednost na terenu, sve dok traju okolnosti zbog kojih je prekinuto korišćenje terena.

(2) Ovlašteno lice vlasnika javnog sportskog terena dužno je da upozori, odnosno udalji sa terena ili njegovog dijela, lica koja se ne pridržavaju pravila utvrđenih ovim zakonom i pravila o redu na terenu, a ako ona postupe suprotno nalogima ili pruže fizički otpor, da o tome bez odlaganja obavijeste ovlašteno lice organa nadležnog za unutrašnje poslove.

(3) Ministar donosi pravilnik kojim se propisuje postupak utvrđivanja uslova iz stava (3) ovog člana.

Član 151.

(Sportski objekti od interesa za Kanton)

(1) Sufinansiranje izgradnje, održavanje, evidencija i korištenje sportskih objekata od interesa za Kanton reguliše se posebnim sporazumom između institucija Kantona i vlasnika objekta.

(2) Posebnim pravilnikom koji donosi Ministar, nakon usaglašavanja sa Vladom i Skupštinom i jedinicama lokalne samouprave u Kantonu, propisat će se uslovi za utvrđivanje sportskih objekata od interesa za Kanton.

Član 152.

(Suzbijanje nasilja i nedoličnog ponašanja gledalaca na sportskim priredbama)

(1) S ciljem sprečavanja i suzbijanja nasilja i nedoličnog ponašanja gledalaca na sportskim

priredbama, nadležni organi Kantona dužni su da preduzmu potrebne mjere u skladu sa Evropskom konvencijom o nasilju i nedoličnom ponašanju gledalaca na sportskim priredbama, posebno na fudbalskim utakmicama.

(2) Posebnim zakonom utvrdiće se način i mjere za sprečavanje i suzbijanje nasilja i nedoličnog ponašanja gledalaca na sportskim priredbama.

(3) Obaveza organizatora sportskih takmičenja je bezbjednost održavanja sportskih takmičenja koja podrazumjeva: bezbjednost gledalaca, takmičara i drugih učesnika sportskog takmičenja ili sportske priredbe i stvaranje okruženja koje sprečava, suzbija i sankcioniše nedolično ponašanje, nered, te nasilje prije, za vrijeme i nakon sportskog takmičenja ili sportske priredbe, zaštitu gledalaca, zaštitu drugih građana (fizičkih lica) i njihove imovine i imovine pravnih lica.

(4) Suzbijanje nasilja i nedoličnog ponašanja gledalaca na sportskim priredbama se provodi u skladu sa važećim propisom koji reguliše sprečavanje nasilja i nedoličnog ponašanja na sportskim priredbama.

Član 153.

(Informacioni sistem u sportu)

(1) S ciljem sistematskog praćenja i evidentiranja stanja u sportu, stručnoj, naučnoj i izdavačkoj djelatnosti, organizuje se jedinstven informacioni sistem u sportu.

(2) Sadržaj i oblik informacionog sistema utvrđuje sektor za sport Ministarstva civilnih poslova BiH, u skladu sa standardima evropske sportske informacione mreže.

(3) Informacioni sistem Kantona zajedno sa informacionim sistemom Bosne i Hercegovine čine jedinstven sistem.

(4) Sva pravna i fizička lica registrovana za obavljanje sportskih aktivnosti obavezna su da vode evidenciju u skladu sa jedinstvenim informacionim sistemom u sportu.

Član 154.

(Evidencije u sportu)

(1) Radi organizovanog i sistematskog praćenja stanja u sportu i dugoročnog planiranja njegovog razvoja u Kantonu, Sportski savez Kantona vodi sljedeće evidencije:

- a) kategorisanih sportista.
- b) preduzetnika u sportu.
- c) organizacija u oblasti sporta.
- d) sportskih stručnjaka i stručnjaka u sportu.
- e) realizatora programa i programa kojima se ostvaruje opšti interes u oblasti sporta.
- f) sportskih objekata.
- g) međunarodnih sportskih manifestacija od značaja za Kanton.

(1) Evidencije iz stava (1) ovog člana trajno se čuvaju.

(2) Evidencije iz stava (1) ovog člana vode se kao kantonalni sportski informaciono-dokumentacioni sistem, primjenom elektronskih sredstava za obradu i skladištenje podataka.

(3) Organizacije i pojedinci u oblasti sporta dužni su da podnesu Sportskom savezu Kantona prijavu za upis u evidencije, osim ako nije drugačije određeno ovim zakonom.

(4) Svaka promjena podataka koji se vode u evidenciji prijavljuju se Sportski savez Kantona u roku od 30 dana od dana nastanka promjene.

(5) Sportske organizacije vode evidencije svojih članova i o podacima koji se upisuju u evidencije iz stava (1) ovog člana i druge evidencije, u skladu sa zakonom.

(6) Sportske organizacije i druge organizacije i ustanove koje se bave kontinuiranom edukacijom u sportu vode evidencije o stručnom usavršavanju i osposobljavanju.

(7) Sportske organizacije vode evidencije o opštim aktima organizacije.

(8) Ministar donosi pravilnik kojim se uređuje sadržaj, način vođenja evidencije te pristup podacima iz st. (1) i (8) ovog člana.

DIO ČETVRTI – FINANSIRANJE SPORTA

Član 155.

(Finansiranje Javnog interesa u oblasti sporta)

- (1) Finansiranje javnog (općeg) interesa u oblasti sporta uključuje, ali nije ograničeno na:
- a) obezbjeđivanje uslova za pripremu, učešće i ostvarivanje vrhunskih sportskih rezultata sportista na olimpijskim igrama, paraolimpijskim igrama i drugim zvaničnim međunarodnim sportskim takmičenjima.
 - b) aktivnosti i programi sportskih organizacija, sportskog saveza Kantona, granskih saveza, kao i aktivnosti pojedinaca u sportu, preko kojih se ostvaruju opšti interesi iz oblasti sporta.
 - c) izgradnju, opremanje i održavanje sportskih objekata koji su od posebnog značaja za razvoj sporta na području Kantona, vodeći računa o regionalnoj pokrivenosti.
 - d) naučne skupove i istraživačko-razvojne i naučnoistraživačke projekte u sportu, u organizaciji registrovanih ustanova na području Kantona za obavljanje naučnoistraživačkog rada u sportu.
 - e) unapređenje stručnog rada i stručno osposobljavanje u oblasti sporta kroz kontinuiranu edukaciju u sportu.
 - f) unapređenje zdravstvene zaštite sportista.
 - g) unapređenje rekreativnog sporta, promocija i podsticanje bavljenja sportom svih građana Kantona, a naročito djece, žena, omladine, lica sa invaliditetom, sportskih veterana i zaposlenih.
 - h) sprečavanje negativnih pojava u sportu, kao što su doping, nasilje i nedolično ponašanje.
 - i) organizaciju međunarodnih i kantonalnih sportskih manifestacija od posebnog značaja za Kanton.
 - j) aktivnosti na ispunjavanju međunarodnih obaveza u oblasti sporta i razvoj sporta u dijaspori.
 - k) obezbjeđivanje uslova za organizovanje i održavanje školskih i studentskih takmičenja na teritoriji Kantona,
 - l) unapređenje izdavaštva i javnog informisanja u sportu od kantonalnog značaja.
 - m) obezbjeđenje uslova za rad školskih sportskih sekcija,
 - n) stvaranje uslova i organizovanje sportskih škola, centara i sportskih kampova od posebnog značaja za razvoj sporta u Kantonu.
 - o) stipendije za osposobljavanje ili usavršavanje vrhunskih sportista amatera i novčana pomoć vrhunskim sportistima sa posebnim zaslugama,
 - p) sportska priznanja Kantona.
 - r) djelatnosti i programe organizacija u oblasti sporta čiji je osnivač Kanton.
- (2) Precizne definicije javnog interesa u oblasti sporta biće utvrđene u posebnom pravilniku koje donosi Ministarstvo.

(1) Za ostvarivanje opšteg interesa u oblasti sporta iz stava (1) ovog člana, obezbjeđuju se sredstva u budžetu Kantona od najmanje 1.5 % planiranog budžeta Kantona za svaku tekuću godinu, a način raspodjele ovih sredstava biće utvrđen posebnim pravilnikom.

(2) Svaka organizacija ili pojedinac koji prima sredstva za aktivnosti navedene u ovom članu mora podnijeti detaljan izvještaj o korišćenju sredstava, koji je dostupan javnosti.

(3) U slučaju zloupotrebe sredstava, nepravilnosti u upravljanju finansijama ili neadekvatnog trošenja sredstava, primenjuju se sankcije u skladu sa zakonom.

Član 156.

(Programi i projekti u oblasti sporta)

- (1) Opći interes iz oblasti sporta iz člana 155. ovog zakona realizuje se kroz finansiranje ili sufinansiranje određenih programa i projekata (u daljem tekstu: programi), ako ovim zakonom nije drugačije određeno.

(2) Programe iz stava (1) ovog člana dostavljaju nosioci programa u smislu ovog zakona prema dinamici utvrđenoj programskim kalendarom u skladu sa ovim zakonom.

Član 157.

(Ugovor o realizaciji programa)

(1) Ministarstvo zaključuje ugovor o realizovanju programa sa nosiocima odobrenog programa, odnosno predlagačem programa, kojim se obavezno utvrđuje:

- a) naziv i sjedište nosioca programa.
- b) vrsta i sadržaj programa.
- c) vrijeme realizacije programa, odnosno obavljanja aktivnosti.
- d) ciljevi i očekivani rezultati.
- e) iznos dodijeljenih sredstava.
- f) vremenski plan upotrebe sredstava.
- g) način nadzora nad odvijanjem realizacije programa.
- h) obaveze nosioca programa koje se odnose na namjensko korištenje sredstava i realizacije programa.
- i) obaveze nosioca programa koje se odnose na podnošenje izvještaja o realizaciji programa.
- j) obaveze nosioca programa koje se odnose na dokazivanje realizacije programa i namjenskog korištenja sredstava.
- k) obaveze nosioca programa koje se odnose na publicitet programa.

(1) Ukoliko se nosilac odobrenog programa ne odazove pozivu za zaključenje ugovora u roku od 15 dana od dana obavještenja, smatraće se da je odustao od prijedloga programa.

Član 158.

(Podnošenje prijedloga programa)

(1) Prijedlog godišnjeg programa svojih aktivnosti mogu podnijeti kantonalni sportski savezi i sportske organizacije, preko kojih se ostvaruje opći interes u oblasti sporta.

(2) Prijedlog programa izgradnje, rekonstrukcije, sanacije i opremanja sportskih objekata ili terena podnosi vlasnik, odnosno korisnik zemljišta, sportskog objekta ili terena uz saglasnost vlasnika zemljišta, sportskog objekta ili terena.

(3) Prijedlog stipendiranja za sportsko osposobljavanje ili usavršavanje vrhunskih sportista priznanja za poseban doprinos razvoju i afirmaciji sporta, dodjele nagrada i novčane pomoći vrhunskim sportistima i organizacija kampova za perspektivne sportiste, podnosi nadležni kantonalni sportski savez.

(4) Prijedlog programa organizovanja međunarodne sportske manifestacije od posebnog značaja za Kanton podnosi učesnik u sistemu sporta koji ima saglasnost za kandidovanje i organizovanje te manifestacije, obezbijedenu u skladu sa ovim zakonom.

(5) Prijedlog istraživačko-razvojnih i naučnoistraživačkih projekata u sportu podnose visokoškolske ustanove akreditovane u Kantonu, instituti i ustanove koje se bave istraživačko-razvojnim i naučnoistraživačkim radom u oblasti sporta.

(6) Prijedlog programa kontinuirane edukacije u sportu podnose kantonalni sportski savezi i organizacije u oblasti sporta, visokoškolske ustanove akreditovane u Kantonu i ustanove, koji imaju saglasnost za sprovođenje kontinuirane edukacije u sportu u skladu sa ovim zakonom.

Član 159.

(Uslovi i kriterijumi)

(1) Prijedlozi programa kojim se ostvaruje opšti interes u oblasti sporta odobravaju se, a visina sredstava za dodjelu utvrđuje se na osnovu sljedećih kriterijuma:

- a) nosilac programa je obavezan da obezbijedi za realizaciju programa dio sopstvenih sredstava, kao i sredstava drugih lica ukoliko iz realizacije programa za njih nastaju očigledno izračunljive koristi, program se finansira samo ako se ne može u dovoljnoj mjeri realizovati bez sredstava iz budžeta Kantona i ako je davanje sredstava opravdano i prema

osnovu i prema visini,

- b) program se finansira u iznosima i pod uslovima koji obezbjeđuju, odnosno koji su podobni da se uz najmanji utrošak sredstava iz budžeta Kantona postignu namjeravani rezultati,
 - c) program obavezno mora biti od kantonalnog ili šireg lokalnog značaja i obavezno se mora odnositi na oblasti utvrđene ovim zakonom,
 - d) sportska grana ili grana sporta u okviru koje se realizuje program obavezno mora da ostvaruje opšti interes u oblasti sporta u skladu sa članom 155. ovog zakona,
 - e) nosilac programa obavezno mora da bude registrovan u skladu sa ovim zakonom, da isključivo ili pretežno posluje na neprofitnoj osnovi, da ima sjedište u Kantonu, da je direktno odgovoran za pripremu i izvođenje programa, da je prethodno obavljao sportsku djelatnost najmanje godinu dana i da je sa uspjehom realizovao odobreni program iz prethodne godine,
 - f) nosilac programa ne smije da bude u postupku likvidacije, stečaja ili pod privremenom zabranom obavljanja djelatnosti: ima blokadu poslovnog računa, poreske dugove ili dugove prema fondovima obaveznog osiguranja; bude u posljednje dvije godine pravosnažnom presudom osuđen za krivično djelo ili prekršaj u vezi sa obavljanjem djelatnosti i zloupotrebe službenog položaja,
 - g) između programa organizovanja, odnosno učešća na sportskim manifestacijama, pod jednakim uslovima, prioritet imaju programi koji se odnose na sportske manifestacije višeg ranga,
 - h) između programa učešća na velikim međunarodnim sportskim manifestacijama, pod jednakim uslovima, prioritet imaju programi čijom realizacijom se očekuje postizanje plasmana sportista iz Kantona u prvu trećinu takmičara po rezultatima,
 - i) pod jednakim uslovima, prioritet imaju programi granskih sportskih saveza u odnosu na programe sportskih organizacija,
 - j) prije odobravanja sredstava mora se utvrditi da li se predloženi program finansira ili će se finansirati iz drugih javnih sredstava,
 - k) aktivnosti i mjere, po pravilu, obavezno moraju biti u okvirima kantonalnog programa razvoja sporta,
 - l) program obavezno mora biti u skladu sa opštim aktima podnosioca prijedloga programa i sportskim pravilima,
 - m) prijedlog programa i dostavljena dokumentacija obavezno mora da ispunjava propisane formalne uslove, a navedeni podaci moraju biti potpuni i istiniti,
 - n) finansiranje aktivnosti granskog sportskog saveza preko kojih se ostvaruju opšti interesi u oblasti sporta može da obuhvata samo dio zarade zaposlenih i materijalnih troškova, u zavisnosti od stručnosti posla, upotrebljivosti za sport, primjenjivosti posla i izraženosti javnog interesa za određeni posao u sportu. Sredstva se, po pravilu, isplaćuju jednokratno, a izuzetno u ratama,
 - o) troškovi realizacije programa obavezno moraju biti opravdani i u neposrednoj vezi sa ciljevima realizacije programa, odnosno opravdani direktni troškovi, s tim da se suma koja ne prelazi 30% od opravdanih direktnih troškova realizacije programa može obezbijediti za pokriće administrativnih dodatnih troškova nosioca programa za potrebe realizacije programa na ime opravdanih indirektnih troškova,
 - p) program obavezno mora da odgovara uobičajenim mjerilima koja određuju broj učesnika u programu i resurse potrebne za realizaciju određene vrste programa, uključujući i potrebna novčana sredstva,
 - r) završeni programi mogu se izuzetno finansirati iz sredstava budžeta Kantona samo ako je riječ o troškovima koje nosilac programa ne može da namiri i koje nije mogao da predvidi.
- (1) Prioritet, pod jednakim uslovima, imaju programi koji ispunjavaju kriterijume iz stava (1) ovog člana, a koji su strukturne i razvojne prirode.
 - (2) Ministar pravilnikom propisuje postupak utvrđivanja uslova iz stava (1) ovog člana, način izrade i dostavljanja izvještaja o realizaciji programa, način i postupak odobrenja

programa i dodjele sredstava i način i postupak kontrole i analize realizacije odobrenih programa.

Član 160.

(Nadzor nad realizacijom programa)

- (1) Ministarstvo vrši nadzor nad realizacijom programa i namjenskim korišćenjem odobrenih sredstava.
- (2) Ministarstvo jednom godišnje izvještava Vladu o korišćenju sredstava budžeta Kantona za ostvarivanje programa iz stava (1) ovog člana
- (3) Korisnici sredstava budžeta Kantona za realizaciju programa kojim se ostvaruje opšti interes u oblasti sporta utvrđen ovim zakonom dužni su da Ministarstvu u rokovima utvrđenim ugovorom o realizovanju programa, a najmanje jednom godišnje, dostave izvještaj o svom radu sa potrebnom dokumentacijom, odnosno o ostvarivanju programa ili dijelova programa i korišćenju sredstava budžeta Kantona.
- (4) Nositelj programa kojim se ostvaruje opšti interes u oblasti sporta u završnom izvještaju o realizaciji programa vrši i procjenu postignutih rezultata u odnosu na postavljene ciljeve.
- (5) Ministarstvo može obustaviti dalje finansiranje programa, odnosno jednostrano raskinuti ugovor o realizovanju programa ako korisnik iz stava (2) ovog člana ne dostavi izvještaj u ugovorenom ili traženom, odnosno ostavljenom roku.
- (6) Korisniku sredstava budžeta Kantona za realizaciju programa kojima se ostvaruje opšti interes u oblasti sporta ne mogu biti odobrena sredstva za realizaciju novog programa prije nego što podnese izvještaj u skladu sa stavom (2) ovog člana.
- (7) Sportske organizacije koje su iz budžetskih sredstava dobile sredstva za realizovanje programa, najmanje jednom godišnje, izvještaj o svom radu i o obimu i načinu sticanja i korišćenja sredstava čine dostupnim javnosti i taj izvještaj dostavljaju Ministarstvu, a na svim dokumentima i medijskim promocijama u vezi sa realizovanim programima mora biti istaknuto da se program finansirao sredstvima iz budžeta Kantona.
- (8) Nositelj odobrenog programa dužan je da poslije završetka realizacije programa čuva svu evidenciju, odnosno dokumentaciju koja se odnosi na realizovanje programa, sve do isteka perioda od sedam godina, počev od dana kada je program završen.
- (9) Nositelj odobrenog programa dužan je da namjenski koristi sredstva dobijena iz budžeta Kantona.

Član 161.

(Povrat budžetskih sredstava)

- (1) Sredstva dobijena iz budžeta Kantona za realizovanje programa kojima se ostvaruje opšti interes u oblasti sporta obavezno se moraju vratiti ukoliko nosilac programa:
 - a) netačno i nepotpuno obavijesti davaoca sredstava o bitnim okolnostima u vezi sa odobrenjem i realizovanjem programa,
 - b) ne izvrši program ili ga izvrši u nebitnom dijelu,
 - c) upotrijebi sredstva nenamjenski, u potpunosti ili djelimično ili se ne pridržava propisanih ili ugovorenih mjera koje su utvrđene radi osiguranja realizacije programa,
 - d) ne dostavi u predviđenim rokovima potrebne izvještaje i dokaze,
 - e) spriječi ili onemogućí sprovođenje propisanih, odnosno ugovorenih kontrolnih mjera.
- (1) Ministarstvo po završetku odobrenog programa vrši analizu odobrenog programa i postizanja planiranih efekata, i u slučaju da ocijeni da planirani efekti nisu postignuti u bitnom dijelu, zatražice od nadležnog organa nosioca programa da utvrdi odgovornost lica koja su realizovala program.
- (2) Nositelj programa je dužan da vrati sredstva ili dio sredstava ako je program djelimično realizovan ili je realizovan sa bitnim zakašnjenjem, izuzev ako su realizovanim aktivnostima postignuti bitni efekti programa, a po zahtjevu Ministarstva.

(3) Nosilac programa iz st. (1), (2) i (3) ovog člana ne može dobijati sredstva iz budžeta Kantona i jedinice lokalne samouprave za realizaciju svojih programa dvije godine od kada je utvrđeno postojanje okolnosti iz st. (1), (2) i (3) ovog člana.

Član 162.

(Sredstva za finansiranje)

Sredstva za finansiranje sportskih aktivnosti ostvaruju se:

- a) od članarine,
- b) iz budžetskih sredstava institucija Bosne i Hercegovine, Federacije Bosne i Hercegovine, Kantona i drugih nivoa administrativnog organizovanja,
- c) od donacija i sponzorstva pravnih i fizičkih lica,
- d) iz prihoda od kamata i zakupnina,
- e) od igara na sreću,
- f) iz prihoda stečenih aktivnostima utvrđenim statutom sportske organizacije,
- g) iz drugih prihoda,
- h) od kantonalnih preduzeća koja posluju pozitivno, na prijedlog Ministarstva.

Član 163.

(Olakšice za ulagače sredstava za razvoj sporta)

- (1) Zakonom se utvrđuju posebne olakšice za sportiste i sportske organizacije, a naročito prilikom izgradnje i održavanja sportskih objekata, organizacije velikih sportskih takmičenja, sportskih priredbi, nabavke sportske opreme i u pogledu sistematskih pregleda sportista.
- (2) Olakšice za ulagače sredstava za razvoj sporta utvrđene su važećim propisima iz oblasti poreske politike, na način da, pravnim i fizičkim licima koja ulažu sredstva u razvoj sporta, na uložena sredstva priznaju se troškovi kao porezne olakšice i oslobođeni su poreza.

Član 164.

(Kantonalna nagrada, priznanje i stipendija za sport)

- (1) Kantonalna pojedinačna nagrada, priznanje ili stipendija/školarina dodjeljuju se za izuzetan doprinos u razvoju sporta i afirmaciju Kantona.
- (2) Stipendija/školarina dodjeljuju se na period od jedne godine s mogućnošću obnavljanja temeljem kriterija koji će biti definirani odlukom Vlade na prijedlog Ministra.
- (3) Stipendiju/školarinu primaju takmičari i treneri s područja Kantona koji osvajaju medalju na zvaničnim evropskim, svjetskim i olimpijskim takmičenjima organiziranim od strane međunarodnih sportskih federacija članica IOC-a, IPC-a i Sportaccord-a (GAISF).
- (4) Nagradu ili priznanje mogu primiti kako fizička lica koja aktivno doprinose razvoju i afirmaciji sporta u Kantonu, tako i pravna lica koja pružaju značajnu podršku ili sredstva za razvoj sporta.
- (5) Kriterije za dodjelu kantonalne nagrade, priznanja i stipendije/školarine, kao i organizaciju dodjele, utvrđuje odluka Vlade na prijedlog Ministra.

Član 165.

(Nagrade u sportu)

- (1) Nagrade za poseban doprinos sportu i životno djelo donose se na prijedlog Ministra, Odlukom Vlade na osnovu članova 164., 165 i 166. ovog zakona. Detalji o nominacijama i kriterijima za dodjelu definirat će se unutar te Odluke.
- (2) Nagrade iz stava (1) ovog člana dodjeljuju se sportistima i sportskim radnicima koji su svojim radom i rezultatima doprinijeli razvoju i ugledu sporta Kantona.
- (3) Nagrada se dodjeljuje u iznosu ne većem od pet prosječnih plata Federacije BiH, nakon opozivanja u Kantonu Sarajevo za prethodni mjesec, jednokratno.

Član 166.

(Podrška zaslužnim sportistima i sportskim radnicima)

Izuzetno od člana 173. ovog zakona. Ministar može, u vidu jednokratne godišnje naknade, dodijeliti sredstva u visini najviše do pet prosječnih plata Federacije BiH nakon oporezivanja za prethodni mjesec u Kantonu, kao oblik podrške zaslužnim sportistima i sportskim radnicima preko 50 godina starosti.

Član 167.

(Sportsko priznanje Kantona Sarajevo)

- (1) Sportista ili trener reprezentacije, državljanin Bosne i Hercegovine, sa mjestom prebivališta u Kantonu, koji je kao reprezentativac osvojio medalju na olimpijskim igrama, svjetskim i evropskim prvenstvima u olimpijskim sportovima Međunarodnog olimpijskog komiteta - IOC disciplinama u seniorskoj konkurenciji, može ostvariti pravo na Sportsko priznanje Kantona Sarajevo (u daljem tekstu: Priznanje) ukoliko je imao prijavljeno mjesto prebivališta na teritoriji Kantona od 1. januara 1991. godine do 19. oktobra 2003. godine.
- (2) Sportisti ili treneru reprezentacije, državljaninu Bosne i Hercegovine, koji kao reprezentativac ili trener reprezentacije Bosne i Hercegovine osvoji/osvojio medalju na olimpijskim igrama, svjetskim i evropskim prvenstvima u olimpijskim sportovima Međunarodnog olimpijskog komiteta - IOC disciplinama u seniorskoj i juniorskoj konkurenciji, a u trenutku osvajanja medalje ima/imao mjesto prebivališta na teritoriji Kantona, dodjeljuje se Priznanje.
- (3) Pravo na priznanja iz st. (1) i (2) ovog člana imaju i sportisti sa invaliditetom, kao i njihovi treneri reprezentacije, koji su osvojili medalju na paraolimpijskim igrama pod okriljem Međunarodnog paraolimpijskog komiteta - IPC ili na svjetskim i evropskim prvenstvima organiziranim od strane relevantnih međunarodnih i evropskih sportskih federacija.

Član 168.

(Obračun mjesečnog novčanog primanja)

Priznanje se dodjeljuje u vidu diplome i mjesečnog novčanog primanja u iznosu:

- a) tri prosječne plate nakon oporezivanja u Kantonu za decembar prethodne godine, prema podacima organa nadležnog za poslove statistike, za zlatnu medalju na olimpijskim i paraolimpijskim igrama ili za svjetski rekord u olimpijskim disciplinama,
- b) dvije i po prosječne plate nakon oporezivanja u Kantonu za decembar prethodne godine, prema podacima organa nadležnog za poslove statistike, za srebrnu medalju na olimpijskim i paraolimpijskim igrama ili za zlatnu medalju na svjetskom prvenstvu u olimpijskim disciplinama,
- c) dvije prosječne plate nakon oporezivanja u Kantonu za decembar prethodne godine, prema podacima organa nadležnog za poslove statistike, za bronzanu medalju na olimpijskim i paraolimpijskim igrama ili za srebrnu medalju na svjetskom prvenstvu, kao i zlatnu medalju na evropskom prvenstvu u olimpijskim disciplinama,
- d) jedne i po prosječne plate nakon oporezivanja u Kantonu za decembar prethodne godine, prema podacima organa nadležnog za poslove statistike, za bronzanu medalju na svjetskom prvenstvu ili srebrnu medalju na evropskom prvenstvu u olimpijskim disciplinama i
- e) jedne prosječne plate nakon oporezivanja u Kantonu za decembar prethodne godine, prema podacima organa nadležnog za poslove statistike, za bronzanu medalju na evropskom prvenstvu u olimpijskim disciplinama.

Član 169.

(Ostvarivanje prava na Priznanje)

- (1) Sportista ili trener koji je stekao pravo na Priznanje može ostvariti to pravo nakon navršenih 40 godina, bez obzira na daljnje sportske aktivnosti.
- (2) Ukoliko sportista ili trener, nakon sticanja prava na Priznanje, odluči nastaviti s aktivnim sportskim aktivnostima, ne gubi pravo na Priznanje. Međutim, ukoliko savez izrazi potrebu za njihovim daljnjim angažovanjem, sportista ili trener je obavezan odazvati se tom pozivu. Ukoliko se ne odazovu, mogu izgubiti pravo na Priznanje.

Član 170.

(Sportista koji ostvaruje pravo na sportsko priznanje u drugoj državi)

Sportista koji prima novčanu naknadu za sportsko priznanje u nekoj od država koje su nastale raspadom bivše SFRJ nema pravo na Priznanje.

Član 171.

(Rješenje o dodjeli Priznanja)

- (1) Rješenja o dodjeli Priznanja donosi Ministar.
- (2) Pravo na Priznanje ostvaruje se od dana donošenja rješenja iz stava (1) ovog člana.
- (3) Nositelj Priznanja dužan je svojim ponašanjem i učešćem u društvenim aktivnostima štiti ugled sporta Kantona, u skladu sa olimpijskim načelima i načelima ovog zakona.

Član 172.

(Nosioci priznanja koji su ranije stekli pravo na priznanje)

- (1) Za nosioce priznanja koji su stekli pravo na novčanu naknadu u skladu sa važećim zakonom o sportu, Ministarstvo može, preko nadležnog organa, pokrenuti inicijativu za utvrđivanje vjerodostojnosti prijave mjesta prebivališta u Kantonu.
- (2) Sportisti i treneri koji primaju novčanu naknadu ili koji su nosioci priznanja, a koji su to pravo stekli u skladu sa važećim propisima na bilo kojem nivou administrativnog organizovanja u Bosni i Hercegovini, mogu primati i novčanu naknadu u skladu sa ovim zakonom.

Član 173.

(Pravo na Sportsko priznanje Kantona)

Ministar će donijeti Pravilnik o kategorizaciji sportova, sportista, sportskih stručnjaka i stručnjaka u sportu i dodjeli doživotne novčane naknade zaslužnim sportistima u Kantonu i urediti obaveze zaslužnih sportista, evidencije, nadzor i reviziju nad ostvarenim pravima.

DIO PETI – NADZOR NAD PROVOĐENJEM ZAKONA

Član 174.

(Ministarstvo kulture i sporta Kantona Sarajevo)

Nadležni organ za poslove sporta u Kantonu je Ministarstvo kulture i sporta Kantona Sarajevo, u okviru kojeg se organizuje poseban sektor za sport.

Član 175.

(Upravni i inspeksijski nadzor)

- (1) Upravni i stručni nadzor nad primjenom ovog zakona vrši Ministarstvo putem Sektora za sport.
- (2) Ministarstvo prati primjenu ovog zakona i propisa donesenih na osnovu ovog zakona.
- (3) Pitanje upravnog i stručnog nadzora nad sprovođenjem ovog zakona i propisa koji su doneseni na osnovu ovog zakona na nivou Kantona je u nadležnosti Ministarstva koje putem Sektora za sport vrši poslove nadzora u skladu sa ovlaštenjem ministra, a na osnovu posebnih zakonskih i podzakonskih akata.
- (4) Inspeksijski nadzor nad provođenjem ovog zakona vrši Kantonalna uprava za inspeksijske poslove Kantona Sarajevo u skladu sa svojim nadležnostima.
- (5) Pravna i fizička lica koja obavljaju djelatnost sporta u Kantonu dužna su na zahtjev Ministarstva ili nadležne inspekcije dostaviti podatke ili akte koji se odnose na njihov rad ili su u vezi sa provođenjem ovog zakona, u roku određenom od strane Ministarstva ili nadležne inspekcije, koji ne može biti kraći od osam dana računajući od dana dostavljanja zahtjeva.

(6) Inspekcijski nadzor iz stava (4) ovog člana vrši se putem nadležnih inspektora odnosno inspekcija iz pripadajućih Inspektorata u skladu sa svojim nadležnostima i ovlaštenjima za konkretnu upravnu oblast.

(7) U roku od 30 dana od dana stupanja na snagu ovog zakona direktor Kantonalne uprave za inspekcijske poslove Kantona Sarajevo dužan je organizovati Inspektorat za sport u okviru organizacije Kantonalne uprave za inspekcijske poslove Kantona Sarajevo i uskladiti pravilnik o unutrašnjoj organizaciji sa djelokrugom poslova propisanih ovim zakonom u Kantonalnoj upravi za inspekcijske poslove Kantona Sarajevo uz saglasnost Vlade.

Član 176.

(Nadležnost za vršenje nadzora)

- (1) Inspekcijski nadzor u oblasti sporta vrši:
- a) inspektor nadležan za oblast sporta (u daljem tekstu: inspektor za sport).
 - b) inspektor nadležan za oblast zdravlja u dijelu utvrđivanja zdravstvene sposobnosti sportista i ispunjavanja uslova za obavljanje djelatnosti prema zahtjevima Zavoda, te sanitarni inspektor za oblast i slučajeve sanitarnih uslova kao i minimalnih zdravstveno-sanitarnih uslova.
 - c) inspektor nadležan za rad u vezi sa radnim odnosima fizičkih lica u sportu i zaposlenih u sportskim organizacijama.
 - d) inspektor nadležan za poreze u vezi sa izvršavanjem poreskih obaveza sportskih subjekata.
 - e) inspektor nadležan za građevinarstvo u vezi sa sportskim objektima.
 - f) inspektor nadležan za tržišnu i turističku djelatnost u vezi sa obavljanjem djelatnosti prometa roba i usluga u sportskoj organizaciji, sportskim i sportsko-turističkim objektima.
- (2) Pravna i fizička lica u oblasti sporta dužna su da omogućće nadležnom inspektoratu obavljanje inspekcijskog nadzora i postupe po njegovom nalogu.

Član 177.

(Sadržaj vršenja nadzora)

U sprovođenju nadzora nad pravnim i fizičkim licima u oblasti sporta inspektor za sport utvrđuje stanje u vezi sa obavljanjem sportskih djelatnosti i aktivnosti u skladu sa odredbama ovog zakona i propisa kojim se uređuje inspekcijski nadzor, a naročito:

- a) da li su sportske i druge organizacije u oblasti sporta organizovane u skladu sa odredbama ovog zakona.
- b) da li se poštuju propisi o upisu u odgovarajući registar.
- c) da li sportske organizacije imaju propisana opšta akta i da li su ona usklađena sa zakonom i drugim propisima koji uređuju oblast sporta.
- d) usklađenost tijela upravljanja i nadzora sportske organizacije sa ovim zakonom i opštim aktima sportske organizacije.
- e) da li su odluke i drugi opšti akti sportskih organizacija doneseni u skladu sa ovim zakonom i drugim propisima.
- f) da li lice koje obavlja stručne poslove u sportu ispunjava za to propisane uslove.
- g) da li sportska organizacija koja obavlja i druge djelatnosti ima propisano odobrenje za obavljanje tih djelatnosti.
- h) da li se sportska takmičenja i manifestacije organizuju u skladu sa ovim zakonom i propisima donesenim na osnovu zakona.
- i) da li sportske organizacije vode propisane evidencije i da li dostavljaju nadležnom organu propisane podatke.
- j) da li su ispunjeni uslovi iz člana 38. stav (1) ovog zakona za obavljanje sportskih djelatnosti i aktivnosti.

Član 178.

(Ovlaštenja u vršenju nadzora)

U vršenju inspekcijuskog nadzora inspektor za sport ovlašten je da sportskoj i drugoj organizaciji u oblasti sporta:

- a) naloži otklanjanje nedostataka i nepravilnosti nastalih neizvršavanjem ili nepravilnom primjenom zakona i drugih propisa koji uređuju oblast sporta,
- b) naloži da se upišu u odgovarajući registar ukoliko nisu registrovani, odnosno prijave nastale izmjene,
- c) naloži donošenje propisanih opštih akata, odnosno njihovo usklađivanje sa zakonom i drugim propisima koji uređuju oblast sporta,
- d) naloži da se organ upravljanja i nadzora nad radom sportske organizacije uskladi sa ovim zakonom i opštim aktima sportske organizacije,
- e) naloži da se odluke i drugi opšti akti sportskih organizacija usklade sa ovim zakonom i drugim propisima koji uređuju oblast sporta,
- f) naloži da se za obavljanje stručnih poslova u sportu angažuje lice koje ispunjava propisane uslove,
- g) naloži vođenje i uredno održavanje propisane evidencije i dostavljanje nadležnom organu propisanih podataka,
- h) naloži održavanje sportskih takmičenja i manifestacija u skladu sa ovim zakonom i na osnovu njega donesenih propisa,
- i) naloži da kod Ministarstva pravde i uprave Kantona Sarajevo, Ministarstva pravde Federacije Bosne i Hercegovine ili Ministarstva pravde Bosne i Hercegovine podnesu prijavu radi brisanja iz registra u koji su upisani ako je proteklo dvostruko više vremena od vremena utvrđenog statutom za održavanje skupštine sportskog udruženja,
- j) zabrani rad jer ne ispunjava uslove za obavljanje sportske djelatnosti ili aktivnosti, odnosno u roku određenom u rješenju o otklanjanju nepravilnosti ne ispuni te uslove,
- k) preduzme druge mjere i radnje za koje je ovlašten ovim zakonom i drugim propisima.

DIO ŠESTI – KAZNENE ODREDBE

Član 179.

(Novčane kazne)

- (1) Novčanom kaznom u iznosu od 5.000,00 KM do 10.000,00 KM kaznit će se sportska organizacija ako:
- a) nije upisana u registar pravnih lica u oblasti sporta (član 37. stav (3) ovog zakona),
 - b) ne vodi knjigu članova u skladu članom 46. stav (7) ovog zakona),
 - c) ne primi u članstvo organizaciju koja ispunjava uslove za prijem u članstvo u skladu sa statutom kantonalnog sportskog saveza (član 89. stav (1) ovog zakona),
 - d) ne obezbijedi prioritet organizovanja školskim i studentskim nastavnim i vannastavnim sportskim aktivnostima u vezi sa korišćenjem školskih i univerzitetskih sportskih sala i terena (član 103. stav (4) ovog zakona),
 - e) ne omogući sportisti prava iz člana 116. stav (2) ovog zakona,
 - f) zaključi sa maloljetnim sportistom ugovor suprotno odredbama člana 121. stav (5) ovog zakona),
 - g) ne zaključi ugovor o osiguranju sportiste i lica koje obavlja stručne poslove u sportu od posljedica nesrećnog slučaja za vrijeme obavljanja sportske aktivnosti (član 130. stav (1) ovog zakona),
 - h) omogući da u sportskom natjecanju učestvuje osoba za koju od strane ovlaštenog ljekara nije utvrđena opća i posebna zdravstvena sposobnost (član 135. ovog zakona),
 - i) ne vodi evidenciju o utvrđenoj zdravstvenoj sposobnosti sportiste takmičara (član 137. stav (1) ovog zakona),
 - j) izloži sportistu sportskim aktivnostima koje mogu da ugroze ili pogoršaju njegovo zdravstveno stanje (član 138. stav (1) ovog zakona).

- k) uključujući učenike i studente u van nastavne sportske aktivnosti i sportska takmičenja suprotno članu 139. ovog zakona,
 - l) ukoliko organizuje sportsko takmičenje, a prethodno ne obezbjedi uslove iz člana 143. stav (1) za njegovo održavanje, ili dokaze o ispunjavanju uslova za učešće u sportskom takmičenju ne dostavi nadležnoj inspekciji na njen zahtjev (član 143. stav (2) ovog zakona).
- (2) Za prekršaje iz stava (1) ovog člana kaznit će se i odgovorno lice u sportskoj organizaciji novčanom kaznom u iznosu od 1.000.00 KM do 5.000.00 KM.
- (3) Novčanom kaznom od 500 KM do 1.000 KM kazniće se za prekršaj fizičko lice ako:
- a) nije upisano u registar fizičkih lica u oblasti sporta (član 37. stav (3) ovog zakona),
 - b) učestvuje u sportskom takmičenju ili manifestaciji iako mu nije utvrđena zdravstvena sposobnost u skladu članom 135. ovog zakona,
 - c) izloži sportistu aktivnostima koje mogu da ugroze njegovo zdravlje (član 138. stav (1) ovog zakona),
 - d) uključujući učenike i studente u van nastavne sportske aktivnosti i sportska takmičenja suprotno članu 139. ovog zakona,
 - e) ukoliko organizuje sportsko takmičenje, a prethodno ne obezbjedi uslove iz člana 143. stav (1) za njegovo održavanje, ili dokaze o ispunjavanju uslova za učešće u sportskom takmičenju ne dostavi nadležnoj inspekciji na njen zahtjev (član 143. stav (2) ovog zakona).

DIO SEDMI – PRELAZNE I ZAVRŠNE ODREDBE

Član 180.

(Dužnost lica koja ne ispunjavaju uslove za rad u oblasti sporta)

Lica koja u momentu stupanja na snagu ovog zakona, obavljaju poslove propisane ovim zakonom, odnosno aktivnosti u oblasti sporta, a koja lica ne ispunjavaju uslove propisane ovim zakonom za obavljanje tih poslova, dužna su iste ispuniti u roku od četiri godine, računajući od početka akademske godine u kojoj ovaj zakon stupa na snagu.

Član 181.

(Donošenje pravilnika i podzakonskih akata)

- (1) Ministar će u roku od godinu dana od dana stupanja na snagu ovog zakona donijeti:
- a) Posebne standarde i kriterije za izbor u Vijeće za sport Kantona Sarajevo shodno članu 7. Zakonom o ministarskim, vladinim, i drugim imenovanjima Federacije Bosne i Hercegovine (34. stav (4) ovog zakona),
 - b) Pravilnik o vođenju registra pravnih lica u oblasti sporta na nivou Kantona (37. stav (2) ovog zakona),
 - c) Pravilnik o vođenju registra fizičkih lica u oblasti sporta na nivou Kantona (37. stav (2) ovog zakona),
 - d) Pravilnik o postupku utvrđivanja ispunjenosti uslova za obavljanje sportskih djelatnosti i aktivnosti (član 38. stav (4) ovog zakona),
 - e) Pravilnik o postupku upisa, sadržaju i načinu vođenja sportskog registra (61. stav (6) ovog zakona),
 - f) Pravilnik o kategorizaciji sportova, sportista i sportskih stručnjaka i stručnjaka u sportu (92. stav (6) ovog zakona),
 - g) Pravilnik o organizovanju školskog sporta Kantona Sarajevo i organizaciji školskih sportskih takmičenja Kantona Sarajevo (član 105. stav (1) ovog zakona),
 - h) Pravilnik o organizaciji studentskog sporta na Univerzitetu u Kantonu Sarajevo i organizaciji studenskih sportskih takmičenja na Univerzitetu u Kantonu Sarajevo (član 105. stav (3) ovog zakona).

- i) Pravilnik o ispunjenosti posebnih uslova za sportske organizacije koje vrše obuku svojih članova u više sportskih disciplina (član 109. stav (4) ovog zakona),
 - j) Pravilnik o postupku utvrđivanja uslova za obavljanje djelatnosti i poslova u vezi sa korištenjem javnog sportskog terena (član 150. stav (6) ovog zakona).
 - k) Pravilnik o postupku utvrđivanja sportskih objekata od interesa za Kanton (član 151. stav (2) ovog zakona).
 - l) Pravilnik o sadržaju, načinu vođenja evidencija u sportu, te pristupu podacima (član 154. stav (9) ovog zakona).
 - m) Pravilnik o utvrđivanju opšteg javnog interesa u sportu (član 155. st. (2) i (3) ovog zakona).
 - n) Pravilnik o uslovima i kriterijumima za finansiranje realizacije programa kojima se ostvaruje opšti interes u oblasti sporta (član 159. stav (3) ovog zakona).
 - o) Pravilnik o kategorizaciji sportova, sportista i sportskih stručnjaka i stručnjaka u sportu i dodjeli doživotne novčane naknade zaslužnim sportistima u Kantonu (član 173. ovog zakona).
- (1) Vlada će za provođenje ovog zakona, a na prijedlog Ministarstva u roku od godinu dana od stupanja na snagu ovog zakona donijeti:
- a) Godišnji program razvoja sporta Kantona Sarajevo. (30. stav (2) ovog zakona).
 - b) Posebne standarde i kriterije za izbor u Vijeće za sport Kantona Sarajevo shodno članu 7. Zakona o ministarskim, vladinim, i drugim imenovanjima Federacije Bosne i Hercegovine (34. stav (4) ovog zakona).
 - c) Pravilnik o kategorizaciji sportista na području Kantona Sarajevo (član 120. stav (4) ovog zakona).
 - d) Pravilnik o stručnim kvalifikacijama sportskih stručnjaka stečenih kroz formalno i neformalno obrazovanje na području Kantona Sarajevo (član 128. stav (2) ovog zakona).
 - e) Odluku o utvrđivanju kantonalne nagrade i priznanja za sport, nagrade za posebandoprinos sportu i životno djelo, stipendije i školarine, kao i kriterijuma za njihovu dodjelu (čl. 164. stav (5) i 165. stav (1) ovog zakona).
- (1) Vlada Kantona će u roku od godinu dana na prijedlog Ministarstva predložiti Skupštini Kantona Sarajevo tekst:
- a) Strategiju razvoja sporta Kantona Sarajevo (član 27. stav (1) ovog zakona).
 - b) Program razvoja sporta Kantona Sarajevo (član 28. ovog zakona).
- (1) Vijeće za sport Kantona Sarajevo će donijeti pravila postupka utvrđivanja postojanja sukoba interesa u skladu sa ovim Zakonom u roku od šest mjeseci od dana njegovog imenovanja (član 55. stav (11) ovog zakona).
- (2) Sportski savez Kantona Sarajevo će u roku od šest mjeseci od donošenja ovog zakona donijeti Pravilnik o uspostavljanju, postupcima, rokovima i radu Sportske arbitraže (član 88. stav (5) ovog zakona).
- (3) Do donošenja propisa navedenih u st. (1) i (2) ovog člana primjenjivaće se podzakonski propisi doneseni na osnovu Zakona o sportu ("Službene novine Kantona Sarajevo", broj 45/12 – Prečišćeni tekst i 36/21) koji nisu u suprotnosti sa odredbama ovog zakona.
- (4) Jedinice lokalne samouprave će u roku od šest mjeseci od donošenja Strategije razvoja sporta Kantona Sarajevo donijeti svoje:
- a) Strategije razvoja sporta (član 29. ovog zakona).
 - b) Programe razvoja sporta (član 27. stav (4) ovog zakona).

Član 182.

(Obaveza i rok usklađivanja sa odredbama zakona)

- (1) Nadležni organi, postojeće sportske organizacije, pravna i fizička lica u oblasti sporta koji su registrovani prije stupanja na snagu ovog zakona dužni su da se preregistruju i usklade svoju organizaciju, rad i opšta normativna akta sa odredbama ovog zakona u roku od tri mjeseca od dana stupanja na snagu ovog zakona.

(2) Sportske organizacije iz stava (1) ovog člana koje se ne preregistruju i usklade svoju organizaciju, rad i opšta akta sa odredbama ovog zakona u roku naznačenom u stavu (1) ovog člana gube status sportske organizacije, kao i prava obavljanja sportskih aktivnosti i djelatnosti.

Član 183.

(Pravilnik o zdravstvenoj zaštiti sportista)

Ministar zdravstva Kantona Sarajevo, uz prethodne konsultacije sa Ministrom, u roku od tri mjeseca od dana stupanja na snagu ovog zakona, donosi:

- a) pravilnik o zdravstvenoj zaštiti sportista (član 136. stav (1) ovog zakona),
- b) utvrđuje sadržaj obrasca i način vođenja medicinske dokumentacije o zdravstvenoj sposobnosti sportista (član 137. stav (2) ovog zakona).

Član 184.

(Međusobna saradnja organa i službi nadležnih za sport)

- (1) Radi ostvarivanja javnih interesa iz ovog zakona i drugih interesa sporta, organi i službe lokalne samouprave (grada/općine) nadležni za organizovanje i praćenje sportske djelatnosti, obavezni su da saraduju međusobno i sa nadležnim organima Kantona.
- (2) Ministarstvo, između istaknutih sportista i sportskih stručnjaka sa područja Kantona Sarajevo, predlaže Ministarstvu kulture i sporta Federacije Bosne i Hercegovine i Sektoru za sport u okviru Ministarstva civilnih poslova Bosne i Hercegovine najmanje po jednog kandidata za imenovanje za člana Vijeća za sport Bosne i Hercegovine.

Član 185.

(Kontinuitet podzakonskih propisa)

Do donošenja propisa iz čl. 181. i 183. ovog zakona primjenjivat će se:

- a) Pravilnik o bližim uslovima za organizovanje sportskih priredbi na području Kantona Sarajevo ("Službene novine Kantona Sarajevo", broj 23/03),
- b) Pravilnik o kategorizaciji sportista prema ostvarenim rezultatima ("Službene novine Kantona Sarajevo", broj 1/22),
- c) Pravilnik o bližim uslovima stručne spreme stručnog kadra u sportu ("Službene novine Kantona Sarajevo", broj 23/03),
- d) Pravilnik o kategorizaciji i namjeni sportskih objekata na području Kantona Sarajevo ("Službene novine Kantona Sarajevo", broj 23/03),
- e) Pravilnik o zdravstvenom nadzoru sportista na području Kantona Sarajevo ("Službene novine Kantona Sarajevo", broj 27/03),
- f) Pravilnik o sadržaju i načinu vođenja matičnih evidencija u sportu ("Službene novine Kantona Sarajevo", broj 23/03),
- g) Pravilnik o kriterijima za podršku finansiranju javnog interesa u sportu Kantona Sarajevo ("Službene novine Kantona Sarajevo", broj 8/22),
- h) Pravilnik o kriterijima za sufinansiranje troškova treninga za seniorske ekipe premijerligaških klubova Kantona Sarajevo u ekipnim sportovima ("Službene novine Kantona Sarajevo", broj 27/20).

Član 186.

(Prestanak važenja ranijeg propisa)

Stupanjem na snagu ovog zakona prestaje da važi Zakon o sportu ("Službene novine Kantona Sarajevo", broj 45/12 – Prečišćeni tekst i 36/21).

Član 187.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo"

Broj: 01-02- /24
Sarajevo, __. __. 2024. godine

**PRESJEDAVAJUĆI SKUPŠTINE
KANTONA SARAJEVO**

Elvedin Okerić

O b r a z l o ž e n j e

I – PRAVNI OSNOV:

Pravni osnov za donošenje ovog zakona sadržan je u odredbama člana 11. i 18. stav 1. tačka b) Ustava Kantona Sarajevo ("Službene novine Kantona Sarajevo". br. 1/96, 2/96, 3/96, 16/97, 14/00, 4/01, 28/04, 6/13 i 31/17).

Član 11. Ustava Kantona Sarajevo - "Određivanje nadležnosti - Kanton ima nadležnosti utvrđene Ustavom Federacije i ovim Ustavom. U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu pretpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona."

Izvod iz člana 18. stav 1. tačka b) Ustava Kantona Sarajevo glasi:

"Nadležnosti Skupštine

Skupština Kantona:

b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona."

II – RAZLOZI ZA DONOŠENJE

Novi Zakon o sportu potrebno je donijeti jer je prethodni Zakon o sportu donesen 2001. godine, i uz docnije manje izmjene i dopune se primjenjivao do danas.

U međuvremenu je došlo do ogromnog naučnog i tehničkog razvoja na svim poljima ljudskog djelovanja i stvaralaštva, a posebno u informacionim i elektronskim kapacitetima čime se onda to posljedično odražava na sve sfere društvenog života.

Iz tih razloga ni sport ne može ostati po strani, te je krajnje vrijeme da se donese jedan moderan sveobuhvatan i napredan Zakon o sportu koji će moći pratiti društveni razvoj i omogućiti unapređenje i razvoj sporta.

Osim toga u Programu rada Vlade i Skupštine za 2024. godinu uvrštena je posebna tačka posvećena pripremi i donošenju Zakona o sportu.

III – OBRAZLOŽENJE ODREDBI ZAKONA

Ovim zakonom se reguliše sport u Kantonu Sarajevo (u daljnjem tekstu: Kanton) i jedinicama lokalne samouprave na području Kantona (Grad Sarajevo i općine u sastavu Kantona), uključujući, ali ne ograničavajući se na, osnovne principe sporta, javni interes i ciljeve u sportu, organizaciju sporta, pravna i fizička lica u oblasti sporta, njihova prava i obaveze, zdravstvenu zaštitu u sportu i antidoping kontrolu, sportska takmičenja i priredbe, sportske objekte, suzbijanje nedoličnog ponašanja na sportskim priredbama, informatiku u sportu, finansiranje sporta, nadzor nad provođenjem zakona i kaznene odredbe. Detalji o svakom od ovih elemenata će biti dodatno razrađeni u **poglavljima** ovog zakona."

Dio prvi - Opšte odredbe Zakona (čl. 1. - 5.) pored pregleda sadržaja Zakona, sadrže odredbe o rodnoj ravnopravnosti, o zabrani diskriminacije sportista, definicije sporta i definicije osnovnih pojmova korištenih u Zakonu,

U poglavlju I (članovi 6. - 20.) navedeni su osnovni principi na kojima se organizira sport u Kantonu Sarajevo i to: **(Osnovni principi u sportu)**

Osnovni principi na kojima se organizira sport na teritoriji Kantona su:

- a) poštovanje prava i sloboda sportista, uključujući njihovu zaštitu od bilo kakve diskriminacije ili zloupotrebe.
- b) afirmacija duha olimpizma, uključujući promociju mira, solidarnosti, prijateljstva i poštovanja fer pleja.
- c) garantovanje prava svih građana da se bave sportom pod jednakim uslovima bez diskriminacije na bilo kojoj osnovi, uključujući ravnopravno učešće muškaraca i žena u sportu.
- d) angažovanje svih nivoa vlasti u stvaranju povoljnih uslova za razvoj sporta, uključujući materijalnu podršku, osposobljavanje i usavršavanje, te promociju vrhunskih sportskih rezultata.
- e) osiguravanje zdravstvene zaštite sportista i nultu toleranciju prema upotrebi nedozvoljenih stimulativnih sredstava.
- f) promocija stručnosti, naučno-istraživačkog rada, inovacija i digitalizacije u svim aspektima sportske prakse.
- g) rješavanje svih sporova kroz sportske organe i arbitražne sportske tijela, uz garantovanje prava na pravično suđenje.
- h) poštovanje autonomije sportskih organizacija u uređivanju unutrašnjih odnosa i udruživanja.
- i) stvaranje efikasnog sistema stručnog osposobljavanja i usavršavanja stručnih kadrova u sportu.
- j) primjena drugih principa koji regulišu dostupnost sporta, slobodu izbora, jednakost prava i obaveza, posebnu zaštitu djece i omladine, zaštitu dostojanstva i ličnog integriteta, te promociju sportskog i općeg razvoja.

Organizatori i učesnici u sportskim aktivnostima su obavezni da razvijaju duh olimpizma, podstiču fer plej, suzbijaju nasilje, doping i sve vidove nesportskog ponašanja, uz posvećenost razvoju sportske kulture i etike.

U poglavlju II. Javni interes i ciljevi u sportu (čl. 21. - 34.) određeno je da je sport u Kantonu djelatnost od javnog interesa za Kanton i jedinice lokalne samouprave u sastavu Kantona. Javni interes sporta za Kanton i jedinice lokalne samouprave u sastavu Kantona utvrđen je zbog njegovog neposrednog i posrednog uticaja na zdravlje i zdravstveni sistem, privredno-ekonomski razvoj, kulturni i socijalni ambijent i ukupan razvoj društva na temeljima opće prihvaćenih civilizacijskih dostignuća na dobrobit svih građana.

(3) Javni interes i ciljevi u sportu Kantona su:

- a) podsticanje sistematskog i organizovanog bavljenja sportom u slobodnom vremenu.
- b) sistemsko stvaranje uslova za ostvarivanje vrhunskih sportskih rezultata.
- c) organizacija sistema takmičenja u skladu sa pravilima međunarodnih sportskih organizacija (asocijacija).
- d) sport i sportska rekreacija za lica sa invaliditetom.
- e) školski i studentski (univerzitetski) sport.

(4) Kanton i jedinice lokalne samouprave u sastavu Kantona ostvaruju javni interes u sportu i tako što planiraju, finansiraju ili sufinansiraju gradnju i kontrolišu namjensko korištenje javnih sportskih objekata od kantonalnog odnosno značaja za jedinice lokalne samouprave u sastavu Kantona i namjensku upotrebu novčanih sredstava.

(5) Javni interes društvene zajednice u oblasti sporta obezbjeđuju i provode nadležni organi Kantona i jedinice lokalne samouprave u sastavu Kantona.

(6) Za ostvarivanje javnog interesa u oblasti sporta, u skladu sa godišnjim programom razvoja sporta Kantona i Grada i općine, iz javnih sredstava se podstiče ostvarivanje sljedećih ciljeva:

- a) prvi zdravstveni pregled prije izbora sportske aktivnosti, naročito djece i rekreativaca.

- b) sportsko obrazovanje i osposobljavanje djece, omladine i odraslih usmjereno ka kvalitetnom i vrhunskom rezultatu u sportu odnosno vrhunskom sportu.
- c) sportska takmičenja, priredbe i manifestacije osoba sa invaliditetom.
- d) kvalitetni sport.
- e) vrhunski (značajni) sport.
- f) preventivne sistematske i specifične selektivne zdravstvene preglede u djelatnosti kvalitetnog i vrhunskog sporta.
- g) sportska rekreacija, sport za sve, razvojni sport.
- h) obrazovanje i specijalistička obuka stručnih lica osposobljenih za rad u sportu.
- i) finansiranje i sufinansiranje izgradnje i održavanje javnih sportskih objekata.
- j) aktivnosti pravnih i fizičkih lica u sportu i djelatnost sportskih organizacija (saveza i klubova, te udruženja u oblasti sporta).
- k) javno informisanje o sportu.
- l) izdavačka djelatnost.
- m) promotivne aktivnosti i savjetovanja u sportu.
- n) eksperimentalni programi u sportu.
- o) obavljanje stručnog nadzora u sportu.
- p) nagrađivanje u sportu i
- r) međunarodne, nacionalne i entitetske aktivnosti u sportu.

U ovom poglavlju su uređene potrebe i interesi građana u oblasti sporta u jedinici lokalne samouprave, ostvarivanje javnog interesa i cilja Kantona u sportu, ostvarivanje javnog interesa i cilja jedinice lokalne samouprave u sportu, sadržaj Strategije, utvrđivanje Strategije razvoja sporta i programa razvoja, Strategija razvoja sporta Kantona - Sadržaj Strategije.

Naglašeno je da:

- (1) Strategiju razvoja sporta Kantona donosi Skupština Kantona Sarajevo (u daljem tekstu: Skupština), za period osam godina, odnosno dva olimpijska ciklusa, na prijedlog Vlade Kantona Sarajevo (u daljem tekstu: Vlada).
- (2) Strategijom se utvrđuju:
 - a) stanje u oblasti sporta koje postoji u trenutku donošenja Strategije,
 - b) osnovni principi na kojima se zasniva razvoj sporta u Kantona,
 - c) kratkoročni, periodični i dugoročni sportsko-razvojni ciljevi u periodu za koji se donosi, kao i nosioci realizacije tih ciljeva,
 - d) sadržina, obim i procijenjena vrijednost aktivnosti na realizovanju postavljenih sportsko-razvojnih ciljeva,
 - e) obaveze i zadaci nosilaca javne vlasti svih nivoa i nosilaca sportskih programa na realizaciji postavljenih sportsko-razvojnih ciljeva,
 - f) program izgradnje sportskih objekata i terena od posebnog značaja za Kanton.
- (1) Sredstva za realizaciju Strategije obezbjeđuju se u budžetu Kantona i u budžetu jedinica lokalne samouprave.
- (2) Jedinica lokalne samouprave, u roku od šest mjeseci od usvajanja Strategije, utvrđuje program razvoja sporta na svojoj teritoriji, u skladu sa Strategijom.
- (3) Strategija obuhvata i:
 - a) osnovna polazišta i pravci razvoja aktivnosti pri čemu će se voditi računa o ravnopravnosti spolova, kao i osiguranju učešća svih lica i grupa bez obzira na rasu, boju kože, nacionalnu ili etničku pripadnost, socijalni status, vjersko, političko ili drugo uvjerenje, invaliditet, zdravstveni status, dob, spol, rod, seksualnu orijentaciju, rodni identitet ili bilo koje drugo lično svojstvo,
 - b) sadržaj i obim sportskih djelatnosti koji se finansiraju, odnosno sufinansiraju iz budžeta Kantona i ostalih nivoa administrativnog organizovanja u Kantonu,
 - c) razvojni i stručni zadaci u sportu,
 - d) okvirni kriterijumi za vrednovanje programa i njihovog finansiranja u sportu,
 - e) nosioci razvoja i mjere kontrole njegove realizacije.

U ovom poglavlju uređena je validnost Strategije i Program razvoja sporta, te strategije i programi razvoja na nižim nivoima vlasti, kao i to da se na osnovu Strategije, donose godišnji programi razvoja sporta Kantona i jedinica lokalne samouprave u Kantonu.

U članu 31. određeno je da se Godišnjim programom razvoja sporta Kantona utvrđuju naročito:

- a) načela i ciljevi politike u oblasti sporta na području Kantona.
- b) sadržaj i obim posebnih oblika sportskih aktivnosti, koje se finansiraju ili sufinansiraju iz javnih sredstava kao što su sportski odgoj i obrazovanje, sportska rekreacija, sport za sve i razvojni sport, vrhunski sport, kvalitetni sport, sportske aktivnosti učenika i studenata i sport lica sa invaliditetom.
- c) kriteriji za finansiranje godišnjeg programa razvoja sporta Kantona.
- d) razvojni i stručni poslovi u sportu.
- e) odgovarajuća medicinska zaštita i praćenje psihosomatskog statusa sportista i sportskih rekreativaca,
- f) organizovanje sporta i kantonalnih sportskih takmičenja te
- g) subjekti, način i rokovi za realizaciju godišnjeg programa razvoja sporta Kantona.

Jedinice lokalne samouprave donose godišnji program razvoja sporta jedinica lokalne samouprave (Grada i općine) u Kantonu.

Odredbama člana 33. određeno je da se formira Vijeće za razvoj sporta Kantona (u daljem tekstu: Vijeće) broji sedamnaest (17) članova i najviše je savjetodavno tijelo Vlade, koje se brine za razvoj i kvalitet sporta na nivou Kantona.

(1) Vijeće je nadležno za:

- a) davanje mišljenja o Strategiji,
- b) davanje mišljenja o godišnjim programu razvoja sporta Kantona.
- c) davanje mišljenja o godišnjim planovima i finansijskim potrebama sporta za narednu godinu najkasnije do 30. septembra tekuće godine.
- d) raspravu o pitanjima značajnim za sport, te predlaganje i podsticanje donošenja mjera za unapređenje sporta,
- e) predlaganje prioriternih projekata, elaborata i studija za njihovo finansiranje u sistemu javnih potreba u sportu,
- f) analizu stanja sporta sa prijedlogom i podsticajima za donošenje mjera za unapređenje sporta,
- g) davanje mišljenja i preporuka za nacрте i prijedloge propisa koji se odnose na sport.
- h) pripremu dokumentacione podloge za izradu godišnjeg programa razvoja sporta Kantona,
- i) obavljanje i drugih poslova utvrđenih ovim zakonom i drugim propisima.

DIO DRUGI – ORGANIZOVANJE SPORTA (čl. 35. - 38.) U njemu su uređeni: sportska djelatnost i aktivnost, nosioci sportskih aktivnosti, upis u registar pravnih i fizičkih lica, i uslovi za obavljanje sportskih djelatnosti i sportskih aktivnosti.

U Poglavlju I. - Pravna lica u oblasti sporta (čl. 39 - 109. Zakona) navedena su pravna lica koja djeluju u oblasti sporta, sportske organizacije, sticanje svojstva pravnog lica, skupština udruženja, organizacioni dijelovi sportskog udruženja, osnivači sportskog udruženja, osnivanje sportskog udruženja, članstvo u sportskom udruženju, istupanje iz sportskog udruženja, isključivanje iz sportskog udruženja i disciplinski postupak, organi upravljanja sportskim udruženjem, skupština sportskog udruženja, vanredna sjednica skupštine sportskog udruženja, zastupanje i predstavljanje sportskog udruženja, informisanje o radu sportskog udruženja, nadzorni odbor sportskog udruženja, sukob interesa, izuzeci od prava glasanja, naziv, sjedište, simboli i upotreba naziva sportskog udruženja, upis sportskog udruženja u registar, podaci koji se upisuju u registar kod nadležnog organa za registraciju, podaci koji se upisuju u sportski registar, postupak upisa sportskog udruženja

u sportski registar, imovina sportskog udruženja, poslovne knjige i finansijski izvještaji sportskog udruženja, korišćenje imovine sportskog udruženja, sticanje dobiti sportskog udruženja, raspodjela imovine nakon prestanka rada sportskog udruženja, prestanak rada sportskog udruženja, stečajni postupak nad sportskim udruženjem, statusne promjene sportskog udruženja, utvrđena obaveza sačinjavanja finansijskog izvještaja, pripajanje i spajanje sportskih udruženja, upis pripajanja sportskog udruženja u registar, prijava za upis pripajanja sportskog udruženja u sportski registar, ugovor o pripajanju sportskog udruženja, spajanje sportskih udruženja, podjela sportskog udruženja, odvajanje sportskog udruženja, upis u registar odvajanjem nastalog sportskog udruženja, organizacija za obavljanje sportske djelatnosti, sportski klub, amaterski sportski klub, profesionalni sportski klub, sportsko društvo, Sportski savez Kantona Sarajevo, cilj osnivanja i reprezentativnost, sportska pravila, gradski i općinski sportski savezi, sportska arbitraža, granski sportski savez Kantona, Grada i općine, nadležnost sportskih saveza Kantona, reprezentativnost, kantonalna kategorizacija u sportu, kategorizacija na lokalnom nivou, sportski klub lica sa invaliditetom, amaterski sportski klub lica sa invaliditetom, profesionalni sportski klub lica sa invaliditetom, sportsko društvo lica sa invaliditetom, sportski savez lica sa invaliditetom Kantona, Grada i općine, nadležnost sportskih saveza lica sa invaliditetom Kantona Sarajevo, udruženja sportske rekreacije, ustanove u oblasti sporta, javno preduzeće za obavljanje sportske djelatnosti, školski i univerzitetski sport, studentski/univerzitetski sportski savez, osnivanje školskog i univerzitetskog sportskog saveza, udruženja stručnih lica osposobljenih za rad u sportu, stručna i druga udruženja u oblasti sporta, sportski sindikat, druge sportske organizacije

U poglavlju II Prava i obaveze pravnih lica (čl. 110. - 113) uređeni su: sportska organizacija kao udruženje, obavljanje privredne djelatnosti, radni odnos u sportskim organizacijama, pripravnici i lica na stručnom osposobljavanju.

U poglavlju III - Fizička lica u oblasti sporta (čl. 114. - 134.), uređeni su: učesnici u sistemu sporta, sportista, prava sportista, obaveze sportista, akti kojim se uređuju prava i obaveze sportista, sportista strani državljanin, status vrhunskog sportiste, profesionalni sportista, radni odnos profesionalnog sportiste, sportista amater, ugovor o sportskom angažmanu sportiste amatera, ugovor o stipendiranju sportiste do 24. godine, trener, kondicijski trener, instruktor i demonstrator, vrste stručnih poslova, stručna lica u sportu, lice koje se ne može baviti sportom, ugovor o osiguranju sportiste, ugovor o radnom i stručnom angažovanju sportskog stručnjaka i stručnjaka u sportu, lice koje učestvuje u organizaciji ili vođenju takmičenja, zabrana za odgovorna lica organizatora takmičenja, inspekcijски nadzor nad obavljanjem stručnih poslova u oblasti sporta.

U poglavlju IV – Zdravstvena zaštita u sportu i antidoping kontrola (čl. 135 - 142) uređeni su: obavezna zdravstvena zaštita i utvrđivanje zdravstvene sposobnosti sportista, pravilnik o zdravstvenoj zaštiti sportista, evidencija o zdravstvenoj zaštiti sportista, zabrana izlaganja nedozvoljenim aktivnostima i upotrebi nedozvoljenih stimulativnih sredstava, zdravstvena sposobnost za bavljenje školskim sportom, antidoping kontrola, postupak i sankcije u slučaju povrede antidoping pravila, edukacija o antidoping.

DIO TREĆI – SPORTSKA TAKMIČENJA I PRIREDBE, SPORTSKI OBJEKTI, SUZBIJANJE NEDOLIČNOG PONAŠANJA NA SPORTSKIM PRIREDBAMA I INFORMATIKA U SPORTU (čl. 143. - 154.)

Ovdje su uređeni uslovi za organizaciju takmičenja, kandidovanje za organizovanje međunarodnog sportskog takmičenja, međunarodna sportska takmičenja, sportska priredba, sportski objekat, kategorizacija sportskih objekata, obaveze vlasnika sportskog objekta, namjena i promjena namjene sportskog objekta, javni sportski teren, sportski objekti od interesa za Kanton, suzbijanje nasilja i nedoličnog ponašanja gledalaca na sportskim priredbama, informacioni sistem u sportu, evidencije u sportu.

DIO ČETVRTI – FINANSIRANJE SPORTA

Odredbom člana 155. Zakona određeno je da se Finansiranje javnog (općeg) interesa u oblasti sporta smatra:

- a) obezbjeđivanje uslova za pripremu, učešće i ostvarivanje vrhunskih sportskih rezultata sportista na olimpijskim igrama, paraolimpijskim igrama i drugim zvaničnim međunarodnim sportskim takmičenjima.
 - b) aktivnosti i programi sportskih organizacija, sportskog saveza Kantona, granskih saveza, kao i aktivnosti pojedinaca u sportu, preko kojih se ostvaruju opšti interesi iz oblasti sporta.
 - c) izgradnju, opremanje i održavanje sportskih objekata koji su od posebnog značaja za razvoj sporta na području Kantona, vodeći računa o regionalnoj pokrivenosti.
 - d) naučne skupove i istraživačko-razvojne i naučnoistraživačke projekte u sportu, u organizaciji registrovanih ustanova na području Kantona za obavljanje naučnoistraživačkog rada u sportu.
 - e) unapređenje stručnog rada i stručno osposobljavanje u oblasti sporta kroz kontinuiranu edukaciju u sportu.
 - f) unapređenje zdravstvene zaštite sportista.
 - g) unapređenje rekreativnog sporta, promocija i podsticanje bavljenja sportom svih građana Kantona, a naročito djece, žena, omladine, lica sa invaliditetom, sportskih veterana i zaposlenih.
 - h) sprečavanje negativnih pojava u sportu, kao što su doping, nasilje i nedolično ponašanje.
 - i) organizaciju međunarodnih i kantonalnih sportskih manifestacija od posebnog značaja za Kanton.
 - j) aktivnosti na ispunjavanju međunarodnih obaveza u oblasti sporta i razvoj sporta u dijaspori.
 - k) obezbjeđivanje uslova za organizovanje i održavanje školskih i studentskih takmičenja na teritoriji Kantona.
 - l) unapređenje izdavaštva i javnog informisanja u sportu od kantonalnog značaja.
 - m) obezbjeđenje uslova za rad školskih sportskih sekcija,
 - n) stvaranje uslova i organizovanje sportskih škola, centara i sportskih kampova od posebnog značaja za razvoj sporta u Kantonu.
 - o) stipendije za osposobljavanje ili usavršavanje vrhunskih sportista amatera i novčana pomoć vrhunskim sportistima sa posebnim zaslugama.
 - p) sportska priznanja Kantona.
 - r) djelatnosti i programe organizacija u oblasti sporta čiji je osnivač Kanton.
- (2) Precizne definicije javnog interesa u oblasti sporta biće utvrđene u posebnom pravilniku koji donosi Ministarstvo.
- (3) Za ostvarivanje opšteg interesa u oblasti sporta iz stava (1) ovog člana, obezbjeđuju se sredstva u budžetu Kantona od najmanje 1.5 % planiranog budžeta Kantona za svaku tekuću godinu, a način raspodjele ovih sredstava biće utvrđen posebnim pravilnikom.
- (4) Svaka organizacija ili pojedinac koji prima sredstva za aktivnosti navedene u ovom članu mora podnijeti detaljan izvještaj o korišćenju sredstava, koji je dostupan javnosti.
- (5) U slučaju zloupotrebe sredstava, nepravilnosti u upravljanju finansijama ili neadekvatnog trošenja sredstava, primenjuju se sankcije u skladu sa zakonom.

U ovom dijelu pored finansiranja javnog interesa (čl. 156. - 173.) uređeni su: programi i projekti u oblasti sporta, ugovor o realizaciji programa, podnošenje prijedloga programa, uslovi i kriterijumi, nadzor nad realizacijom programa, povrat budžetskih sredstava, sredstva za finansiranje, olakšice za ulagače sredstava za razvoj sporta, kantonalna nagrada, priznanje i stipendija za sport, nagrade u sportu, podrška zaslužnim sportistima i sportskim radnicima, sportsko priznanje Kantona Sarajevo.

obračun mjesečnog novčanog primanja, ostvarivanje prava na Priznanje, sportista koji ostvaruje pravo na sportsko priznanje u drugoj državi, rješenje o dodjeli Priznanja, nosioci priznanja koji su ranije stekli pravo na priznanje, pravo na Sportsko priznanje Kantona.

DIO PETI – NADZOR NAD PROVOĐENJEM ZAKONA (čl. 174. - 178.) uređeni su: nadzor nad provođenjem ovog zakona, upravni i inspeksijski nadzor, nadležnost za vršenje nadzora, sadržaj vršenja nadzora, ovlaštenja u vršenju nadzora.

DIO ŠESTI – KAZNE NE ODREDBE (čl. 179.)

U ovom dijelu su uređene: novčane kazne za prekršaj ovoga zakona za sportske organizacije, odgovorna lica u nesportskim organizacijama i fizička lica u skladu s odredbama Zakona o prekršajima.

DIO SEDMI – PRIJELAZNE I ZAVRŠNE ODREDBE

U ovom dijelu (čl. 180. - 187.) uređeni su: dužnost lica koja ne ispunjavaju uslove za rad u oblasti sporta, donošenje pravilnika i podzakonskih akata u roku od jedne godine za provođenje ovog zakona, obaveza i rok usklađivanja opštih akata sa odredbama zakona, donošenje Pravilnika o zdravstvenoj zaštiti sportista, međusobna saradnja organa i službi nadležnih za sport i kontinuitet podzakonskih propisa do donošenja svih pravilnika određenih ovim zakonom, prestanak važenja prethodnog Zakona i stupanje na snagu ovog Zakona.

IV - POSTUPAK PRIPREME NACRTA ZAKONA

Nakon što je sa Skupštine Kantona Sarajevo povučen nacrt Zakona o sportu Kantona Sarajevo na doradu, a i da bi se novi saziv Vlade Kantona Sarajevo upoznao sa materijalom, Ministarstvo kulture i sporta Kantona Sarajevo, Rješenjem broj: 12-02-25002/23 od 30.05.2023. godine i broj 12-02-25002-1/23 imenovalo je novu Komisiju za izradu Nacrta Zakona o sportu Kantona Sarajevo u sastavu: Enid Tahirović - predsjednik, Razija Mujanović - član, Samir Šarić - član, Osman Handžić - član, Sead Čupina - član, Ifet Mahmutović - član, Tarik Trbić - član, Dragan Vujmilović - član, Miralem Zubović - član i Dževad Hamzić - član.

Komisija je održala sedam sastanaka na kojima je ostvarila uvid u sve prijedloge, primjedbe, inicijative i sugestije pristigle u toku predrasprave, kao i u sve propise kojim se uređuje oblast sporta donesene na državnom nivou, kao i u one propise koji su u tjesnoj vezi sa odredbama kojim se uređuje oblast sporta, te su svi prijedlozi i sugestije koji su prihvaćeni po ocjeni ove komisije na adekvatan način ugrađeni u tekst ovog Nacrta Zakona.

U predraspravi značajan uticaj na formulisanje i izgled pojedinih odredbi su dali Ministarstvo pravde i uprave Kantona Sarajevo i Pravobranilaštvo Kantona Sarajevo u dijelu koji se odnosi na imovinska pitanja u odnosu na sportske objekte kao i u vezi regulisanja stvarnih i imovinskih prava u ovom zakonu kako slijedi:

- Član 44. Nacrta zakona usklađen je sa članom 11. stav (1) Zakona o fondacijama i udruženjima ("Službene novine Federacije Bosne i Hercegovine", broj 42/02), na način da sada glasi:

“Član 44. (Osnivači sportskog udruženja)

Sportsko udruženje mogu osnovati najmanje tri fizička koja su državljanima Bosne i Hercegovine, odnosno tri pravna lica ili stranci koji su stalno nastanjeni ili borave duže od jedne godine na teritoriji Federacije sami ili zajedno s građanima Federacije u skladu sa zakonima koji regulišu osnivanje i registraciju udruženja”.

- U članu 49. stav (2) Nacrta Zakona prihvaćena je sugestija Ministarstva pravde „da članovi nadzornog odbora ne mogu biti članovi skupštine i organi upravljanja“, te ovaj stav sada glasi: „(2) Organ upravljanja sportskog udruženja je upravni odbor“.

- Prihvaćeno je mišljenje Ministarstva pravde da se u članu 55. stav (2) trebaju definisati izrazi: „lični interes“, u stavu (4) istog člana izraz: „član njegove porodice“, kao i prijedlog da se u stavu (6) kojim se propisuje pravo na naknadu štete u slučaju sukoba interesa, kao i da se poslovi koje lice izvrši za svoj račun priznaju kao poslovi izvršeni za račun sportskog udruženja. Istovremeno prihvaćena je sugestija da se u istom članu utvrdi organ koji vodi postupak utvrđivanja postojanja sukoba interesa kao i pravila samog postupka s obzirom da u članu 55. nije bilo naznačeno ko odlučuje o postojanju sukoba interesa, što je cijeli član 55. nacrta činilo nedorečenim i nedovoljno definisanim. Uvažavajući i prihvatajući sve iznesene primjedbe i sugestije Ministarstva pravde i uprave, ovaj član je redefinisani na način da sada glasi:

"Član 55. (Sukob interesa)

- (1) Ovlašteno lice i član organa upravljanja sportskog udruženja dužni su da postupaju savjesno, pažljivo i lojalno prema sportskom udruženju i da poštuju druge dužnosti utvrđene ovim zakonom i opštim aktima sportskog udruženja.
- (2) Lica iz stava (1) ovog člana koja imaju lični interes ne smiju koristiti sportsko udruženje za lično bogaćenje, odnosno lične potrebe. Pod Ličnim interesom ovlaštenog lica ili člana organa upravljanja podrazumijeva se sticanje materijalne ili druge koristi korišćenjem svog položaja, za njega lično, i za njegovu porodicu, bliske rođake, prijatelje ili druga pravna i fizička lica sa kojima ostvaruje privatni, poslovni ili politički kontakt i saradnju.
- (3) Ovlašteno lice sportskog udruženja ne može biti direktno ili indirektno angažovano u drugoj konkurentskoj sportskoj organizaciji.
- (4) Lični interes u smislu stava (2) ovog člana postoji ako je član organa upravljanja sportskog udruženja, odnosno ovlašteno lice ili član njegove porodice:
 - a) ugovorna strana u pravnom poslu sa sportskim udruženjem,
 - b) vlasnik ili na drugi način u poslovnom odnosu sa licem iz pravnog posla ili radnje koje zaključuje ugovor sa sportskim udruženjem, ili koje ima finansijske interese u tom poslu ili radnji, po osnovu kojih se razumno može očekivati da utiču na postupanje člana organa upravljanja, odnosno ovlaštenog lica, suprotno interesu sportskog udruženja.
- (1) Pod članom porodice, u smislu ovog zakona, smatraju se:
 - a) njegov bračni drug, roditelji, brat ili sestra tog bračnog druga,
 - b) njegovo dijete, roditelji, brat, sestra, unuk ili bračni drug bilo koga od ovih lica,
 - c) njegov krvni srodnik u pravoj liniji i u pobočnoj liniji do drugog stepena srodstva, usvojlac i usvojenik, srodnik po tazbini zaključno sa prvim stepenom i lica koja sa tim licem žive u zajedničkom domaćinstvu.
- (6) Lica iz stava (5) ovog člana smatraju se povezanim licima u smislu ovog zakona (u dalje tekstu: povezana lica).
- (7) Pravni posao između ovlaštenog lica i sportskog udruženja može da se zaključi po odobrenju organa upravljanja sportskog udruženja ili drugog organa određenog statutom.

- (8) Ukoliko zbog povrede odredbi o zabrani sukoba interesa i konkurencije iz st. (2) i (3) ovog člana nastane šteta za sportsko udruženje, sportsko udruženje ima pravo na naknadu štete i pravo da se poslovi koje je lice izvršilo za svoj račun na štetu sportskog udruženja priznaju kao poslovi izvršeni za račun sportskog udruženja radi namirenja nastale štete.
- (9) Statutom sportskog udruženja uređuje se zastupanje udruženja u slučaju sukoba interesa između sportskog udruženja i ovlaštenog lica.
- (10) Postojanje sukoba interesa u smislu ovog zakona utvrđuje komisija od tri člana koju imenuje Vijeće za sport iz reda svojih članova.
- (11) Vijeće za sport donosi pravila postupka utvrđivanja postojanja sukoba interesa u skladu sa ovim Zakonom."

- Član 62. Zakona usaglašen je, na Prijedlog Pravobranilaštva Kantona Sarajevo, sa odredbama Zakona o stvarnim pravima Federacije Bosne i Hercegovine ("Službene novine Federacije Bosne i Hercegovine", br. 66/13 i 100/13), kojim se uređuje sticanje, korištenje, raspolaganje, zaštita i prestanak prava i u kojem je u članu 363. propisano raspolaganje nekretninama u vlasništvu Federacije Bosne i Hercegovine, kantona i jedinica lokalne samouprave, te odredbama Zakona o imovini Kantona Sarajevo ("Službene novine Kantona Sarajevo", br. 6/97, 9/98 – presuda Ustavnog suda FBiH, 5/10 - Presuda Ustavnog suda FBiH i 27/16), kao i sa odredbom člana 8. ovog Zakona kojom je propisano da imovinom Kantona upravlja Skupština Kantona Sarajevo, dok je u čl. 7. i 8. Zakona o principima lokalne samouprave ("Službene novine Federacije Bosne i Hercegovine", broj 49/06) propisano da jedinica lokalne samouprave ima pravo slobodnog i samostalnog raspolaganja svojom imovinom u skladu sa zakonom, te da je vlastita nadležnost jedinica lokalne samouprave utvrđivanje i raspolaganje imovinom jedinice lokalne samouprave. Sve primjedbe i sugestije Ministarstva pravde i uprave Kantona Sarajevo na ovaj član su prihvaćene, te je on redefinisiran na način da isti sada glasi:

**"Član 62.
(Imovina sportskog udruženja)**

- (1) Imovinu sportskog udruženja čine:
 - a) nepokretnosti upisane u javnim evidencijama kao svojina sportskog udruženja,
 - b) dobrovoljni prilozi i pokloni koji imaju novčanu vrijednost,
 - c) finansijska sredstva iz budžeta Kantona,
 - d) subvencije,
 - e) prihodi odnosno prava i obaveze proistekli iz ugovora zaključenih sa fizičkim pravnim licima,
 - f) od kamata, dividendi, dobiti od kapitala, zakupnina, honorara i sličnih izvora pasivnog prihoda,
 - g) prihodi od usluga, sponzora i drugih komercijalnih, marketinških, poslovnih i privrednih djelatnosti i aktivnosti,
 - h) stečen putem ostvarivanja ciljeva i aktivnosti sportskog udruženja, članarina,
 - i) prihodi.
- (2) Sportsko udruženje raspolaže svojom imovinom u skladu sa statutom i zakonom.
- (3) Imovina iz stava (1) ovog člana je svojina sportskog udruženja i ne može se dijeliti između članova udruženja."

- Mišljenje Ministarstva pravde i uprave i Pravobranilaštva Kantona Sarajevo na član 65. je prihvaćeno i ugrađeno u tekst ovog člana na način da je isti isti jasno definisan i sada glasi:

**"Član 65.
(Sticanje dobiti sportskog udruženja)**

(1) Sportsko udruženje može da, radi pribavljanja sredstava potrebnih za ostvarivanje svojih statutarnih ciljeva i djelatnosti osnivati subjekte za privrednu i drugu djelatnost pod uslovima utvrđenim zakonom i statutom udruženja, te obavljati nesrodne privredne djelatnosti (privredne djelatnosti koje nisu neposredno povezane s ostvarivanjem osnovnih statutarnih ciljeva udruženja) samo preko posebno osnovanog pravnog lica.

(2) Dobit koju sportsko udruženje ostvari na način iz stava (1) ovog člana može se upotrijebiti samo za ostvarivanje osnovnih ciljeva i zadataka koji se utvrde statutom sportskog udruženja i ne može se dijeliti između osnivača i članova udruženja."

- U čl. 101. i 102. utvrđeno je osnivanje javnih ustanova za obavljanje djelatnosti u oblasti sporta, odnosno osnivanje javnih preduzeća za obavljanje sportske djelatnosti, te da se osnivanje vrši u skladu sa Zakonom o ustanovama ("Službeni list RBiH", br. 6/92, 8/93 i 13/94) odnosno Zakonom o javnim preduzećima ("Službene novine Federacije Bosne i Hercegovine", broj 8/05, 81/08, 22/09 i 109/12), na način da ovi članovi glase:

"Član 101.

(Ustanove u oblasti sporta)

- (1) Javne ustanove za obavljanje djelatnosti u oblasti sporta mogu, u skladu sa propisom kojim se uređuju javne službe odnosno ustanove, osnivati Kanton ili jedinica lokalne samouprave (u daljem tekstu: osnivač).
- (2) Ustanove iz stava (1) ovog člana osnivaju se za obavljanje:
 - a) stručno razvojnih poslova, praćenja tjelesnih sposobnosti djece i omladine, studenata, b) osoba sa invaliditetom i drugih kategorija građana,
 - c) testiranje i pripremu vrhunskih sportista,
 - d) edukaciju i trening sportskih talenata.
- (3) Ustanove u oblasti sporta mogu osnivati druga pravna i fizička lica, pod uslovima propisanim zakonom.
- (4) Ustanove iz st. (1) i (3) ovog člana mogu obavljati sportsku djelatnost ako imaju obezbijeden odgovarajući prostor, opremu, odgovarajuće sportske stručnjake u zavisnosti od vrste djelatnosti, ako ispunjavaju uslove bezbjednosti za obavljanje djelatnosti i ako imaju odgovarajuću unutrašnju organizaciju, odnosno službu.
- (5) Ustanove iz st. (1) i (3) ovog člana mogu se osnovati pod uslovima utvrđenim Zakonom o ustanovama ("Službeni list RBiH", br. 6/92, 8/93 i 13/94).

Član 102.

(Javno preduzeće za obavljanje sportske djelatnosti)

- (1) Javno preduzeće za proizvodnju, promet i usluge u oblasti sporta osniva se i registruje u skladu sa Zakonom o javnim preduzećima, a mogu ga osnivati Kanton ili jedinica lokalne samouprave (u daljem tekstu: vlasnik).
- (2) Javno preduzeće osniva se za obavljanje djelatnosti, poslova i aktivnosti propisanih ovim i drugim zakonom.
- (3) Javna preduzeća mogu obavljati sportsku djelatnost ako imaju obezbijeden odgovarajući prostor, opremu, odgovarajuće sportske stručnjake u zavisnosti od vrste djelatnosti, ako ispunjavaju uslove bezbjednosti za obavljanje djelatnosti i ako imaju odgovarajuću unutrašnju organizaciju, odnosno službu."

- Član 106. stav (2) usaglašen je sa članom 11. stav (3) Zakona o udruženjima i fondacijama ("Službene novine Federacije BiH", broj 45/02), kojim je propisano da udruženje stiče svojstvo pravnog lica upisom u registar, te sada stav (2) zakona o sportu glasi:

"(2) Udruženje stručnih lica osposobljenih za rad u sportu ima status pravnog lica koji stiče upisom u registar kod Ministarstva pravde i uprave Kantona Sarajevo".

- U članu 20. stav (2) tačka p) Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) propisana je "p) inspekcija za sport", te je saglasno tome u članu 175. st. (4), (6) i (7) nacrtu ovog Zakona određeno da:

"(4) Inspekcijski nadzor nad provođenjem ovog zakona vrši Kantonalna uprava za inspekcijske poslove Kantona Sarajevo u skladu sa svojim nadležnostima.

(6) Inspekcijski nadzor iz stava (4) ovog člana vrši se putem nadležnih inspektora odnosno inspekcija iz pripadajućih Inspektorata u skladu sa svojim nadležnostima i ovlaštenjima za konkretnu upravnu oblast.

(7) U roku od 30 dana od dana stupanja na snagu ovog zakona direktor Kantonalne uprave za inspekcijske poslove Kantona Sarajevo dužan je organizovati Inspektorat za sport u okviru organizacije Kantonalne uprave za inspekcijske poslove Kantona Sarajevo i uskladiti pravilnik o unutrašnjoj organizaciji sa djelokrugom poslova propisanih ovim zakonom u Kantonalnoj upravi za inspekcijske poslove Kantona Sarajevo uz saglasnost Vlade."

Član 179. Zakona o sportu usaglašen je u pogledu raspona novčanih kazni za pravna lica, odgovorno lice u pravnom licu i fizička lica sa članom 22. Zakona o prekršajima kojim je određeno da kazna koja se određuje zakonom se može propisati za fizičko lice u rasponu od 30,00 KM do 10.000,00 KM, za odgovorno lice u pravnom licu od 50,00 KM do 20.000,00 KM a za pravno lice od 500,00 KM do 200.000,00 KM. a što se može utvrditi uvidom u tekst Dijela šestog – Kaznene odredbe, člana 179., koji glasi:

"DIO ŠESTI – KAZNENE ODREDBE

Član 179. (Novčane kazne)

(1) Novčanom kaznom u iznosu od 5.000,00 KM do 10.000,00 KM kaznit će se sportska organizacija ako:

- a) nije upisana u registar pravnih lica u oblasti sporta (član 37. stav (3) ovog zakona).
- b) ne vodi knjigu članova u skladu članom 46. stav (7) ovog zakona).
- c) ne primi u članstvo organizaciju koja ispunjava uslove za prijem u članstvo u skladu sa statutom kantonalnog sportskog saveza (član 89. stav (1) ovog zakona).
- d) ne obezbijedi prioritet organizovanja školskim i studentskim nastavnim i vannastavnim sportskim aktivnostima u vezi sa korišćenjem školskih i univerzitetskih sportskih sala i terena (član 103. stav (4) ovog zakona).
- e) ne omogući sportisti prava iz člana 116. stav (2) ovog zakona.
- f) zaključi sa maloljetnim sportistom ugovor suprotno odredbama člana 121. stav (5) ovog zakona).
- g) ne zaključi ugovor o osiguranju sportiste i lica koje obavlja stručne poslove u sportu od posljedica nesrećnog slučaja za vrijeme obavljanja sportske aktivnosti (član 130. stav (1) ovog zakona).
- h) omogući da u sportskom natjecanju učestvuje osoba za koju od strane ovlaštenog ljekara nije utvrđena opća i posebna zdravstvena sposobnost (član 135. ovog zakona).
- i) ne vodi evidenciju o utvrđenoj zdravstvenoj sposobnosti sportiste takmičara (član 137. stav (1) ovog zakona).
- j) izloži sportistu sportskim aktivnostima koje mogu da ugroze ili pogoršaju njegovo zdravstveno stanje (član 138. stav (1) ovog zakona).

k) uključi učenike i studente u van nastavne sportske aktivnosti i sportska takmičenja suprotno članu 139. ovog zakona.

l) ukoliko organizuje sportsko takmičenje, a prethodno ne obezbjedi uslove iz člana 143. stav (1) za njegovo održavanje, ili dokaze o ispunjavanju uslova za učešće u sportskom takmičenju ne dostavi nadležnoj inspekciji na njen zahtjev (član 143. stav (2) ovog zakona).

(1) Za prekršaje iz stava (1) ovog člana kaznit će se i odgovorno lice u sportskoj organizaciji novčanom kaznom u iznosu od 1.000,00 KM do 5.000,00 KM.

(2) Novčanom kaznom od 500 KM do 1.000 KM kazniće se za prekršaj fizičko lice ako:

a) nije upisano u registar fizičkih lica u oblasti sporta (član 37. stav (3) ovog zakona),

b) učestvuje u sportskom takmičenju ili manifestaciji iako mu nije utvrđena zdravstvena sposobnost u skladu članom 135. ovog zakona,

c) izloži sportistu aktivnostima koje mogu da ugroze njegovo zdravlje (član 138. stav (1) ovog zakona),

d) uključi učenike i studente u van nastavne sportske aktivnosti i sportska takmičenja suprotno članu 139. ovog zakona.

e) ukoliko organizuje sportsko takmičenje, a prethodno ne obezbjedi uslove iz člana 143. stav (1) za njegovo održavanje, ili dokaze o ispunjavanju uslova za učešće u sportskom takmičenju ne dostavi nadležnoj inspekciji na njen zahtjev (član 143. stav (2) ovog zakona).”

U čl. 181. - 185. usklađena je numeracija članova sa pravilnicima navedenim u tekstu nacrtu Zakona o sportu, te je pregledno propisana obaveza Vlade Kantona Sarajevo, Ministarstva kulture i sporta Kantona Sarajevo, Ministarstva zdravlja Kantona Sarajevo, Vijeća za sport Kantona Sarajevo, sportskih organizacija sa sjedištem na području Kantona Sarajevo, jedinica lokalne samouprave sa područja Kantona Sarajevo da u određenom roku donesu podzakonske akte i druge akte za provođenje ovog zakona, te usklade opšte akte, koji glase:

Član 181.

(Donošenje pravilnika i podzakonskih akata)

(1) Ministar će u roku od godinu dana od dana stupanja na snagu ovog zakona donijeti:

a) Posebne standarde i kriterije za izbor u Vijeće za sport Kantona Sarajevo shodno članu 7. Zakonom o ministarskim, vladinim, i drugim imenovanjima Federacije Bosne i Hercegovine (34. stav (4) ovog zakona),

b) Pravilnik o vođenju registra pravnih lica u oblasti sporta na nivou Kantona (37. stav (2) ovog zakona),

c) Pravilnik o vođenju registra fizičkih lica u oblasti sporta na nivou Kantona (37. stav (2) ovog zakona),

d) Pravilnik o postupku utvrđivanja ispunjenosti uslova za obavljanje sportskih djelatnosti i aktivnosti (član 38. stav (4) ovog zakona),

e) Pravilnik o postupku upisa, sadržaju i načinu vođenja sportskog registra (61. stav (6) ovog zakona),

f) Pravilnik o kategorizaciji sportova, sportista i sportskih stručnjaka i stručnjaka u sportu (92. stav (6) ovog zakona),

g) Pravilnik o organizovanju školskog sporta Kantona Sarajevo i organizaciji školskih sportskih takmičenja Kantona Sarajevo (član 105. stav (1) ovog zakona),

h) Pravilnik o organizaciji studentskog sporta na Univerzitetu u Kantonu Sarajevo i organizaciji studenskih sportskih takmičenja na Univerzitetu u Kantonu Sarajevo (član 105. stav (3) ovog zakona),

i) Pravilnik o ispunjenosti posebnih uslova za sportske organizacije koje vrše obuku svojih članova u više sportskih disciplina (član 109. stav (4) ovog zakona),

- j) Pravilnik o postupku utvrđivanja uslova za obavljanje djelatnosti i poslova u vezi sa korištenjem javnog sportskog terena (član 150. stav (6) ovog zakona),
 - k) Pravilnik o postupku utvrđivanja sportskih objekata od interesa za Kanton (član 151. stav (2) ovog zakona),
 - l) Pravilnik o sadržaju, načinu vođenja evidencija u sportu, te pristupu podacima (član 154. stav (9) ovog zakona),
 - m) Pravilnik o utvrđivanju opšteg javnog interesa u sportu (član 155. st. (2) i (3) ovog zakona),
 - n) Pravilnik o uslovima i kriterijumima za finansiranje realizacije programa kojima se ostvaruje opšti interes u oblasti sporta (član 159. stav (3) ovog zakona),
 - o) Pravilnik o kategorizaciji sportova, sportista i sportskih stručnjaka i stručnjaka u sportu i dodjeli doživotne novčane naknade zaslužnim sportistima u Kantonu (član 173. ovog zakona).
- (1) Vlada će za provođenje ovog zakona, a na prijedlog Ministarstva u roku od godinu dana od stupanja na snagu ovog zakona donijeti:
- a) Godišnji program razvoja sporta Kantona Sarajevo, (30. stav (2) ovog zakona),
 - b) Posebne standarde i kriterije za izbor u Vijeće za sport Kantona Sarajevo shodno članu 7. Zakona o ministarskim, vladinim, i drugim imenovanjima Federacije Bosne i Hercegovine (34. stav (4) ovog zakona),
 - c) Pravilnik o kategorizaciji sportista na području Kantona Sarajevo (član 120. stav (4) ovog zakona),
 - d) Pravilnik o stručnim kvalifikacijama sportskih stručnjaka stečenih kroz formalno i neformalno obrazovanje na području Kantona Sarajevo (član 128. stav (2) ovog zakona),
 - e) Odluku o utvrđivanju kantonalne nagrade i priznanja za sport, nagrade za posebandoprinos sportu i životno djelo, stipendije i školarine, kao i kriterijuma za njihovu dodjelu (čl. 164. stav (5) i 165. stav (1) ovog zakona).
- (1) Vlada Kantona će u roku od godinu dana na prijedlog Ministarstva predložiti Skupštini Kantona Sarajevo tekst:
- a) Strategiju razvoja sporta Kantona Sarajevo (član 27. stav (1) ovog zakona),
 - b) Program razvoja sporta Kantona Sarajevo (član 28. ovog zakona).
- (1) Vijeće za sport Kantona Sarajevo će donijeti pravila postupka utvrđivanja postojanja sukoba interesa u skladu sa ovim Zakonom u roku od šest mjeseci od dana njegovog imenovanja (član 55. stav (11) ovog zakona).
- (2) Sportski savez Kantona Sarajevo će u roku od šest mjeseci od donošenja ovog zakona donijeti Pravilnik o uspostavljanju, postupcima, rokovima i radu Sportske arbitraže (član 88. stav (5) ovog zakona).
- (3) Do donošenja propisa navedenih u st. (1) i (2) ovog člana primjenjivaće se podzakonski propisi doneseni na osnovu Zakona o sportu ("Službene novine Kantona Sarajevo", broj 45/12 – Prečišćeni tekst i 36/21) koji nisu u suprotnosti sa odredbama ovog zakona.
- (4) Jedinice lokalne samouprave će u roku od šest mjeseci od donošenja Strategije razvoja sporta Kantona Sarajevo donijeti svoje:
- a) Strategije razvoja sporta (član 29. ovog zakona).
 - b) Programe razvoja sporta (član 27. stav (4) ovog zakona).

Član 182.

(Obaveza i rok usklađivanja sa odredbama zakona)

- (1) Nadležni organi, postojeće sportske organizacije, pravna i fizička lica u oblasti sporta koji su registrovani prije stupanja na snagu ovog zakona dužni su da se preregistruju i usklade svoju

organizaciju, rad i opšta normativna akta sa odredbama ovog zakona u roku od tri mjeseca od dana stupanja na snagu ovog zakona.

- (2) Sportske organizacije iz stava (1) ovog člana koje se ne preregistruju i usklade svoju organizaciju, rad i opšta akta sa odredbama ovog zakona u roku naznačenom u stavu (1) ovog člana gube status sportske organizacije, kao i prava obavljanja sportskih aktivnosti i djelatnosti.

Član 183.

(Pravilnik o zdravstvenoj zaštiti sportista)

Ministar zdravstva Kantona Sarajevo, uz prethodne konsultacije sa Ministrom, u roku od tri mjeseca od dana stupanja na snagu ovog zakona, donosi:

- a) Pravilnik o zdravstvenoj zaštiti sportista (član 136. stav (1) ovog zakona),
- b) utvrđuje sadržaj obrasca i način vođenja medicinske dokumentacije o zdravstvenoj sposobnosti sportista (član 137. stav (2) ovog zakona).

Član 184.

(Medusobna saradnja organa i službi nadležnih za sport)

- (1) Radi ostvarivanja javnih interesa iz ovog zakona i drugih interesa sporta, organi i službe lokalne samouprave (grada/općine) nadležni za organizovanje i praćenje sportske djelatnosti, obavezni su da saraduju međusobno i sa nadležnim organima Kantona.
- (2) Ministarstvo, između istaknutih sportista i sportskih stručnjaka sa područja Kantona Sarajevo, predlaže Ministarstvu kulture i sporta Federacije Bosne i Hercegovine i Sektoru za sport u okviru Ministarstva civilnih poslova Bosne i Hercegovine najmanje po jednog kandidata za imenovanje za člana Vijeća za sport Bosne i Hercegovine.

Član 185.

(Kontinuitet podzakonskih propisa)

Do donošenja propisa iz čl. 181. i 183. ovog zakona primjenjivat će se:

- a) Pravilnik o bližim uslovima za organizovanje sportskih priredbi na području Kantona Sarajevo ("Službene novine Kantona Sarajevo", broj 23/03),
- b) Pravilnik o kategorizaciji sportista prema ostvarenim rezultatima ("Službene novine Kantona Sarajevo", broj 1/22),
- c) Pravilnik o bližim uslovima stručne spreme stručnog kadra u sportu ("Službene novine Kantona Sarajevo", broj 23/03),
- d) Pravilnik o kategorizaciji i namjeni sportskih objekata na području Kantona Sarajevo ("Službene novine Kantona Sarajevo", broj 23/03),
- e) Pravilnik o zdravstvenom nadzoru sportista na području Kantona Sarajevo ("Službene novine Kantona Sarajevo", broj 27/03),
- f) Pravilnik o sadržaju i načinu vođenja matičnih evidencija u sportu ("Službene novine Kantona Sarajevo", broj 23/03),
- g) Pravilnik o kriterijima za podršku finansiranju javnog interesa u sportu Kantona Sarajevo ("Službene novine Kantona Sarajevo", broj 8/22),
- h) Pravilnik o kriterijima za sufinansiranje troškova treninga za seniorske ekipe premijerligaških klubova Kantona Sarajevo u ekipnim sportovima ("Službene novine Kantona Sarajevo", broj 27/20)."

V – FINANSIJSKA SREDSTVA ZA PROVOĐENJE ZAKONA

Za provođenje Zakona o sportu samo su djelimično obezbijedena finansijska sredstva u budžetu Kantona Sarajevo. a prema Dokumentu okvirnog budžeta DOB 2024. - 2026.. a što je nedovoljno za razvoj i unapređenje sporta predviđeno ovim zakonom.

Predloženi Nacrt Zakona o sportu je predvidio nove institucije u sportu, predvidio školski i univerzitetski sport, planirao razvoj svih komponenti sporta, intevizirao saradnju Ministarstva kulture i sporta, Ministarstva odgoja i obrazovanja i Ministarstva za visoko obrazovanje, nauku i mlade. Uvode se novi registri sportista, stručnjaka u sportu, sportskih udruženja i saveza, te uvođenje profesionalizacije u sportu. Za sprovođenje navedenog zakona biće potrebno obezbijediti sredstva minimalno od 1.5% Budžeta Kantona Sarajevo na poziciji Ministarstva kulture i sporta. Po DOB-u Budžet Kantona Sarajevo za 2024. godinu je planiran u iznosu od 1.530.505.00 KM, što znači da bi budžet za sport iznosio 19.000.000,00 KM, tako da bi minimalna dodatna sredstva za sprovođenje predloženog zakona iznosila 11.000.000,00 KM.

5. Potencijalne obaveze za budžet

Planirani iznos budžetskih sredstava na poziciji Ministarstva kulture i sporta za 2024. godinu, 614000- Tekući transferi za sport iznose 7.505.000,00 KM, a traženi zahtjev od cca 1,5 % ukupnog Budžeta Kantona Sarajevo je cca 19.000.000,00 KM Tako da bi usvajanjem predloženog Zakona o sportu Kantona Sarajevo za 2024. godinu nedostajalo 11.000.000,00 KM.

Za provodenje Zakona neophodna su finansijska sredstva u iznosu od najmanje 1.5 % godišnjeg Budžeta, obzirom da Zakon predviđa razvojnu komponentu kada je u pitanju školski i univerzitetski sport, te unapređenje stručnog rada i obezbijedivanje i poboljšavanje uslova za sport (objekti, oprema, stručni kadrovi, institucionalno jačanje sporta), pojačavanje zdravstvene kontrole sportista i rekreativaca, te opremanje pratećih službi za vođenje čitavog niza registara koje predviđa Zakon.

Prilog: IFP DA obrazac.

OBRAZAC ZA PROVOĐENJE SVEOBUHVAATNE PROCJENE UTICAJA PROPISA

<p>Naziv prednacrt/nacrta/prijedloga propisa <i>(Obavezno navesti formu propisa: prednacrt, nacrt ili prijedlog propisa)</i></p>	<p>Nacrt Zakona o sportu (redovan postupak).</p>
<p>Obrađivač (naziv organa)</p>	<p>Ministarstvo kulture i sporta Kantona Sarajevo</p>
<p>Datum</p>	<p>01.02.2024. godine</p>
<p>Pravni osnov za donošenje propisa</p>	<p>član 11, član 18, stav 1, tačka b) Ustava Kantona Sarajevo („Službene novine Kantona Sarajevo“, broj 1/96, 2/96, 3/96, 16/97, 14/00, 4/01, 28/04, 6/13 i 31/17).</p>
<p>1. Analiza stanja i identifikacija problema</p>	
<p>Opišite postojeće stanje i identificirane probleme u skladu sa članom 9. Uredbe. Analizirajte implikacije postojećeg stanja na ciljne grupe i druge zainteresirane strane. Analiza treba da obavezno sadrži obrazloženje neophodnosti normativno-pravnog rješavanja identificiranog problema u odnosu na druga moguća rješenja.</p> <p>Odgovor: a) poštovanje prava i sloboda sportista, uključujući njihovu zaštitu od bilo kakve diskriminacije ili zloupotrebe, b) afirmacija duha olimpiзма, uključujući promociju mira, solidarnosti, prijateljstva i Ovim zakonom se reguliše sport u Kantonu Sarajevo (u daljnjem tekstu: Kanton) i jedinicama lokalne samouprave na području Kantona (Grad Sarajevo i opine u sastavu Kantona), uključujući, ali ne ograničavajući se na, osnovne principe sporta, javni interes i ciljeve u sportu, organizaciju sporta, pravna i fizička lica u oblasti sporta, njihova prava i obaveze, zdravstvenu zaštitu u sportu i antidoping kontrolu, sportska takmičenja i priredbe, sportske objekte, suzbijanje nedolnog ponašanja na sportskim priredbama, informatiku u sportu, finansiranje sporta, nadzor nad provođenjem zakona i kaznene odredbe. Detalji o svakom od ovih elemenata e bili dodatno razraeni u poglavljima ovog zakona, fer pleja, c)</p>	
<p>2. Opći i specifični ciljevi propisa</p> <p>Identificirajte opće i specifične ciljeve u skladu sa članom 10. Uredbe. Pri utvrđivanju ciljeva nužno je voditi računa o njihovoj preciznosti i konkretnosti, mjerljivosti, relevantnosti i ostvarivosti u jasno određenim rokovima.</p> <p>Odgovor: garantovanje prava svih građana da se bave sportom pod jednakim uslovima bez diskriminacije na bilo kojoj osnovi, uključujući ravnopravno učešće muškaraca i žena u sportu.</p> <p>Opći: angažovanje svih nivoa vlasti u stvaranju povoljnih uslova za razvoj sporta, uključujući materijalnu podršku i osposobljavanje</p> <p>Specifični: usavršavanje, te promociju vrhunskih sportskih rezultata.</p>	

3. Identifikacija mogućih opcija za postizanje utvrđenih ciljeva

Identificirajte moguće opcije za postizanje utvrđenih ciljeva u skladu sa članom 11. Uredbe.

garantovanje prava svih građana da se bave sportom pod jednakim uslovima bez diskriminacije na bilo kojoj osnovi.

Odgovor: uključujući ravnopravno učešće muškaraca i žena u sportu.

Opcija 1.

(Opcija zadržavanja postojećeg stanja kojom će se ukazati na posljedice nerješavanja identificiranih problema u narednom periodu)

Opis rješenja i osnovne implikacije: Školski i univerzitetski sport kao baza sporta nedovoljno je razvijen

Opcija 2.

(Opcija djelimičnog rješavanja identificiranih problema parcijalnim normativnim rješenjima ili poduzimanjem određenih mjera izvan kreiranja ili mijenjanja regulatornog okvira)

Opis rješenja i osnovne implikacije: Dosadanj način sufinansiranja kroz javni poziv znači da školske institucije i fakulteti nemaju pristup potrebnim finansijskim sredstvima za uspostavljanje potrebne razine razvijenosti školskog i univerzitetskog sporta

Opcija 3.

(Opcija usvajanja novog i sveobuhvatnog normativnog okvira ili izmjena i dopuna postojećeg pravnog okvira kojim će se u potpunosti ili u najvećoj mogućoj mjeri riješiti identificirani problem)

Opis rješenja i osnovne implikacije: Zakon će kada bude donesen omogućiti finansiranje i razvoj cjelokupnog sporta a posebno školskog i univerzitetskog sporta

4. Procjena uticaja identificiranih opcija

Izvršite procjenu uticaja u skladu sa članom 12. Uredbe.

Sve uticaje opisati navodeći:

a) nivo uticaja: a) bez uticaja (ili sa zanemarljivim uticajem), b) značajni uticaji, c) vrlo značajni uticaji

b) glavne izvore podataka za procjenu,

c) dostupne podatke i kvantitativne i kvalitativne pokazatelje, te

d) analizu podataka i procjenu relevantnosti i obima uticaja te zaključak da li je uticaj pretežno pozitivan ili negativan.

Opcije	Opcija 1.	Opcija 2.	Opcija 3.
Fiskalni uticaji		Znaajan uticaj	
Ekonomski uticaji		Znaajni uticaji	
Socijalni uticaji		Znaajni uticaji	
Uticaji na zaštitu osnovnih ljudskih prava i sloboda		Znaajni uticaj	
Uticaji na zaštitu životne okoline	Bez uticaja		
Koruptivni rizici	Bez uticaja		

5. Usporedna analiza opcija i odabir najpovoljnije opcije

Analizirajte opcije u skladu sa kriterijima iz člana 14. Uredbe.

	Opcija 1.	Opcija 2.	Opcija 3.
Postizanje cilja		Institucije izvršavaju registrovanu djelatnost	
Provedivost		Graani dobijaju uslugu	
Jasnoća			
Troškovi primjene		Za sport se treba zdvajati najmanje 1.5 % od ukupnog budžeta KS	
Usklađenost			
Integralni pristup		Da	
Održivost		Da	
Efikasnost		Da	

6. Odabrana opcija

Navedite odabranu opciju i dajte obrazloženje razloga za odabir ove opcije kao najpovoljnije.

Ovaj Zakon treba da se donese po redovnom postupku, a njegovo nedonošenje bi moglo da izazove štetne posljedice za društvene interese u Kantonu Sarajevu.

Odgovor:

7. Provođenje konsultacija	
7.1. Navedite podatke iz izvještaja o provedenim konsultacijama (izvještaj se obavezno prilaže) o kantonalnim organima i drugim institucijama Kantona i drugih nivoa vlasti sa kojima su provedene konsultacije, uključujući vrijeme konsultacija, metode konsultacija, zaprimljene primjedbe i sugestije, te ishode koje su konsultacije imale na sadržaj propisa.	
Odgovor:	U toku su konsultacije. Izvještaj će biti priložen.
7.2. Navedite podatke iz izvještaja o provedenim konsultacijama (izvještaj se obavezno prilaže) o institucijama, organizacijama i pojedincima sa kojima su provedene javne konsultacije, uključujući vrijeme konsultacija, metode konsultacija, zaprimljene primjedbe i sugestije, te ishode koje su konsultacije imale na sadržaj propisa.	
Odgovor:	Konsultacije traju 15 dana do 19.03.2024. godine, nakon čega će biti sačinjen detaljan izvještaj.
8. Praćenje i evaluacija	
8.1. Navedite pokazatelje izvršenja i uspješnosti provođenja propisa, koji uključuju polazne i ciljne vrijednosti, izvore i metode prikupljanja i verifikacije podataka, koji će biti korišteni za praćenje provođenja propisa u skladu sa članom 19. Uredbe.	
Odgovor:	Sa svim institucijama će biti zaključen ugovorkojim će biti precizirane njihove obaveze u procesu provođenja Zakona
8.2. Navedite plan za provođenje evaluacije propisa u skladu sa članom 20. Uredbe.	
Odgovor:	Sportske organizacije će prema odredbama ugovora podnijeti narativni i finansijski izvještaj o utrošku dodijeljenih sredstava i rezultatima njihovog rada
9. Zaključak	
Ukratko predstavite ukupne rezultate provedene procjene uticaja, sa osvrtom na analizu opcija u skladu sa kriterijima, rezultate konsultacija i opisom odabranih rješenja koja se upućuju u dalju zakonodavnu proceduru.	
Odgovor:	Zakonom se uređuje sufinansiranje sporta, ali i prava i obaveze i odgovornosti svih organa i tijela uesnika u sportu na području Kantona Sarajeva.

PRIBAVLJENA MIŠLJENJA KONTROLNIH TIJELA (popunjava se nakon pribavljanja mišljenja i izmjena obrasca u skladu sa mišljenjima)

Kontrolno tijelo	Datum dostavljanja mišljenja i broj akta	Mišljenje priloženo DA/NE	Mišljenje potvrđuje procjenu uticaja DA/NE	Sažetak mišljenja i opis izmjena Obrasca 2. i odabranih rješenja u skladu sa mišljenjem	Očitovanje u vezi sa spornim pitanjima u slučaju neslaganja obrađivača sa mišljenjem
Ministarstvo finansija (daje mišljenje u pogledu provjere procjene fiskalnih uticaja i ekonomskih uticaja)					
Ministarstvo za rad, socijalnu politiku, raseljena lica i izbjeglice (daje mišljenje pogledu provjere provedene procjene socijalnih uticaja)					
Ministarstvo pravde i uprave (daje mišljenje u pogledu provjere provedene procjene uticaja na zaštitu ljudskih prava i sloboda)					
Ministarstvo komunalne privrede, infrastrukture, prostornog uređenja, građenja i zaštite okoliša (daje					

mišljenje u pogledu provjere procjene uticaja na životnu sredinu)					
Ured za borbu protiv korupcije i upravljanje kvalitetom (daje mišljenje u pogledu procjene uticaja koruptivnih rizika u zakonima)					

IZJAVA O PROVOĐENJU SVEOBUHvatNE PROCJENE UTICAJA PROPISA, PROVOĐENJU KONSULTACIJAMA I PRIBAVLJANJU MIŠLJENJA KONTROLNIH TIJELA

Svojim potpisom koordinator postupka procjene uticaja i svojim potpisom i pečatom rukovodilac obrađivača potvrđuju da je provedena sveobuhvatna procjena uticaja propisa u skladu sa Uredbom o procjeni uticaja propisa u Kantonu Sarajevo i drugim relevantnim propisima.

COORDINATOR POSTUPKA PROCJENE UTICAJA

potpis

Datum i mjesto 04.03.2024. godine. Sarajevo

Elvedina Kozadra

RUKOVODIOCA OBRADIVAČA

potpis

Datum i mjesto 05.02.2024. godine. Sarajevo

M.P.

MINISTAR
Kenan Magoda